



Summaire ou Epitome du liure de Asse fait par le commandement du Roy.

<https://hdl.handle.net/1874/433222>



**Dit boek hoort bij de Collectie Van Buchell
Huybert van Buchell (1513-1599)**

Meer informatie over de collectie is beschikbaar op:

<http://repertorium.library.uu.nl/node/2732>

Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:

- de rug van het boek
 - de kopsnede
 - de frontsnede
 - de staartsnede
 - het achterplat

**This book is part of the Van Buchell Collection
Huybert van Buchell (1513-1599)**

More information on this collection is available at:

<http://repertorium.library.uu.nl/node/2732>

Due to research concerning this collection the outside of these books has been scanned in full. The following scans are, in order of appearance:

- the spine
- the head edge
- the fore edge
- the bottom edge
- the back board

1000
1000
1000
1000
1000

U. ocl
9




1844







Antiquarii et Numismatici

Octavo n^o. 9.






Handwritten text, likely bleed-through from the reverse side of the page. The text is mostly illegible due to fading and bleed-through.



Handwritten text, likely bleed-through from the reverse side of the page. The text is mostly illegible due to fading and bleed-through.





u. 509

Summaire ou Epitome du liure de Affe
fait par le commandement du Roy. par
maistre Guillaume Bude conseiller du
dict seigneur, et maistre des requestes
ordinaires de son hostel, par ledict bu
de, Reueu & Additionne oultre les pre
cedentes Impressions.

De domo Bucholii




Imprime a Paris pour Galliot du pre li
braire iure en lumier site, ayant sa bouti
que en la grand salle du pallays, au pres
mier pillier :

1539



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
U.S.A.



UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
U.S.A.



La table :

Senfuit la table de ce present
Sūmaire & epitome de Assé.

Et premierement, Quelle monnoye est	
As	Fueillet premier,
Quadrant et quadrins.	eodem.
Libella, & denier	fueillet deux.
Nummus sestertius	eodem.
Centū sestertij, et centū sestertia.	se. iij.
Centies sestertium	fueillet quatre
Le cens des senateurs	fuillet six.
Sestertius, & Sestertium	fueillet. viij.
Decem sestertia.	fueillet eodem.
De drachme, & gros	fueillet neuf.
Partition de liure d'argent en deniers & en gros, ou drachmes.	eodem.
Le cens dung cheualier	fueillet. xi.
Le cens dung senateur deuāt Auguste.	fueillet eodem.
Le cens dung senateur depuis Auguste.	eodem.
Le pris de la perle de Cleopatra.	eodē.
Le vaillant de Lentule seruiteur Dauguste.	eodem.
Le tresor que tybere laissa quāt il mourut.	eodem.
Plusieurs manieres de talent	se. xij.
Le reuenu degypte	fueillet. xv.

Latable

De Bucephalas	eodem.
Myriade	fueillet. xvij.
La despēce ordinaire dalexādre.	xviij.
De persepolis	fueillet. xix.
Le tresors du roy de perse pris par alexandre	fueillet eodem.
Le tresor de Tybere	fueillet vingt.
De Caligula	fueillet eodem.
La prodigalite de Neron	eodem.
La chambre du roy daire	fueillet. xxi.
Du talent dor	fueillet eodem.
La mere la femme et filles de daire prissonnieres	fueillet eodem.
La fin de Daire	fueillet. xxij.
De lhōneste liberalite dalexādre.	xxiij.
Le spitre dalexandre a Aristote.	eodem.
La liberalite de Alexandre a Aristote.	fueillet vingt & quatre.
De limpost mis sur lasie	fueillet. xxv.
Le reuenu de lepire de rōme	xxvi.
La facō de cōpter ētre les grecs.	xxvij.
La maniere de compter entre les latins, & raison dicelle	fueillet. xxviiij.
Demonstration aisee pour scauoir reduyre sesterces a escus, et entēdre prōptement tous gros nombres, et les estimer a nostre monnoye	eodem.
Ancienne maniere de cōpter.	xxix.

de ce present Epitome.

Des triumphes de Cesar	eodem.
De la liberalite de cesar fueillet.	xxx.
Les cinq triūphes de cesar.	xxxij.
De Curio	fueillet eodem.
Debtes de Millo	fueillet eodem.
De Luculle	fueillet eodem.
De la richesse de Luculle.	fueillet. xxxiij.
La librairie de Luculle	xxxiiii.
La fin d'apitius	fueillet. xxxv.
Le plat de Sope tragicq̃	fueillet. xxxvi.
Gaigeure entre Anthoine & Cleopatra.	fueillet eodem.
Roscius hystrion	fueillet. xxxvij.
Le theatre de Scaurus	fueillet. xxxviij.
De la maison de Nerō	fueil. xxxix.
Donatif danthoine le triūuir	eodem.
De lost doctouian & anthoine.	xl.
De lesbat danthoine estant en Ephese	fueillet eodem.
Estimation du donatif danthoine.	xli.
Les tributz de l'Asie.	fueillet. xliij.
Prodigue magnificence de Cleopatra.	fueillet eodem.
L'auenue de Cleopatra vers Anthoine.	fueillet eodem.
La bande danthoine & de Cleopatra.	fueillet quarante troys.
De la guerre actiacque	xliiij.

La table

De lestat de lēpire soubz Auguste	fueil
let	quarente cinq
Les ordonnances dauguste.	eodem
Du pays de france soubz le temps de	
Nerō & Vespasian	fueil. xlvj.
Legion rommaine	fueillet. xlvij.
Du reuenu de Crassus	fueillet. xlvij.
Des mesures anciennes de romme.	xljx.
La facō pour reduyre les mesures anci	
ennes a celles de present,	eodem
Du testament dauguste	fueil. l.
Primiēre appellatiō de cesar.	lij.
la richesse de Senecque	fueillet. liij.
la harangue de Senecque a Nero.	eodē.
De arius ruffus	fueillet. liij.
la grande & ciuille humanite dauguste.	
fueillet	lv.
Didrachme paye par iesuscrist.	lvij.
Du tribut mis sur les iuisz	eodem
le reuenu du royaulme de gypte.	lvij.
la richesse de Cleopatra	eodē
la richesse de Romme estoit la despoille	
du monde	fueillet. lix.
la maniere de la demonstration gardee	
en cest euure:	eodem
Cōgiaire & donatif dauguste.	lx.
Canon frumentaire	fueillet. lxij.
le monde nest si abundant en or & argēt	

de ce present Epitome:

quil estoit iadiz	fueillet. lxxiij.
de la mine despaigne,	codem
Des mines du pays	fueillet. lxxiij.
Du tresor de Tholose	codem
De lor de Tholose	fueillet. lxxv.
Du cheual de Seianus	fueillt. eodē
De l'histoire saicte	fueillet. lxxvi.
Du tresor de David	codem
Edificatiō du tēple de salomom	lxxviij.
Compte de la despēce du temple.	lxxix.
De la fin de Sardanapalus	lxxx.
Mille myriades	fueillet. lxxxij.
Du tresor de Sardanapalus	codem
Talent dor	fueillet. lxxxij.
lor & l'argent est depery & tousiours di minue	fueillet. lxxxiiij.
De mydas & Cresus	codem
lauoir de Cyrus roy de perse	codē
du roy de Colchis	fueillet. lxxxv.
Conclusion de ce liure	codē
Vng notable dit de pline	codem
la richesse de Ptolomee	lxxxvi.
la richesse de Pythius	codem
Quatre cens Myriades	lxxxvij.
Stater dor	codem

Fin de ceste table.

DV LIVRE DE ASSE.

Pour auoir entiere ou souffi-
santecōgnoissance de poix,
nombres, & mesures du temps passe, se-
lon la langue Latine et Rōmaine anciē-
ne, & pareillement selon la Grecque. il
est besoing de tendre le fondemēt de la
matiere qui est tel comme il sensuit.



Sestoit monnoye derain ou de
cuyure, comme
lon dit mainte-
nant billon, ou
menu change. et
valloit peu plus
de quatre deni-
ers tournois. La

AS

sixiesme partie d'ung As se nōmoit Sex-
tans, & valloit deux onces, car les dou-
ze onces faisoient vng As, & estoit me-
nue monnoye. Nous lysons en Pline ou
trentetroisiesme liure de l'hystoire na-
turelle, que le peuple de Romme fist
vne cueillete sur soy, & donna chascun
vng sextans, pour faire les obsecqs

de Meneni⁹ agrippa, vng senateur Rō-
main qui pour sa grāt integrite & preu-
dhomme mourut paoure, et ainsi le dit
Valere. La quarte partie sappelloit qua-
drās quon appelle encores au iourdhu-
y vng quadrin a Romme, retenāt le nom
ancien, et valloiet les quatre vng as. Et
sappelloit aultremēt terūcius, pource q̄
valloit trois ōces de douze, q̄ fōt la liure

Quadrāt rōmaine ancienne. Tel estoit le quadrāt
dōt est faicte menciō ou cingisme chapi-
tre de sainct Mathieu, ou le texte dit. Tu
nen sortiras iamais iusq̄s a cēq̄ tu ayes
paye le derrenier quadrant ou quadrin.
Et ou douziēme de saic̄t Marc de la bō-
ne femme qui mist dedans le Trōc vng
quadrāt en deux petites pieces, qui pou-
uoient estre comme vne maille de fran-
ce, et par ce peult on estimer cōbien val-
loient cent quadrins, qui font vīgtein-
q̄ asses, qui valloient deux drachmes d'ar-
gent et demy, & la drachme vault trois
folz & six, ainsi que ie monstray. Cent
quadrins aultremēt sappelloient spor-
tule a rōme, & estoit vne somme de de-

Quadrīs, niers que les gros psonnaiges & riches
donnoient par iour a ceulx qui les accō-
paignoient par honneur, & au matin se

trouuoient a leur leuer, pour leur dire le bon iour selon la coustume qui du tout n'est pas abolye au iourd'hui en France, & en court principalement. Et fut ceste facon inuentee, ou lieu de donner la repue p ceulx a qui il greuoit de tenir maison ouuerte car les sportules estoient de moindre coust. A ceste cause Auguste qui mist bonnes ordonnances en toutes parties de la chose publicque & du gouuernement des Romains, ordonna que ou lieu des sportules, Cest a dire des liurees, on donneroit le soupper entier, & droit comme estant plus honorable & de plus grant liberalite au contraire.

Neron au commencement de son empire, q' il se gouerna biẽ entre aultres choses fist ordõnances pour restraindre les despẽces supflues, & ou lieu de la coene droite (Car ainsi se nommoit la table que tenoient les gros Senateurs & officiers) ordõna qu'on dõneroit les sportules qui estoient comme les liurees, ainsi que dit est. Ceste somme valloit dix petis sesterces, q' sont dix carolus & demy. Et pour ceste cause Marcial soy mocquant de ceste coustume, & taxãt ceulx qui estoient si miserables, q' de se dõner tãt de vexas

E P I T O M E

cion daller des le grāt matin courir la ville de Romme qui estoit si grāde, & attendre a la porte longuement en yuer, & en tout tēps pour si peu de chose que estoient ces quadrins, appelle souuent ceste somme les cēt miserables quadrins. Depuis fut faicte vne petite mōnoye d'argent q̄ s'appelloit Libella, q̄ ne valloit que vng As. Et signifie ceste diction petite liure. Apres fut forgee vne aultre piece q̄ s'appella Sestercius, et valloit deux asses et demy, parquoy les quatre sesterces valloient dix asses qui sont dix liures de rain pour lesquelles dix liures fut depuis forge le denier Rommain, qui a ceste cause fut ainsi nomme, pource que deni signifie dix. Or estoit la facon de nombre telle que lon nōbroit par asses & sesterces communemēt. Et pource combien que Numus en latin, soit propremēt ce que les grecs appellent Nomisma, cest a dire monnoye qui se peult & doit interpreter loy. Toutefois numus, & sestercius vulgairēmēt se p̄noit pour vne mesme chose. Cest assavoir pour ceste piece vallant deux asses et demy. Et est a noter q̄ du tēps que les Rommains estoient encōres pources, on nombroit pour le plus, et

Libella

Denier

Numus
sestertius

faisoit on les comptes par monnoye de
 rain, en disant, mille derain ou dix mille,
 ou cent mille, ainsi que faict Titeliue ou
 dernier liure de la seconde guerre pu
 nicque, ou il dit que Scipiõ porta ou tre
 for publicque du pillage q̄l auoit faict,
 cēt mille liures d'argent, et dōna a chascū
 homme de pied quarāte derain, quil ap
 pelle quadraginta eris. Et ou secōd de la
 guerre macedonicque, il dit, a chascū pie
 ton fut donne cent cinquante derain. en
 vng autre passaige il dit quil fut donne
 aux ambassadeurs pour hōme cinq mil
 le, Et a leurs suyuantz chascū mille derain,
 en voulant par luy signifier lespece de
 sa monnoye qui estoit donnee, car mille
 derain ne vallent q̄ cent deniers, ou qua
 tre cens sesterces. il est escript ou dixies
 me chapitre de saint Mathieu que deux
 passes, cest a dire deux moyneaulx se v̄
 doiēt vng as, lequel iestime quatre tour
 nois. Et ou douziesme de saict Luc, que
 pour deux asses lon auoit cinq passes.
 Et ou vingtiesme de saint Mathieu, q̄
 la iournee dung vigneron estoit vng
 denier, q̄ sont quatre sesterces. Cest ad
 re trois solz & six, qui est ecores au iour Denier
 dhuy la iournee dung vigneron a lenz

EPITOME

tour de Paris. Valere ou quatriesme li-
 ure en parlant de l'ancienne pourete des
 Rommains, dit que Gneus Scipio estant
 empereur pour les Rommains en espa-
 igne, escriptuit au Senat pour auoir con-
 gie de retourner a Romme pour marier
 sa fille. Au moyen de quoy afin quil ne
 bougeast il fut aduise par les Senateurs
 que la fille seroit mariee aux despens de
 la chose publique ce qui fut faict, et luy
 fut donne en mariage quarante mille de-
 rain qui valent quatre cens elcus courō-
 ne, cest a dire sept cens liures tournois.
 Depuis que les Rōmains furent plus ri-
 ches on commença a compter par sester-
 ces. Mais la difficulte est pource que on
 trouue es aucteurs anciens trois manie-
 res de parler par sesterces, Car aucunes
 fois on trouue par escript centū sestertij
 aucñes fois centū sestertia, aultres fois cen-
 ties sestertiū. Centū sestertij q sont cent
 petis sesterces, valent vingt et cinq des-
 niers qui sont deux cens cinquāte asses.
 Cent grās sesterces valent cent mille pe-
 tis sesterces, et est autant a dire en latin
 centum sestertia, comme centum milia
 Sestertiorum, cest a dire cent mille se-
 sterces mōnoyez, que iappelle petis se-

Centū se-
 stertij.
 Cētum se-
 stertia.

fterces pour faire difference entre les se
 fterces qui signifiēt vne sōme & nōbre
 de mōnoye, cōbien q̄ les āciens ny en fa
 cent poit. et ceste maniere de parler cent
 mille sesterces et cent mille nūmes, et cēt
 sesterces signifie tout vng. et trouue lō
 puis vng puis lautre es liures anciens. Centies se
stertium
 Mais ta troisiēme maniere de pler et ou
 gist la grāde difficulte, cest a dire ou a es
 ste lerreur generale et ppetuelle par cy
 deuāt, car être cēties sestertiū, et cētū se
 stertia, tāt y a de tare q̄ lung signifie cent
 fois autāt q̄ lautre. et cēt fois sesterces si
 gnifie cēt fois cēt mille petis sesterces ou
 cent fois cēt grās. Laq̄lle maniere de pler
 amis les expositeurs et trāslateurs de li
 ures, depuis mille ans en grāde hesitatiō
 ét erreur. Car aucūs pensoient q̄ ce fust
 tout vng. et ont parle indifferemment.
 Les autres ne pouoient comprendre la
 difference, cōbien quilz se doubtassent
 que ce ne fust pas tout vng. Mais la veri
 te est que ceste maniere de parler est ve
 nue en v saige par abbreuiatiō de lāgai
 ge, car quant ilz vouloient signifier vne
 grāt somme pour accourcir leur parol
 le, ilz disoient cent fois sesterces, ou lieu
 de dire cēs fois cēt mille sesterces ou qua

EPITOME

tre cēs fois sesterces, ou lieu de dire qua-
tre cens fois cent mille. Ainsi q̄ nous di-
sons au iourd'hui cēt dix liures douze
folz & six, sans adiouster deniers. Mais
la maniere de le dire en latī est pl^o nay-
ue & aduenāt, en disant, cēties sestertiu
q̄lle nest en francois, en disant, cent fois
sesterces, ainsi q̄l ya en chascune langue
certaine propriete, qui ne se peult si biē
trouuer en vne aultre. Plus y a que les
poetes disent seulement cent fois, cest
a dire cēties, ou mille fois, ou aultre som-
me sans dire sesterces. Et neātmoins ilz
entendoient, tāt de fois cent mille sester-
ces, tout ainsi comme ilz disoiēt mille de
rain, ilz entendoient mille asses forgees
de rain, ou mille pieces de monnoye de
rain. Plus ya q̄ necessite les faisoit ainsi
parler, Car le plus grāt nombre qui soit
en la langue Latine estoit cent mille ain-
si q̄ dit Plinē. A ceste cause quāt ilz veul-
lēt signifier vng million, ilz disent dix
fois cent mille, et dix millions cent fois
cent mille. Cest a dire decies centena mi-
lia, et centies centena milia sestertium, et
pour abreger ilz laissoiēt les deux motz
du millieu, en disant centies sestertium,
comme se on vouloit dire en frācois cēt

fois descus, ou lieu de dire cent fois cent milliers descus, q̄ font dix millions, mais ilz sentent facilement en latin, ce qui ne faict en fr̄ancois pour la raison que iay dite. Car les rommains & latins cōptoier̄ leurs plus gr̄ades sommes par multiplication de cent mille. Et nous comptons par multiplication de millions. Cōme se nous disions, le reuenue du Royaulme peult valloir ou monter, quatre fois de francs, ou lieu de dire quatre fois dix cēs mille francs. Et pareillement se nous disions quatre fois deux cēs cinquāte mille de fr̄acs, ou lieu de dire quatre fois dix cens mille, & deux cens cinquāte mille; Car ceste maniere de parler est aulcunes fois es liures anciēs, cōme Cicero es Verines, en recitāt le texte dung cōpte rendu. Iay receu (dit il) vingt fois deux cens trente cinq mille, quatre cens & seize sesterces, ou q̄l lieu il entēd vingt & deux cens mille, q̄ nous disons deux millions deux cens trente cinq mille & tant de sesterces. Ou en ensuyuāt la propriete de nostre langue, se nous disions quatre de francs, ou lieu de dire quatre milliōs de francs. Mais nous nauōs point de necessite de ce faire. Car ce mot milliō est bien

E P I T O M E

tost dit, ou lieu de dix cēs mille Or cōbiē
 quouliure que iay intitule de Assē ceste
 matiere soit plus amplemēt deduyte, &
 y soit grāt nōbre dexēples accumulees,
 pour mōstrer ce q̄ ie maintiēs. Et aussi lu-
 tilitē q̄ est a entēdre ceste differēce. Car
 sans ce, l'hystoire latine ne se peult biē &
 ētieremēt cōpndre. Et ne peult on auoir
 cōgnoissance de lestat de l'empire de Rō-
 me. Ne pareillemēt de lestat des Royaul-
 mes, seigneuries, & empires, q̄ ont este
 en Grece, & en Asie, sans entendre les
 monnoyes & maniere de pler des grecs.
 Toutefois pour euiter prolixite de tant
 dexēples quil y a, ie nen prēdray q̄ trois
 ou quatre ou peu plus, qui seruiront de
 scantillons pour faire coniecture du rez-
 ste. Le premier sera de Suetonne en la
 vie Dauguste Cesar, ou il dit que Augu-
 ste augmenta le cens des senateurs, & le
 fist monter de huyt cens mille, a douze
 fois sesterce ou sesterces, ou q̄l lieu tous
 les commentateurs & expositeurs du li-
 ure, ont dit par cy deuāt quil failloit cor-
 riger ce passaige, & que autrement ne se
 pouoit entēdre. Et falloit remettre ce mot
 cent, lequel les escriuains auoient obmis
 en disant douze cēs fois sesterce, ou dou

ze fois cēt. Et il est tout prouue ou liure de Assē, quil ny fault riens adiouster, & que douze fois est assez, mais quil fault entendre sesterces en plusieurs nōbre, & nō pas sesterce en singulier, cōbien que plusieurs ayent cuyde quilz parlassent par singulier. Et est adire douze fois sesterces, douze fois cent mille sesterces, q valent trente mille escus courōne de frāce. Et tant falloit qung homme eust vaillant en estimation de ses biens, auāt quil peust estre senateur a Rōme, selō la prisee des facultez dūg citoyen rōmain q se faisoit de cīq ans en cīq ans par lesdictz censeurs. vng tēps fut, a ceste cause les bons princes quāt ilz veoiēt gēs de biē & de scauoir, & digne destre mis ou nōbre des senateurs. Silz nauoiēt vaillant iusques a ceste somme ilz leur donnoiet des biēs tant qlz eussent ceste sōme fournie, & aīsi le faisoit Auguste, & vespasiā. Et dōnoit grosses pēsiōs a ceulx q ne pouoiēt ētreenir lestāt ql leur appartenoit de maītenir. Cōme a ceulx q auoiēt este es gros estatz, & ne si estoiet point enrichis, aīsi q Suetōne tesmoingne. Lautre passaige est dudict Suetōne en la vie de Neron, ouquel lieu luy parlant de la grā

Le cens
des sena-
teurs.

E P I T O M E

de & abominable prodigalite dicelluy prince dit les parolles q̄ sensuyuēt, pour icelle mōstrer par exemple. A peine (dit il) se peult croyre ce q̄ lon trouue escript de luy. Le roy tyridates darmenie estoit venu a Rōme pour luy faire hōneur, & quasi recōgnoistre de luy son royaulme la renōmee est q̄ Nerō luy dōna par iour pour son estat entretenir tant q̄ fut en la ville, huyt cēs mille sesterces, & q̄ quāt il sen partit luy donna pour vne fois mille fois sesterces. lay dit & mōstre q̄ la p̄miere somme valloit autāt que vingt mille esc^o de frāce, a trēte cinq folz pour escu, q̄ est a prendre le marc dargēt a vnze liures. Et la secōde sōme valloit deux millions, cinq cens mille desditz esc^o. Ledit aucteur recite q̄ Auguste par testament laissa a distribuer au peuple de Romme par ses heritiers, quatre cēs fois sesterces Et nous auōs veu cy dessus, que le cens dung senateur, valloit douze cens mille sesterces. Parquoy lon voyt euidāment lerreur qui estoit de penser q̄ ce fust tout vng. Car ledit lays testamentaire valloit vng milliō descus. Ainsi q̄ nous verrōs cy apres. Pline ou. ix. liure de lhystoire naturelle, recite pour chose merueilleuse

se, & plaine de grande superfluite, quil auoit veu vne dame de Rōme nō point en vng sollēnel conuy ou bācquet, mais en vng bancquet moyen de nopces, laquelle auoit aultreffois eua mary Caligula empereur de Rōme, & sappelloit lollie pauline. Dit q̄ ladicte dame auoit le chief, la gorge, & le sein couuers, et les mains pareillemēt de perles et esmerauldes, ioinctes ensemble, et entrelassees. Lesquelz ioyaulx on estimoit par le menu, et par cōpte faict au vray, quatre cēs fois sesterces q̄ est vng million dese^o couronne. Et nestoit point cest acoustromēt don de prince, mais luy estoiet escheuz par succession lesdictes pierres de ceulx cōme dit Pline q̄ iadis auoiēt pillee Lasie quāt ilz estoient cōsulz ou preteurs. Senecque ou liure de cōsolation parlant de Caligula lempereur, q̄ fut successeur de Tybere. Et soy esmerueillāt de la dissolue p̄digalite de luy. Il me semble (dit il) q̄ nature auoit p̄duyt ce price, pour mōstrer ce q̄ les vices extremes peuuēt faire quāt ilz eschayent en souueraine fortune, leq̄l (dit il) fut si excessiuement depraue, q̄ voulut despēdre pour vng bācquet ou festin cēs fois sesterces. Mais cōs

E P I T O M E

bien quil saydast des esperitz & inuen-
 tiōs de tous gourmēs & pdigues, a peiz
 ne peut il trouuer moyē de cōsumer en
 vng soupper le tribut de trois prouīces.
 Par les exēples dessusdictes il est cler a
 iuger q̄ cent fois se sterces est vne grosse
 somme d'argent. Cicero en la troisieme
 des accusatiōs verrines, lesquelles il fist
 a lencōtre de Verres q̄ auoit este p̄teur
 trois ans en Sicille, dit en vng passaige
 en ceste maniere, en adressant sa parolle
 aux iuges. le vous vueil mōstrer (dit il)
 quelz larrecis Verres peult auoir fait en
 trois ans par toute lyisle de Sicille, par ce
 gla faict en quatre ou six moys en vne
 seule ville. Or pource faire, il a este be-
 soing q̄ iaye eu le double signe des pa-
 piers iournaulx des fermiers du port &
 impositiō foraine dicelle ville, esq̄lz est
 enregistre pour cōbien de marchandise.
 Verres le preteur a faict amener, & pas-
 ser en Italie par le destroit de Sicille. Et
 apres ce ql a produit par iournees & di-
 uers chapitres, les marchandises & esti-
 mation dicelles, dōt les fermiers faisoient
 registre combien quilz nen eussent riēs
 eu de Verres, car il nen eussent ose pler.
 Regardez biē, dist il, & vous trouuerez

se vous cōptez bien, q̄ les fermiers ont charge en debte sur Verres, & mis en nō receu en si peu de temps q̄ iay dict soixāte mille sesterces pour le vingtiesme denier de limpositiō de syracuse. Par quoy il vous appert que Verres en peu de tēps a pillie, desrobe, & emporte hors le pays, marchādises & dērees pour douze fois sesterces. Ce passaige bien cōsidere & entēdu est vne preuue & tesmoigna ge non reprouchable pour mōstrer que douze fois sesterces valloit autant q̄ douze cens grans sesterces, ou douze cens mille petis. Car Cicero dit que les fermiers & publicāis auoiēt mis & charge sur le nō de Verres a plusieurs fois soixante mille sesterces a eulx deux. Or ne leur estoit il deu q̄ le vingtiesme denier pour lipost. Parquoy il fault multiplier ceste somme par le nōbre de vngt, pour scauoir q̄ le tout valloit. Ce faict ietrouue que vngt fois soixante vault douze cēs et par ce moyen est mon fait verifie. Cest adire que Cicero a dit, douze fois sesterces pour douze cēs mille sesterces, et nō pas pour douze sesterces. Il est aussi a noter q̄ tout ainsy q̄ Sestertius vault deux asses et demy qui sont deux liures et de

Sestertis.

mye derain, lequel iappelle petit fester
 ce, tout ainsi Sestertium que iappelle
 Sestertiū grant festerce, pour noter la differēce de
 Sestertius, vault deux liures & demye
 d'argent. Et pour ceste cause ont este im-
 poses ces deux noms ou vocables: Car
 festerce vault autant a dire par interpre-
 ration & etymologie, q̄ le troisieme de-
 my. Cest a dire deux entiers, & vng de-
 my. Touteffois les Rommains quāt ilz
 vouloient designer mille petis festerces
 ne disoient pas sestertiū ou singulier nō
 bre. Mais quāt il y auoit ou dix mille ou
 plus grāt somme, ilz disoiēt decē fester-
 tia par le plusier. Ou viginti, pour vīgt
 mille petis, ou oultre plus grāt nombre
 pour autant de mille. Aussi ne disoient
 ilz poīt petis festerces ou grās festerces
 cōme ie faitz. Car par le langaige latin la
 differēce se peult facillemēt entēdre par
 le gendre masculin, & par le neutre, ce q̄
 ne se peult faire en frācois. Quatre cens
 festerces petis, vallent cent deniers rom-
 mains, q̄ vallēt quatre pieces dor romai-
 nes, q̄ nous appellons aujourduy medal-
 les dor, & les quatre pesent vne once, &
 cēt deniers vallēt vne liure d'argēt q̄ iesti-
 me dix esc^s a la corōne, cest a dire, xvij. li-
 ures

tires dix solz. Et vault la liure de Romme
 vng marc & demy de frâce, & demye on-
 ce dauantaige. Car les douze onces val-
 lent quatre vingts & seize drachmes, ou
 deniers, qui est le marc & demy. Et la des-
 mye once paracheue les quatre drachmes
 pour faire cent. au iour rduy les chageurs
 n'usent point de ce terme (drachme). Mais Drachme
 disent vng gros ce que les romains disoient
 vne drachme, qui font deux estellins &
 demy. Le poix dune drachme & lappella-
 tion aussi, dure encores au iourduy entre
 les espiciers & apothicaires. Et pour res-
 solution de ceste matiere, il fault auoir ce-
 ste forme & pratique q'ensuyt. il ya en
 l'once huyt drachmes attiques, ou huyt de-
 niers rommains. Car cest tout vng, & se-
 lon la mode des changeurs de Frâce, il y a
 en l'once vingt estellins, ou huyt gros. Vng
gros.
 Car les deux gros font vng quart d'once
 qui est le poix d'ung noble a la rose ou de
 Edouart, & dune medaille de Romme. Et
 des philippus anciens de France, qui pes-
 soient autat q'ung noble dessusdict. Et de
 mesme poix estoit vng stater attique, ain-
 si come dit Pollux, ou quatriesme liure,
 qui est a entredre du stater monnoye. Car
 les monnoyes dor a Rome et a athenes pes-

Partition
de liure
d'argent en
deniers et
en gros,
ou drach
mes.

soiēt le double de celles d'argent, cōme lon voyt a loeil au iourd'hui. il ya doncques huyt drachmes, huyt deniers rōmains, & huyt gros de Frāce en vne once. Et fault entēdre de deniers rōmains. Car les maistres des monnoyes de Frāce, cōptēt par deniers, & disent quil y en a vingt & quatre en l'once. Et les chāgeurs disent vingt estellins. Par ce moyen vng denier rommain vault de pois trois deniers de Frāce, car les trois font vng gros, Or ya il huyt onces au marc, qui vallēt huyt fois huyt drachmes ou deniers rommains, q font soixāte quatre. Le demy marc vault trēte deux drachmes ou deniers rōmains ou gros de France, qui sont pour douze onces. cest a dire pour marc & demy quatre vingts & seize drachmes qui proprement font la liure rommaine, selon l'opinion de plusieurs aucteurs. Mais toutes fois en matiere d'argent & monnoye, ie trouue quil fault tousiours compter la liure pour cēt deniers. Ainsi que les grecs font la mine de cent drachmes. Et est tout vng entre les anciēs, de dire Libra & Pōdo, qui est par aduantage ce que lon trouue par escript en nostre lāgue, vng pesāt ou vng besant, cōbien que vng bisontin

veult dire monnoye de cōstantinoble, tou
 tessois quāt les latins disent Libra, ou pō^z vne m^o
 do ilz entēdēt dargēt non monnoye. Mais^{ne.}
 quāt les grecs disent vne mine, ilz enten
 dēt cēt drachmes de monnoye. Et pour ce
 est ce q̄ les rommains vsent de sesterces,
 pour signifier les sommes de monnoyes
 ou dor auallue a monnoye dargent. Pour
 passer oultre fault dire que puis que cent
 deniers ou drachmes, vallent le poix du
 ne liure, que deux cens cinquāte deniers
 vallent vng grant sesterce, qui en vault
 mille petis, qui sont deux liures et demye
 dargent. Car les quatre cēs vallent vne li
 ure. Et les quatre vallent vng denier. Or
 ace que la facon de nombrer & reduyre
 les monnoyes antiques a celles de p̄sent,
 soit plus a maī & plus facile a retenir. Ien
 feray cy vng sommaire, & feray le cōpte,
 au pris que l'argent vault a compter vnze
 liures pour marc. Et vngt sept solz six de
 niers pour once ou peu plus, ainsi quil a
 este depuis peu de temps, combiē q̄ pour
 le present il vaille plus. Et par ce moyen
 ie prendray lestimation des choses anti
 ques, a la myōnoe plus forte quelle nest
 au iourdhuy.

EPITOME

S Estertius & Nummus qui estoit tout vng, & se peult appeller petit sesterce, valloit autant cōme vng Karolus & obole tournois, car il valloit deux asses & demy. Et vng as valloit environ quatre deniers tournois & pyte. Laquelle estimatiō & celle que ie feray cy apres, n'est point faicte a ladventure. Mais par compte fonde en demōstration, telle qu'on nen peult faire doubte. car on trouue aujourdhuy des deniers anciens & medailles dor & d'argent, par le poix & valeur desquelz iay eu apprehension & certaine congnoissance de ce q' estoit absconse & enseuely en ignorance. Appres ce q' iay trouue la maniere de cōpter, & les notes pour congnoistre le denier rommain. Et est vng sesterce petit, deux liures & demye de rain.

S Estertium valloit autant que deux liures & demye d'argent. Cest adire mille petis sesterces, qui valloient deux cens cinquante deniers ou drachmes attiques que ie estime dix escus couronne. *et s' B*

L E denier ou drachme attique vault selonc l'estimation que dessus trois solz six deniers tournois. Parquoy il appert

que la liure d'argent qui s'appelloit Libra & pondo & mina vault par estimatiō trois cens cinquante solz tournois, qui sont cent fois trois solz & six. Et valent dix escus couronne, a trêtecinq solz pour escu: Laquelle somme doublee vne fois & demye, monte a vintcinq escus. Et pour ce a bonne cause, ie compte pour chascun millier de sesterces vintcinq escus.

Dix mille sesterces ou dix grans sesterces, valloient autant que deux cens cinquante escus couronne.

Vingt mille sesterces cinq cens escus:

Quarante mille sesterces mil. escus.

Cinquante sesterces douze cens cinquante escus.

Cent sesterces deux mille cinq cens escus:

Deux cens sesterces cinq mil. escus.

Cinq cens sesterces xij. mil. v. cēs escus

Huyt cens sesterces vingt mil. escus.

Mil grans sesterces qui plus proprement

s'appelloit decies sestertium, cest a dire dix

fois sesterces, valloit autāt que vintcinq

mil. escus.

Douze fois sesterces trente mil. escus.

Quinze fois sesterces: trentesept mil.

cinq cens escus.

Le cens
d'ung che
ualier

Le cens
d'ung senaē
deuāt Au
guste.

Le cens
d'ung se
nateur de
puis Au
guste.

E P I T O M E

Vingt fois sester. cinquante mille escus.

Trente fois sester. septātecinq mille escus

Quarante fois sesterces, cent mille escus.

Cinquante fois sesterce, six vingts cinq mille escus.

Soixante fois sesterces. cent cinquāte mille escus.

Cent fois sesterces deux cens cinquante mille escus.

Le pris
de la
parole
cleopatra

Quatre cēs fois sester. vng milliō descus

Le vailāt
de Lens
tule ser-
uiteur

Mille fois sesterces, deus milliōs cinq cēs

mille escus.

Dauguste
Le tresor
q̄ tybere
laisa

Quatre mille fois sesterces, dix millions.

Dix mille fois sesterces, vngtāiq milliōs.

Vingt mille fois sesterces, cīquāte milliōs

Vingt sept mille fois sesterces, soixante

sept millions cinq cens mille escus.

quant il
mourut.

Monnoye des grecs.

VNe drachme attique valloit autant
qung denier rommain, ainsi que dit
a este. elle se diuisoit en six oboles & val
loit chascun obole sept deniers tournois,
qui est la sixiesme partie de trois solz &
six. A ceste cause quant ilz vouloient li
gnifier vng homme de neant, ilz disoient
homo trioboli a Romme, Cest adire de

trois oboles, qui font quatre petis blancs
 Et quant ilz vouloient signifier vne fem
 me fort impudicque & abandonnee a tous
 ilz appelloient Scortum diobolare. Ains
 si que font les poetes comicques, voulāt
 dire vne meschante femme, qui se don
 noit pour autant que deux ou troys petit
 blancs. il y auoit aultres pieces de billon a
 Athenes. Mais il nē est poit de mēciō par
 my les hystoires, parquoy ie les laisseray.

CE que les rommains appelloient se
 stertius estoit autant en monnoye de
 Rome, cōefesqobolus en mōnoye Dath
 nes, cōbien q̄ ce ne soit terme grec, mais a
 parler être lesdictz latins car lesdictz grecs
 disoiet troys hemioholes q̄ est vne mail
 le & demye, la quarte partie dune drach
 me ou dung denier. Et neantmoins la mō
 noye Dathenes renommee & celebree
 en hystoires, cest drachme. Car ainsi que
 les rommains disoient ou cent ou mille
 sesterces. Tout ainsi disoient les grecs cēs
 ou mille drachmes. Et pource quant on
 lit es liures traslatez de grec en latin tant
 de Chiliades ou Myriades, qui est a dire
 tant de mille ou de dix mille, sans dire q̄
 le monnoye, il fault entendre de drach

E P I T O M E

mes attiques. Mais les translateurs y ont souuent erre, ainsi quil apperra cy apres.

CEnt drachmes vallent vne myne dix escus couronne.

Deux cens cinquante drachmes, autant qung millier de petis sesterces; vingt cīq escus.

Dix mynes vallent quatre mille sesterces cent elcus.

Soixante mynes vallent vng talent attique, qui doibt estre estime a ceste raison soixante fois dix escus, six cēs escus.

Talent **I**L est plusieurs manieres de Talens re nommes es hystoires. Tite liue recite que en vne compositiō faicte par les rom mains, par laquelle on leur deuoit bailler certain nombre de talens, Ce mot fut ad iouste, que les talens ne seroient pas moindres que de quatre vingts liures d'argent en poix. Et ce talent dont ie parle, Plaute & Terence en leurs comedies, appellent grant talēt attique, qui a proportion sesterce, ainsi q̄ parlēt les Arithmetiques au talent petit & commun. Car le petit cōtient soixante liures. & le grant vingt d'auantaige, qui est la tierce partie du petit. Vitruue architecte appelle vng talent en

gros poix, fixvingts liures, qui est le double de latticque. Suide et Hefiche deux auteurs grecs, disent qung talēt valloit sixvingts cinq liures en aucunes villes. Et touteffois que le petit ne valloit que soixante, & que aucunessois talent signifie vne espece de monnoye. Herodote dit qung talent babylonicque valloit soixante & dix mynes emboicques. Pour accorder ces choses icy, & oster confusiō & hesitation qui se peult ensuyure de la discrepancy & contrariete que lon trouue es traditions & escriptures des auteurs grecs & latins. il ma semble quil falloit icy noter deux choses. La premiere est que cest autre chose dung talēt d'argent frappe en coing & monnoye, que d'ung talēt de poix d'argent. Ainsi comme en France vne liure d'argent vault deux mars en poix, & en monnoye elle vault vingt ou vingt & cinq solz. Pareillement vng franc est nom de monnoye, comme franc a pied & a cheual, Et franc vault vne liure tournoys en nombre de sommes. L'autre est que Pollux auteur grec en vng liure quil dedia a l'empereur Commodus, ouquel il a collige les termes & dictiōs de chascune science & artifice en sommaire & en abbre

ge, Dit en ceste maniere ou a peu pres' au neuuiesme volume. Il faut (dit il) estre aduertý qung talent attique, vault six mille drachmes. Et le babyllonicque sept mille. Le egmeticque dix mille. Le siriac que quinze cens. Mais cest a entendre tousiours des drachmes attiques. Car ainsi que le talent attique valloit soixante mines attiques, aussi le babyllonicque en valloit septante attiques. Et le egmeticque cent. Et pareillement des aultres. Mais tout ainsi que la myne attique valloit cent drachmes attiques, aussi la mine babilonicque valloit autant de drachmes babilonicques. Et les aultres mines semblablement valloient six mille drachmes en nombre, & non plus. Mais cest a entendre des drachmes de chascun pays, dõt le talent porte le nom. Par ces parolles de Pollux ientends que tous talẽs se peuent & doibuent reduire a vne forme & nombre de mines & de drachmes, car vng talent vault tousiours soyzante mines ou soyzancte liures. Et vne mine cent drachmes. Mais la difference gist en estimation. Car soixante mines de babilone valloient autant quẽ septante dathenes, qui est proportion sesquisexte pour au

tant que le nombre babylonique surmō
 te le nombre attique de la sixiesme par
 tie de laticque, qui est dix. Pareille
 ment cēt drachmes babyloniques ont la
 proportiō sesquisexte cōparees en poix
 & valeur avec cent drachmes attiques,
 car ilz poisent vng sixiesme dauantaige
 qui font seize drachmes en nombre, &
 deux tiers de drachme, & ainsi est il des
 aultres. Mais pource que les mines attic
 ques estoient congneues en tous pays,
 A ceste cause les aucteurs & historiens
 ont estime les talens de chascune contree
 par les mines attiques, en disant par ma
 niere dexemple, le talent babylonique
 vault. lxx. mines attiques. qui est autāt
 que silz disoyent, le talent de babylone
 vault. lx. mines, mais les mines du pays
 vallent vng sixiesme plus que les attic
 ques, car les six vallent sept. Et ainsi fault
 entendre de celles de lisle degine & celles
 de syrie, cest assauoir en augmentant l'esti
 mation selon ce que dessus a este dit pour
 autant que les six degine vallent dix da
 thenes, & les syriacques vallent quinze,
 & ainsi est il des drachames comparees
 les vnes aux aultres. Toutesfois il est tout
 certā & cleremēt prouue & demōstre par

E P I T O M E

Les oraisōs de Demosthenes & aultremēt
 dont les passaiges sont alleguez & accu-
 mulez ou liure de Assē, dont ie faitz icy
 vng epitome, qung talent atticque petit
 & tel quil se prenoit cōmunemēt en con-
 tractz & nombres de sommes, valloit six
 mille drachmes atticques, qui sont pareil-
 lement six mille deniers de Romme. Et
 que quant les hystoriens ou aultres escri-
 uans parlent de talens simplement, sans
 aultre designation quilz entendent dung
 talent atticque, comme il apperra euidam-
 ment cy apres. Et se doit estimer ce ta-
 lent petit, six cens escus couronne pour
 le moins, voyre a forte monnoye. Cest a
 dire en prenant fondement de ceste taxe
 sur le marc dargent, estant a vnze liures
 ou peu plus. Reste den faire cy vng bor-
 dereau ou abbrege, pour donner moyen
 de prompte & facile calculation de mon-
 noye grecque, ainsi que iay faict de mon-
 noye rommaine & latine. Et pourra lon
 congnoistre par les hystoires que ie cou-
 cheray en brief cy apres, q̄lle utilite peult
 venir de ceste declaration, a ceulx qui
 veulent entendre lestat du monde, ou
 temps des grans Empires & principau-
 rez.

VNg talēt atticque vault vingt & qua
tre mille sesterces. Cest a dire vingt
& quatre fois vingt & cinq escus. Et est
estime en somme six cens escus.

Dlx talens, deux cens quarante mil se
sterces. six mil escus.

Quinze talens, trois cens soixante mil se
sterces, neuf mil escus.

Vingt talens, quatre cens quatre vingts
mil sesterces. douze mil escus.

Trente talens, sept cens vigint mil sester
ces. dixhuyt mil escus.

Cinquante talens, douze fois sesterces,
trente mil escus.

Soixante talens. trente six mil escus.

Cent talens vingt & quatre fois sester
ces. soixante mil escus.

Deux cens talens, quarāte huyt fois sester
ces. six vingts mil escus.

Quatre cens talens nonāte & six fois se
sterces. douze vingts mil escus.

Cinq cens talens, six vingts fois sester
ces. trois cens mil escus.

Mille talens douze vingts fois sesterces.
six cens mil escus.

Deux mil talēs quatre cens quatre vingts
fois sesterces. douze cens mil escus.

Quatre mil talens neuf cens soixante fois

sester, deux millions quatrecent mille
escus.

Six mille talens quatorze cens. xl. fois se-
sterces, trois millions six cens mille.

Le reue
nu de gy-
pte.

Dix mille talens deux mille quatre cens
fois sesterces six millions.

Vint mille talens quatre millions. viij. cēs
fois sesterces xij. millions.

Quarante mille talens neuf mille six cēs
fois sesterces vingt & quatre millions.

Cinquante mille talens douze mille fois se-
sterces trente millions.

Cent mille talēs vingt & quatre mille fois
sesterces lx. millions descus.

Bucepha-
las.

¶ Cy apres ie reciteray sommairement au-
cunes histoyres appartenans a la matiere
traictee cydeuant, par lesquelles on pour-
ra entendre ce que iay dit est vray sembla-
ble. Aulugelle qui fut enuiron le temps
Dadriam l'empereur recite ou cinquies-
me liure des nuytz attiqs q̄ Bucephalas
le noble & renomē cheual dalexandre fut
achectetreize talens & donne a Philippe
roy de macedone quile donna a son filz
Alexandre. La quelle somme dit Aulu-
gelle vaujt de nostre monnoye Romaine
troiscens soixante mille sesterces. Voyōs

si ledict Aulugelle saccorde a ce q̄ iay dit.
 Iay tousiours estime le talēt six cēs escus,
 & dix talens six mille, a la quelle raison
 treze tallens vallent sept mille huyt cens
 escus. Et iay aussi dit que cent mille sester
 ces valloient deux mille cinq cens escus,
 par quoy il fault que iij. cens mil sesterces
 vallent sept mil. cinq cēs escus, reste douz
 ze mil. sesterces que ie estime trēte liures
 d'argent qui vallent trois cens escus a dix
 escus pour liure ou pour mine, par quoy
 le compte est tout vng en talens & en se
 sterces. Pline dit que le dict cheual fut vē
 du seize talens, & fut pris en vng haras
 appartenant a Plistonius vng gentil hō
 me de pharselle. Par quoy le prix dessus
 dit mōte selon Pline a ix. mil. six cēs escus.
 Cicero fit vne oraison pour defendre ras
 byre cytoyen rōmain en laquelle il ple de
 Gabinius aultre cytoien q̄ fut cōdēne en
 dix mille talens enuers la chose publique
 pource que luy estant cōsul & ayāt armee
 en syrie il auoit pris pareille somme que
 dict est de Ptolomee Roy degipte pere
 de Cleopatra & de Ptolomee le dernier
 roy qui fit mourir pompee, & ce pour le
 remettre par forse & soubz laurite de lē
 pire de Romme en son royaulme, dont il

EPITOME

auoit este chaste pour son mauuais gou-
 uernement. Et pource que ceste somme
 estoit si grande quil ne la pouoit finer, il
 sen alla en exil. En ceste mesme oraison
 Cicero comme iay dit parle de dix mille
 talens. Et en vng aultre passaige, ou lieu
 de dire dix mille talens qui est languaige
 de Grece, & Dasie, & pareillement de gy-
 pte. Et voulant ceste parolle conuertir en
 languaige latin, pour ce quil parloit aux
 iuges qui estoient rommains (il dit) deux
 mil quatre cens fois sesterces. Lesquelles
 deux sommes reuiennent a vne en reduy-
 sant les talens a sesterces, ainsi quil appert
 en labbrege qui est cōtenu cy dessus. Car
 iay dit que mil talens valent six cens mil
 escus, Et dix mille talens six millions. Et
 que quatre cens foys sesterces vault vng
 million & deux mil quatre cens fois sester-
 ces six millions. Parquoy il appert quil
 nya nulle erreur au fondement que iay
 prins pour prouuer mon intention, puis
 que les grosses sommes s'accordent en ta-
 lens & en sesterces. Atheneus aucteur
 grec ou quatriesme liure des dipnosophi-
 stes recitāt les dictz des historiēs de Per-
 se & de ceulx qui ont escript les faiz Da-
 lexandre, monstre que Alexandre qlque
 part

part q̄l fust auoit coustume de tenir table
 a soupper, depuis quil eut conquis La-
 sie, & menger avec les amys en vne mes-
 me salle, lesquelz estoient de soixante a
 soixante & dix pour le plus. Et pour ces-
 ste coustume entretenir estoit ordonne
 de despence par iour, cēt mines atticques
 qui sont mille escus de France. Mais le
 roy Daire (dit il) qui fut par luy deffait,
 auoit de coustume de faire aucunes fois
 conuys ou bancquetz aux plus apparēs
 de sa court. Lesquelz il prenoit pour ses
 commensaulx, iusques au nombre de qua-
 ze mille. Et pour chascū soupper tel que
 dit est, auoit destat ordonne & rigle pour
 despence de table, quatre cens talens
 qui sont comme dit ledit aucteur a la mon-
 noye Dytalie, deux cens quarante Myria Myriade
 des. Cest a dire a la mode de France deux
 millions quatre cens mille, car chascune
 myriade vault dix mille, Parquoy cent
 myriades vallent vng million, & quaran-
 te myriades quatre cens mille. Or com-
 bien que laucteur ne disse point de quel-
 le monnoye, il faut entēdre le nōbre des
 dictez myriades, Toutessois ientēds de
 drachmes atticques ou deniers rommais
 qui est tout vng ainsi quil est certain &

EPITOME

sans controuerse, a ceulx qui ont leu les
 prouues faictes ou liure de Assé. Par
 quoy il fault reduyre lesdictes sommes
 en ceste maniere. Cent mille drachmes
 vallēt quatre cens mille sesterces, qui sont
 estimez dix mille escus. Car chascū cent
 mille vault deux mille cinq cens escus,
 comme il est monstre en la praticque que
 ien ay baille au commencement. Laquel
 le somme de dix mille escus il fault mul
 tiplier vingt & quatre fois. car il ya deux
 millions quatre cens mille drachmes, qui
 font vingt & quatre fois cent mille. Ains
 si appert q̄ la somme mōte douze vingt
 mille escus. puis pour venir a la somme
 grec, q̄ cēt talēs vallēt soixāte mille escus.
 Laquelle somme il faut quadrupler. car
 il y auoit quatre cens talens. Ce faict il ap
 perra que quatre fois soixante mille ferōt
 douze vingts mille escus, Parquoy les
 deux sommes seront semblables & egal
 les. Et mōte ceste somme a la facon de par
 ler des rōmains, nonante & six fois sester
 ces. Aultrement se lon entēdoit deux cēs
 quarante myriades de petis sesterces, pre
 mierement ce seroit chose impertinente,
 qung grec entre les grecs parlast de mō
 noye grecque a la facon des rommains, &

non pas de grecs. Et si seroit contre la cou-
 stume de faire des hystoriens grecs, cō-
 me Plutarque & aultres. Tiercement, il
 sen enluyuroit cest inconuenient que le
 talent ne seroit que de quinzeliures ou
 mines, qui nest que le quart dung talent
 petit & cōmun. Et seroit lune somme qua-
 druple de lautre, contre lintention de laur-
 cteur. Plus apperra a ceulx qui voudrōt
 prendre la peine de calculer & partir les
 talens en mines, que pour chascune teste
 de ceulx qui estoiet a table a ses bācquetz,
 Le roy daire, de perse, & Alexandre de
 puis luy a son ordinaire faisoiet despence
 de .c. soixātes drachmes q̄ vallēt .xvi. esc̄
 courōne a .xxxv. solz pour escu. Et pour
 monstrer que ce que dit est de daire, est
 vray semblable. Et aussi quantes fois lan
 on peult coniecturer quil tenoit cest estat
 la diousteray vng dit de laucteur dessus
 dict, parlant de la superfluite & pro-
 digalite dudict roy Daire, luxurieuse
 & exorbitante des limites de magnifi-
 cence royale, qui fut cause comme on
 doit ymaginer de sa totale desconfiture,
 & deffaicte miserable. Ainsi que les
 actes & choses humaines, subgectes a
 mutation, ont inclination fatale, & or-

Despence
 ordinaire
 dalexan-
 dre.

donne par prouidence diuine, de trebucher alors quilz font môtez au pl^r hault & que les hommes pensent estre environnez de seurete de toutes pars, Et par ce sont endormis en nonchallance & oultrecuydance. Apres (ce dit Atheneus) que le roy de Perse eut perdu la bataille en Cilicie, & prins la fuyte, & Alexandre luy eut donne la chasse, ledict Alexandre se delibera de le suyure iufques en son pays tout auant. Mais il enuoya preallablement Parmenion son principal lieutenant en la ville de Damas, en laquelle Daire auoit retyre vne partiee de ses finances & tresors & tout le bagaige de son train, pour mettre la ville en son obeissance par ledit parmenion, ce saisir de tout ce que fit Parmenion, qui tantost en escripuit au roy Alexandre en ceste maniere. Sire (dit il) Iay trouue en Damas entre le train de la maison du roy Dire vostre aduersaire .iij. cens. xxix. damoyelles concubines chasteresses, scauantes, gaillairdes, & bien instruietes en toutes facons & especes de musique. Lesquelles le roy menoit en son ost pour son deduyt & passetemps. Quarante & six homes ouuriers de met

tre fleurs en oeuvre, & faire boucquetz
 & chappelletz de gentilleffes odoriferanz
 tes. Plus cuysiniers deux cens foixante
 & dixsept. Potiers besoingnans de terre
 pour faire iournallement potz & vtenfil
 les de cuyfine, iusques au nōbre de vingt
 et. ix. maistres de pasticiere, de tartres et de
 routes especes qui se cuysent au four friā
 des & delicates, Au nombre de treize,
 eschancons, sommeliers, ouuriers de mix
 tionner, faiseurs de vins aromatizez &
 de toutes douces liqueurs, & boyssons
 artificielles, & qui se passent par la chauf
 se, Dixsept d'une bende, & foixante &
 dix de lautre. Et quarantes hommes ou
 rriers de faire odeurs & senteurs, tant li
 quides comme seiches. Si doncques le
 roy de Perse auoit tant de delices estant
 en guerre, & faisoit tant de banquetz &
 si exquisement se traictoit & nourrissoit
 en tous deduitz, Alors quil estoit pres
 du combat si hafardeux & sur les champs
 que peult on ymaginer quil auoit de pas
 setemps, en quelles delices il vitoit quāt
 il se tenoit au repos assure ou en Per
 sepolis, ou en Babylone qui estoit ville
 abundante en toutes superfluitez, en
 tous vices emanans & prouenans de grāt

Persebo
 lis.

E P I T O M E

opulence . Herodote ou troisieme liure de son hystoire diuise le royaume de Perse en vingt gouuernances ou provinces . Et met pour la principale le royaume de Lydie , dont Cresus le riche fut roy, Et depuis deffait par Cyrus , & redige en captiuite . Pline en parlant de l'estat des perses de son tēps dit que l'empire des perses qui pour lors estoit translate en parthe, contenoit dixhuyt royaumes . Herodote ou lieu dessusdict monstre par iournees & logis que depuis Sardes qui est en Lydie iusques a Suse ou a Memnonia, qui estoit le seiour des roys, Il y a trois moys de chemin . Et neantmoins leur empire passoit iusques a Bactres & en Iude . Les hystoriens conuiennent en cela que Alexandre le grant en sa conqueste trouua de merueilleux tresors en diuerses contrees du royaume dessusdict . Combien quil discordent ou nombre des talens, Quinte Curce dit quen deux villes de Perse, cest a dire en Suse & Persepolis, il trouua cent septante mille talens d'argent en masse . Laquelle il appelle somme increable, sans aultres six mille qui auoient este trouuez en Damas & aultre somme en Babylos

Les tresors du roy de perse pris par alexandre

ne . Plutarche parle de quarante mille talens d'argent trouuez en Perse . Et cinquante mille talens de pourpre . Strabo ou quinziesme liure de la Cosmographie, dit que la plus grant oppiniō estoit quil fut trouue quarante mille talens en perse , sans ce qui estoit aultre part , & que aucuns hystoriens ont estime le tout , neuf vingts mille talens . Se nous voulons calculer , il se trouuera que cent mille talens vallent soixante millions de scus , ainsi que i'ay mis dessus , Parquoy la somme de Quinte Curce qui est moindre que celle de strabo, est la plus grande somme nombree & assemblee pour vne fois que i'aye memoire dauoir leu . Excepte ce que on lit en Pline de lor & argent estant ou tresor de Romme . Mais les nombres sont fort corrupuz , Parquoy on ny peult asseoir certain iugement , iusques a ce quil se trouue quelque viel volume plus correct , & excepte aussi le tresor de Cyrus premier roy de perse dont ie parleray apres . Suetone recite que Tybere successeur Daus guste entache dauarice violente & tyrannique, assemblea en .xxiij. ans quil fut en l'empire ving & sept mille fois sesterces .

Le tresor
de Tyber
re.

E P I T O M E

Caligula

Prodiga-
lite de ne-
ron.

Laquelle somme fut dedans lan dissipée par lincomparable, & a vray dire prodigieuse & execrable prodigalite de Caligula son successeur. Laquelle somme valloit autant que soixante & sept millions, cinq cens mille descus couronne. Cornelius tacitus recite ou dixseptiesme liure de ses hystoires, que Nero prince renommé en dampnable & importune dissolution de toutes meurs, & tout regis me durant quatorze ans quil fut empereur, despendit en immenses & defraisonnables liberalitez & mal a point colloques, vingt et deux mille fois sesterces. Lesquelles donations Galbalempereur, apres quilz furent venuz a sa cōgnissance par les registres ou papiers des cōptes voulut repeter en laissant seulement la disme dicelles aux donataires. Mais tant estoient ilz meschans et semblables a leur maistre qua peine leur en restoit il la disme, que tout ne fust despendu. Ceste somme monte par lestimation que iay tousiours tenue, cinquante cinq millions descus. Chares, es hystoires de pse par le tesmoingnage Datheneus, a escript que du temps du derrenier roy Daire dont nous auōs parle cy dessus, les Perles par grāde

prosperite festoyent laissez couller fia-
 vant en delices & luxurieuse oppulen-
 ce & ia intollerable a la destinee fatalle,
 que ledit roy couchoit en vne chambre
 estant entre deux grans conclaues ou
 salles acoustrees tresrichement. Et estoit
 la maniere & le cas tel, que le liect du roy
 estant en sa chambre estoit rendu sum-
 ptueusement, & couuert dune veigne
 dor en facon de treille enrichie de rai-
 fins pendans en icelle assemblees de pier-
 res tresprecieuses. Et estoit tourne le che-
 uet du liect du roy vers le paroy de lung La cham-
 des conclaues dessusdictz, ou quel il y bre du
 auoit en tresor cinq mille talens dor, & roy daire
 sappelloit ce conclaue le cheuet du roy. a
 lopposite duquel estoit le paroy de lautre
 conclaue a lendroit des piedz du lit, ou
 quel il y auoit tousiours trois mille ta-
 lens dargent, & se nommoit la marche
 ou scabelle du liect du roy, vng talent dor Talent dor
 pour le moins en valloit dix dargent,
 car cest la moindre proportion qui ayt
 iamais este dor fin a argent que le decu-
 ple, parquoy iestime que le cheuet du
 roy estoit cinquante mille talens qui font
 trente millions descus. Tant & si chere-
 ment estimoit ledict roy daire son plai-

E P I T O M E

fir de la nuyt, quil vouloit sa teste recli-
 ner en si grant cheuance, & tantost apres
 en la fleur de sa fortune luy estant eny-
 ure de prosperite & affluence de richesses
 fut defaict par Alexandre & spolie de
 ses richesses qui auoyent este comme dit
 Quinte Curce accumulees par le regne
 de plusieurs roys, & ce apres quil eust
 veu sa mere vne venerable dame, sa fem-
 me vne des belles roynes du monde, &
 ses deux filles prisonnieres, entre les
 mains dung ieune roy son ennemy qui
 nauoit pas vingt & cinq ans, pour les-
 quelles rauoir il offroit a Alexandre dix
 mille talens, ainsi comme dit Plutarche
 & vne partie de son royaulme, et si ne
 les peut rauoir, combien que Alexan-
 dre les traicta honorablement et sans
 aucun reproche, dont il a este grande-
 ment loue des historiens, car il ne vou-
 lut iamais veoir la royne qune foys, la-
 quelle depuis mourrut en son ost. Plus
 ya que Daire apres sa derniere defaictte
 ainsi quil pensoit soy rallier fut traistreu-
 sement pris par Bessus gouuerneur de
 Bactre, lequel auoit la plus grosse char-
 ge soubz luy, et fut par luy mis en vng
 septz dor & gette en vng chariot pour

La mere
 la femme
 et filles de
 daire pri-
 sonnières

estre mené en Bactre, et depuis au moyz
 en qualexandre approuchoit on le vouz
 lut faire monter a cheual, ce quil ne vouz
 lut faire voulant estre pris dalexandre.
 Mais les traistres, a forcé de iauelines
 quilz portoyent le tuerent miserable-
 ment & puis se misrent en fuite. Et telle
 fut la fin du roy si puissant de gens, de
 terre, & dargent, et q auoit regne six ans
 seulement en toutes mignotises & des
 lices exorbitantes de la maniere commu-
 ne des princes, lequel par irrision de
 fortune apres quil eut ieu en son liét si
 opulentelement que dit a este, ieut en vng
 chariot prisonnier, endore non enferre,
 sinon des ferremens dont il fut occis cru-
 ellement par ceulx en qui il auoit plus de
 fiance luy estant en prosperite, & nest de
 merueilles sil eut telle fin, car de son res-
 gne lempire des perses estoit monte ius-
 ques au sommet de prosperite mondaine
 ouquel est la neissance et source dorgueil
 darrogance et outrecuidance, et du vi-
 ce qui se nomme extreme insolence, et
 la est le pas lubricque, ou lenuie de for-
 tune consiste, & ou souueraine fortune
 et felicite confine, sans moyen a grande
 de calamite . Iustin abbreviateur

La fin
 daire.

EPITOME

de trogne Pompee dit en la tresiesme epitome, que Alexandre apres ses conquestes faictes auoit en tresor content cent mille talens, & trente de reuenu annuel, qui sont dixhuit millions descus par an, ce que lon peut facilement coniecturer par ce que dit Herodote en parlant des tributz de perse imposez par le premier daire, lesquelz se montent de neuf a dix millions dor. De ses grans tresors ainsi acquis Alexandre vfa magnifiquement & sagement & par liberalite merueilleuse & bien ordonnee, ainsi que disent les hystoriens, car il auoit esgard aux merites & a la qualite des personnaiges, & si collocquoit ses liberalitez es lieux ou il pensoit que la memoire ne se pouoit perdre. Quant il fut retourne de son expedition & conqueste dasie, il entendit que ses gens darmes auoient tout despendu ou aultrement consume le leur, & si estoient endebtez, non obstât quilz eussent merueilleusement gaigne ou pillage de tant de riches pays quil auoit subiuguez a luy. A ceste cause il fut crye que chascun baillast par escript ce quil debuoit a autruy, & pource quil fut aduertiy que la pluspart auoit honte

de ce faire, pensant que le roy le fist seulement pour scauoir lesquelz estoient mauuais mesnagiers, & despenciers, il fist mettre en euidence ou milieu de son camp dix mille talens, & en affermant par vng chascun ce quil debuoit il acquicta tous venans en payant content a ceulx qui auoyent preste, tellement que la somme dessusdicte vallant six millions descus y fut employee au reste de six vngt talens. Il se maria en perse & prist a femme stratyra fille du roy daire mort, & fist au banquet des nopces vne despense inestimable qui seroit longue a reciter, selon quelle est descripte en Atheneus, & ledict aucteur recite vne chose digne de memoire touchant luy. Aristote auoit este son maistre & luy auoit monstre par doctrine la poesie dhomere, laquelle il auoit tousiours de nuyt soubz son cheuet avec son poignart, ainsi que Plutarque recite, & siluy auoit interprete & expose toutes les parties de philosophie, non seulement morale & politique, mais celle quil appelle acroamaticque, cest adire quil nauoit de coustume de communiquer sinon a ses disciples plus recommandez & feables: & qui

Hōneste
liberalite
dalexans
dre.

EPITOME

vouloit estre occultee aux aultres, & non diuulguee, a ceste cause pource que luy estant en asie il vint a sa congnoissance que Aristote son precepteur auoit faict les liures de philosophie metaphisicque, qui traicte des substances superiores et celestielles, & les auoit mis en auant tellement que chascun les pouoit lire. Il escripuit vne epistre grecque a Aristote laquelle est inferee dedans plustarche en la vie Dalexandre, & en Aulugelle, & si la treuve lon entre les epistres des anciens, cestassauoir Platon & aultres philosophes, ladicte epistre bien briefue contenant ce qui sensuit selon la mode descrire des grecs. Alexandre a Aristote salut & felicite. Tu nas pas bien & droictement faict dauoir mis en auant tes liures acroamaticques, car que pourray ie auoir dores en auant par dessus les aultres, si la science en la quelle iay este par toy instruit & enseigne est ia communicquee a tous. Quant a moy ie veul que tu saches que ie faiz plus de cas & estime plus surmonter les autres & estre eminent sur tous en doctrine & erudition des bonnes & excellentes sciences, que en puissance & force darmes. Les

Epistreda
 alexandre a
 Aristote.

dict roy couuoiteux comme il appert de toute congnoissance & scauoir ainsi que Pline recite ou huitiesme liure, donna charge audit Aristote de composer les liures qui s'intitulent des animaux, contenant cinquante volumes, pour la grande couuoitise quil auoit de congnoistre la nature des substances animees, & pensant que sondict precepteur estoit souverain en toutes sciences, ordonna trois ou quatre mille hommes par toute la grece et lasie qui se mesloyent la pluspart de chasse et de pescherie, et leur fit donner charge de viuiers, estangs, et troupeaulx de bestes, lesquels auoyent a luy respondre de ce quil leur demandoyt pour auoir entiere congnoissance de la nature des bestes, tant domestiques que sauuaiges. Atheneus aucteur dessus allegue dit ou neuuiesme liures des philosophistes, que Alexandre pour la composition des dictz liures donna audit dict Aristote huit cens talens. Ceste somme reduicte a nostre monnoye mote quatre cens quatre vingt mille escus et ce doit on facilement croire du roy Alexandre qui estoit fort liberal enuers les gens de scauoir; Plutarche ou liure quil a faict

Liberalite
de Ale
xandre a
Aristote.

E P I T O M E

des parolles des roys & cheffz de gueres
 re digne de memoire, recite que ledict
 roy manda quelque fois a vng general
 de ses finances quil eust a faire tenir con-
 tent a vng philosophe nomme Anaxar-
 che fort renomme en grece tout ce quil
 luy demanderoit. Quant ledict general
 ou tresorier eut parle a ce philosophe, il
 rescriuit au roy quil ne demandoit pas
 moins que cent talens, cuidant que le roy
 se deust esbayr de ce q̄ le philosophe de-
 mādoit pour mectre, son escolle en ordre,
 laquelle il vouloit mettre sus. Et le roy re-
 scripuit sur ces termes a son tresorier. Ne
 se fault esmerueiller, dist il, se Anaxarche
 demande si grosse somme, car ie luy scay
 bon gre de ce quil entēd que celluy a qui
 il la demāde a le vouloir bon & le pouoir
 de luy fournir, & voulut q̄ la somme luy
 fust deliuree. Encores est ce plus digne
 de louenge & de memoire perpetuelle
 quil enuoya a Xenocrates vng phisolo-
 phe fort estime en grece cinquante talens
 pour le bon bruyt ql oyoit de luy, & pour
 ce q̄ laultre les reffusa disant quil nauoit
 que faire de si grand somme pour entre-
 tenir son petit cas. Alexandre de ce cour-
 rouce dist que Xenocrates estoit homme
 peu ciuil,

peu ciuil, & plain de rusticite, Car sil na
 (dit il) que faire d'argent pour son estat
 na il nulz amys auquelz il voulsist biē
 faire. Pour retourner aux Rommains
 Plutarche escript en la vie de Luculle se
 nateur de Rōme, que Sylla qui depuis
 fut, dit lacteur. Apres q̄l eut remis Lasie
 en lobeyffance du puple de Rōme par
 appoinctement faict avec le roy Mitri-
 dates, il mist impost sur les peuples da-
 sie, vingt mille talēs par maniere de mul-
 cte & amēde pour la desloyaulte quilz
 auoiēt cōmise en portant faueur audict
 roy. Et pour alfeoir et leuer ceste somme
 de talens, cōmist Luculle qui estoit lung
 de ses lieutenās & luy dōna charge de
 faire forger monnoye par les villes es-
 quelles y auoit monnoyers. Laquel-
 le somme monte a la raison de six cens
 escus pour talent, douze mill. s̄s descus.
 Icelluy mesme plutarche parlāt du triū-
 phe de Pōpee, leq̄l luy fut decrete pour
 la victoire q̄l eut des deux roys Tigra-
 nes, & Mithridates, lūg roy Dardenie.
 L'autre de pōt, Dit q̄ par les grās chars &
 chariotz, esq̄lz se portoiēt en triūphe le
 lōg de la ville les richesses du pillage, et
 les semblāces et pourtraictures des roys

Impost
 mis su
 Lasie.

& pays subiuguez, il apparoissoit publicquement & a tous, de quelles nations subiuguez ce triumphe estoit ordonne & ottroye, car en chascū chariot y auoit tiltres escriptz & cadelz de grosses lettres, denotans & signifiās les choses dessusdictes. Et estoient les nations dont il triūpha, celles qui sensuyuent. Les royaumes de Pōt & Darmenie. Le pays de Paphlagonie, de Colchis, dōt est venue la fable de la toison dor, Dhiberie, Dalbanie, de Syrie, de Silycie, de Mesopotamie, Les peuples habitās en Phenice & en Palestine, Iuifz & Arabes, & les pirates quil auoit mis en subgectiō & confinez loing de la mer. Et veoit on par les semblances dessusdictes, quil auoit pris & mis en lobeissance de l'empire de Rōme, mille places fortes, & enuiron neuf cens villes. Et pris huyt cens nauires piraticques. Et mis en .xlj. villes d'importāce habitās de cytoyēs rōmais q s'appelloyent colons. Pline ou .xxxvij. liure de l'hystoire naturelle, recite lordre & le cōtenu de ce triūphe, & dit auoir pris ce q en dit es registres des triūphes cōtenās ce q sensuyt. cest assauoir q le iour de sa natiuite fit son triūphe, ou ql il mena &

florant
 u) am
 sils

charia par la ville iusq̄s au tresor public
 que, vng eschicger ou tablier a iouer &
 les dez dedās, ledit tablier estāt de deux
 pierres p̄cieuses, lōgues d̄ quatre piedz
 & larges de trois, & ne se trouue (dit il)
 auioirdhuy pierre de celle grādeur, pl^o
 y auoit en lordre du triūphe vng chariot
 portant vne lune de gros poix. Pl^o y auoit
 trois lic̄tz dor, seruās a faire bāc̄q̄tz
 esq̄tz on se seoit ou on gisoit selō la facō
 anciēne, car il ne seioiēt pas cōme lō fait
 de p̄sent, mais gisoiēt en prenant leur re
 pas. Item vaisselle dor & de pierres pres
 cieuses pour neuf buffetz, trois statues
 dor, Cest assauoir, de Mars, de Pallas, &
 de Iuno. Apres venoit vne montai
 gne dor quarree, en laq̄lle auoit cerfz,
 liōs & fruiçtz de toutes sortes, laquelle
 estoit circūdee dūe vigne dor. vne chap
 pelle dediee aux musées faicte de ples, et
 au feste dicelle vne horloge. Et si le char
 rioit vne ymage de Pōpee assemblee de
 ples. Ceq̄ sensuit ap̄s faicte mencion de
 largēt distribue aux gēs darmes, capitai
 nes, & lieutenans. Mais il est si corrupu
 & incorrect, quō ny peult asseoir iuge
 ment qui soit certain. Plutarche dit que
 le triumphe fut party en deux iours,

EPITOME

Et neantmoins ne peurēt souffire a metre en euidence ce que y estoit. plus estoit denote (dit plutarche) en lettres biē apparentes, que Pompee portoit au tresor en or & argent, monnoye, & vaisselle, vingt mille talens, venuz du pillage sans ce quil auoit dōne & distribue aux gens darmes, dont le moindre auoit eu mille & cinq cens drachmes attiques, qui vallent cent cinquante escus. Et si estoit signifie comme dessus. Ainsi ql est escript ou plutarche grec non pas en celluy qui est translate en latin, que

Reuenu
de lēpire
de Rōme

les impostz de lēpire de Romme souloient estre cinq mille myriades. Mais que par le moyen de la conqueste de pompee, lesdictz tributz estoient montez a huyt mille cinq cens myriades. Lesquelles parolles bien entendues, signifient que les tributz souloient valloir cinquante milliōs de drachmes attiques au par auant que pompee vint a auoir administratiō en la chose publicque, & q̄ pour lors au moyen de ceste victoire ilz valloient quatre vingts cinq milliōs. Laquelle somme derreniere vault a la monnoye de Frāce, huyt millions cinq cens mille escus. Car cent drachmes vallent vne

liure qui vault dix escus. Et mille drachmes vallent cent escus. Dix mille drachmes qui est vne myriade, vallent mille escus. Car chascune myriade, vault dix mille. Or est il que cent myriades de drachmes, vallent vng milliō de drachmes, et mille myriades, dix milliōs, qui sont en reduysant a escus comme deuāt mille fois mille escus qui est vng million. Cest assauoir mille fois dix mille drachmes. puis doncques quil y a ou nōbre de plutarche, huyt mille cinq cens myriades. ce sera en somme toute, huyt millions cinq cens mille escus, en comptant pour chascun millier de myriades de drachmes vng million descus, car vng escu vault dix drachmes & le nombre des drachmes est decuple de celluy des escus. Et ainsi le fault entendre necessairement. pource que la facon des hystoriens & aucteurs grecs, est de faire leurs comptes par drachmes, que les romains font par sesterees, dont les quatre vallēt vne drachme. Mais ceste difference nōt peu cōprēdre ne cōcepuoir les trāslateurs des liures, & ne sen sont poit aduifez, Au moyē de quoy il ya de lour des erreurs en aucūns passaiges des hyz

EPITOME

storiciens trās latez, il est aussi a noter que les grecs en faisant leurs cōptes procedent par hecatontades, chiliades, & myriades. Cest a dire par cētaines, par milliers, & par dix milliers, que les latins appellent centenaires, millenaires, & dix millenaires. Cent myriades vallent vng milliō. Car cest tout vng mille fois mille ou cēt fois dix mille. Mille myriades valēt dix milliōs. Dix mille myriades que les grecs appellent vne myriade de myriades, cest a dire dix mille fois dix mille, vallent cent milliōs, & est de pl^s grāt nōbre q^z puissent dire sans multiplier. Car silz veulēt dire deux cēs millions, il faut quilz disent deux cēs myriades de myriades. Et dix myriades de myriades pour mille milliōs, pareillement les rōmains nauoient aucun nōbre latin au dessus de cent mille. Et dit pline ou tretiouiesme liure que les anciens rōmains qui estoient pauures ne cuydoiēt point q^l fust besoing de trouuer terme q^z passast cēt mille derain ou de sesterces. Par quoy ceulx qui sont venuz apres nont peu nōbrer leurs grans richesses, sinō par multiplication du nōbre inuētē par leurs ancestres, En disans dix fois cent

Facon de
cōpter en
tre les
grecs.

mille & .xx. fois. & trêtefois cēt mille, ce
 q̄ nostre lāgaige exprime en vng terme
 propre, disant vng milliō ou plusieurs.
 Et pour ce se ie vueil dire en latin & Rō
 main āciē dix milliōs, q̄ les grecs disent
 mille myriades. il fault que ie disse cen-
 ties cētēna millia, qui est cent fois cent
 mille, & pour cēt milliōs millies centena
 millia. Cest a dire mille fois cent mille ou
 cent mille fois mille. Car vng millenaire
 multiplie vne fois p̄ luy mesmes vault
 vng million q̄ les grecs disent aussi chi-
 lias chiliadū. Cōme se nous disons vng
 millier de milliers. Et pour ce se le mille-
 naire est multiplie cent fois par luy mes-
 mes, ce feront autant de millions. Se ie
 vueil dire en latin deux cens millions.
 & parler selon la forme ancienne qui
 nest pas congneue a tous ceulx qui pen-
 sent bien parler latin, ie diray bis mil-
 lies centena millia, qui est a dire deux
 mille fois cent mille, pour mille milliōs,
 ie diray dix mille fois cent mille, et de ce
 est la naiffāce venue de parler par mul-
 tiplication de fois, en disant pour vng
 million de sesterces, decies sestertium,
 qui est a dire dix fois cent mille sesterc-
 res. Et pour dix millions cent foys

La manie
 re de cō-
 pter être
 les latins
 & raison
 dicelle.

Demon-
 stration
 de la
 manie-
 re de
 parler
 en latin
 pour
 dire
 deux
 cens
 millions
 par
 la
 forme
 ancienne
 qui
 n'est
 pas
 connue
 de
 tous
 ceux
 qui
 croient
 bien
 parler
 latin

sesterces, q̄ sont deux cens cinquãte mil
 le escus. Et pour quarante millions qua
 tre cens fois sesterces, que iay tousiours
 estimez vng million descus, a trête cîq
 solz pour escu. Car vng escu vault au
 tant que faisoient quarãte nûmes ou ses
 terces. Et ainsi les quarãte milliõs de se
 terces vallent vng million descus. Et se
 nous voulons parler par drachmes con
 me font les grecs, il fault racourcir le nō
 bre, tellement que les quatre ne vallent
 q̄ng, en disant que dix milliõs de drach
 mes vallent vng million descus. Et par
 ce moyen nous scaurõs prōptemēt esti
 mer cōbien valloiet les succides rōmais
 apres la triūphe de pompee, dont a este
 faicte mencion cy dessus. Car filz val
 loiet quatre vîgts cinq milliõs des drach
 mes, il est aise a entēdre que ce sera huyt
 millions cinq cens mille escus. pour ce
 que la dixiesme partie de quatre vîngt
 & cinq, est huyt & demy. Et pour dix
 drachmes fault tousiours prēdre vng es
 cu qui vault quarãte sesterces, puis q̄ly
 a quatre sesterces en vne drachme, ou
 vng denier, Et ne se fault esbahir de ce
 ste maniere de cōpter des anciēs q̄ estoit
 si briefue. Car ceste coustume ont eu

Demon
 stration
 aisee pour
 scauoir re
 duyre se
 sterces a
 escus, & ē
 entēdre
 prom
 ptemēt
 to⁹ gros
 nōbres, et
 les esti
 mer a nre
 monoye.

de parler les plus grās aucteurs, et plus elegans, comme ce que iay allegue cy dessus de Cicerō en vne des verrines recitant le texte d'ung compte. Iay receu dist il yingt fois deux cens trente cinq mille quatre cens et seize sesterces, voulant signifier que la recepte montoit deux millions deux cens trēte cinq mille et tāt de sesterces. Ceste maniere tient Plīne en tous comptes soit de monnoye ou daultre chose en plusieurs lieulx cōme ou trentetroisiēme liure en parlant de Pythius q̄ inuita xerces a loger chez luy et tout son ost. Il receut dit Plīne en vng conuy et festoya lost de xerces, cest a dire sept fois quatre vingt huit milles hommes. Par ces parolles ientends et fault entēdre sept cens quatre vingts huit mille. De ce passaige nous parlerons cy apres en recitant ce que fist le dict pithius. Ledict plīne ou second liure en parlant de la longueur et largeur de la terre dit ces parolles. La terre que nous habitons enuironnee de la mer ocean ne la plus grande longueur quelle aye depuis orient iusques au coulombes de Hercules nexede point octante et cinq fois cent septante et huit mille

Maniere
de cōpter
ancienne.

selon l'opinion d'artemidorus, mais selon l'opinion de didorus elle seftend octante & huit fois & dixhuit mille. Le premier de ces nombres se doit dire en nostre langue huit millions cinq cens septante & huit mille. Le second huit millions, huit cens dixhuit mille. En vng passaige depuis le fleuve de ganges, dit il, iusques au gouffre issicque qui est en syrie on compte cinquante & deux fois quinze mille dixneuf, & puis de rechief en vng aultre vingt quatre fois cinquante mille, esquelz lieuz il faut entendre, cest assavoir au premier cinq millions deux cens quinze mille dixneuf, & au second trois millions quatre cens cinquante mille, car Pline entend vingt quatre fois cent mille. Et ceulx qui nentendent ceste maniere de faire sont esbahiz quant ilz tumbent sur les passaiges. Appia au second des guerres ciuilles dit que les triumphes de cesar quil voulut faire & celebrer apres toutes ses grandes victoires par l'espace de quatre iours, il fut porte au tresor publicque soixante & cinq mille talens d'argent, & oultre ce le nombre de huit cens couronne dor qui pesoient vingt mil liures dor. Par ce q'a este dit dessus

Triump
 phes de
 Cesar.

on peut estimer que la somme d'argent ne valloit pas moins de trente & neuf millions descus de france, sans les courōnes dor q valloient du moins deux millions. De cest argent Cesar paya entiere-ment & dauantaige ce quil auoit promis a ses gens dar mes veterans & au populaire de rōme, cest assauoir a chascun hōme legionnaire cinq mille drachmes qui valloient autāt que cinq cens escus couronne. Aux centuriōs, cest a dire aux capitaines de cent pietons double somme, aux gens de cheual le double des centurions. Suetonne dit qu'oultre deux mille sesterces qui lauoit dōne au cōmencemēt de la guerre ciuille pour hōme, encore donna il grande distribution, tellement que pour hōme de cheual il dōna xxiiij. mille sesterces, q sont six cēs escus mais ce passaige est inutile parquoy on nen peut tirer sentēce entiere. Oultre ce il donna cōme il dit a chascun hōme du peuple de rōme. iij. cēs sester. quil auoit promis au cōmencemēt du tumulte ciuil. & pource q nauoit si tost paye cōme il eust voulu, il en donna cent dauantaige quasi pour l'interest de lattēte qui est pour hōme dix escus, & dauantaige dix

Liberali-
te de Ces-
sar.

EPITOME

muys de ble qui font dix boeffeaulx de
 paris, et dix liures dhuille et fist trois fe-
 stins au peuple et aultres liberalitez.
 Appian dit quil donna pour homme
 vne mine attique, lesquelles deux som-
 mes reuiennent a vne par ce que iay dit.
 car cent drachmes valent quatre cens
 sesterces. Eusebe dit en ses cronicques
 que du temps que Sylla se fist dictateur
 ou cens qui se fist a Romme, il se trouua
 quatre cens soixãte troys mille cytoyẽs
 romains. Appian dit que apres les ba-
 tailles ciuilles quant le cens se fist soubz
 Cesar le dictateur, il sen trouua la moi-
 tie moins de cytoiens quil nauoit faict
 au precedent. Parquoy nous pouons
 coniecturer quil y auoit du temps de la
 distribution de Cesar dessudicte deux
 cens vingt milles hommes cytoiens a ro-
 me pour le moins prenant distribution,
 et que pour le moins il cousta en argent
 content sans le reste deux millions deux
 cens mille escus. Or de gens darmes ve-
 terans y pouoit il grãdemẽt auoir vingt
 mille a qui il auoit promis de donner cõ-
 gie de soy retirer pour leur viellese ain-
 si quelon peut ymaginer par le commẽs-
 taire affricque dhircius, parquoy si don

nacinq mille drachmes pour homme, cest a dire cinq cens escus, ceste donatiō qui sappelle donatif, cest a dire largesse faicte aux gens darmes, montoit dix millions descus. Et de tout ce grant argent que Cesar auoit la pluspart estoit venue de Gaule, ainsi que lon voyt par les hystoriens, et mesmement par Suetone. Aussi de cinq triumphes quil mena pompeusement par la ville de Rome. Le premier et plus excellēt de tous fut le triumphe gallicque. Le secōd fut Dalexandrie. Le tiers fut de pont. Les deux aultres furent dafricque et despaigne. Ou premier entre aultres choses de magnificence il y auoit quarāte elephās a dextre et a fenestre de son char triumpgal qui portoyent torches et lanternes. plutarche dit que les guerres gallicques firent Cesar si grāt comme il fut, car du pillage et des richesses ql en emporta il gaingna la faueur des gros personnaiges de Rōme et des magistratz et principaulx du senat, et mesmement par les dames de romme ausquelles il donnoit acoustremēs nouueaulx et precieulx et richesses non v sitees. Entre aultres largesses de corruptiō quil faisoit sans me

Cinq triū
phes de
Cesar.

sure il donna a Paule q estoit cōsul quin
 ze cens talens, dōt il fit grās & sumptu
 eulx edifices, & renommez entre ceulx
 de rōme, & dōna a Curio vng tribun de
 peuple, qui auoit lauctorite entre le col
 leiges des tribūs & le peuple, six cēs fois
 sesterces, q sont quinze cens mille escus
 car tant deuoit Curio ainsi que dit Vas
 lere le grant. Or que ce fut grant argent
 on le peut ymaginer tant par ce que iay
 dict deuant, comme par ce que dict plin
 ne ou trentesixiesme liure, en ceste ma
 niere, ie estime dit il chose prodigieuse,
 que Milo citoyē de romme a deu pour
 vne fois a creanciers sept cēs fois sester
 ces, laquelle somme vault dixsept cens
 cinquante mille escus. Iay parle cy de
 uant de Luculle, qui fut commis par Sil
 la a leuer la taille de vingt mille talēs. Ce
 Luculle fut depuis enuoye chef de guer
 re contre Tigranes, & Mitridates deux
 roystrespuillans, sur lesquelz il eut de
 merueilleuses victoires, tellement quil
 prist vne grosse & riche ville en arme
 nie nommee tigranocerta, avec grāt pil
 laige, mais on ne dōna pas le loylir de pa
 racheuer sa conqueste, car par les facti
 ons & brigues du senat tāt fut faict que

Curio.

Debtes de
Milo.

Luculle.

Pompee fut enuoye pour reprendre ces
 ste guerre, dont depuis il eust lhonneur
 & fut Luculle reuocq̄, a cause de quoy
 luy idigne & courrouce se delibera de
 soy retirer du faict de la chose public
 que, en laquelle il veoit les matieres es
 stre consultees, & decretees plus par au
 storite & puissance des bandes du ses
 nat, que par raison & equite, qui na
 pas lieu souuent es grands empires, &
 grosses cours. Touthoys il triump
 deuāt, & en son triumphe entre aultres
 choses il mena au tresor vne statue dor
 faicte a la semblance de Mytridates qui
 estoit de six piedz de long, & son escu
 orne et enrichy de moult de pierres pre
 cieuses, et dauātaige vingt casses, ou cas
 ptes pleines de vesselle dargent, qui
 se portoyent sur espaulles dhommes,
 ainsi que se portent les chasses en proces
 sion, et trente-deux aultres pleines de
 vesselle et armeures dor, et or monnoye
 Puis suiuoient huit muletz portās cou
 ches dor, et cinquante et six qui portoiēt
 argēt blanc, apres lesquelz venoiēt cent
 sept muletz charges dargent qui mon
 toient a peu pres de deux cent soixante

& dix myriades d'argent monnoye ainſi que porte le texte grec de Plutarche q̄ ſont deux millions ſept cens mille, mais il ne dit point quelles eſpeces, ſans ce, dit il, quil auoit dōne aux gens darmes leſquelz auoient eu pour homme neuf cēs cinquante drachmes, & ſans ce quil auoit fourny a Pompee pour la guerre piraticque, puis fit vng feſtin au peuple de romme tres magnifique, & a tous les villaiges dalentour de la ville, & puis ſe retira pour viure le demeurant de ſa vie a leſtude & a ſon plaisir, ce que nul des cappitaines et gros magistratz nauoit faiēt par auant luy. Si ſe priſt a baſtir gros edifices & lieux de plaiſance alētour de Rōme & ſur la marine pour viure en delices, et ſans cure & ſolicitude. Et ſi fiſt vne choſe digne de loz, car il aſſembla vne librairie tres copieuſe et plaiſante en lieu accessible a tous gēs de lettres tant grecque que latine, & vtille a tous venans, comme a luy. Plutarche en parlant de ceſte matiere recite vng cas par lequel on peut congnoiſtre et entendre la facō et estat de ſon gouuernement copieux, et redundant en toutes choſes. Vng iour diſt il pompee et Cicero eſtās ensemble

ensemble trouuerent Luculle assis ou lieu publicque de Romme ou il deuiſoit, vindrēt a luy. Et apres l'auoir salue luy dirent quilz auoiēt delibere ce iour de soupper chez luy sil vouloit. Mais pour ce quilz scauoient comme il estoit abandonne en despence, protesterent quilz nyroient point, finon quil leur promist de nēuoyer personne a l'hostel pour riens faire mettre ne appereiller oultre lordinaire. Alors Luculle voyant leur intention se print a dire ces motz ou semblables. Et vrayemēt ie le vueil puis qu'ainsi vous semble bō. Mais aussi me permettez vous seullemēt de mād en quelle salle ie vueil q̄ nous soupions sans aultre chose, ce qui luy fut accorde. Et commanda a vng sien suyuant a haulte voix qu'on mist la nappe en la salle Dappollo. Or auoit il lestat de sa maison ainsi ordonne, que selō la despence quil vouloit faire, il auoit ses salles distinguees a recepuoir & festier gens. Et pour ce faire auoit il maifou assez spacieuse. Et auoient lesdictes salles noms imposez, cōme Dappollo & aultres dieux & deesses. Si tost que le messaige eut faic̄ son rapport, tātost le mai

stre d'hostel entendit quil auoit a faire. si fist le soupper appareiller soingneusement & grossement, & tellement q̄ Pōpee & Cicero s'esmerueillèrent quāt ilz veirent l'appareil tant, pour la singularité des viandes & metz du soupper, que de la diligence dauoir appareille le soupper en si peu de tēps. Ce soupper cousta a Luculle cinquāte mille sesterces q̄ valent douze cēs cinquāte escus. De luy recite Atheneus aucteur grec en parlant de ceulx qui ont vescu en delices sumptueuses & delicieuses, oultre la maniere acoustrumee. Apres(dit il) q̄ Luculle eut triūphe pour les victoires quil auoit eues de deux roys, desq̄lz il auoit rōpu la force, & quil eut rendu compte de son administratiō & pillage, soubdain il laisē toute cure & sollicitude de renōmee acquerir, & soy faire grāt. Si se getta en vie sumptueuse & delicieuse, en tenant grosse maison & ouuerte. Et fut le premier qui admena la coustume de soy enrichir des deniers cōmuns, & d'acroistre son cēs & ses facultez, par auoir administration publicque, car il tourna a son prouffit grāt partie des tresors & pillage q̄ auoit cōqs sur deux puillans roys

Richesses
de Luculle.

& de la victoire cōmune fist le prouffit
 pticulier. Depuis luy ceste coustūe vint
 en auāt. Tellement q̄ Cefar p ce moyen ^{Cefar}
 v surpalēpire, duq̄l Suetōne dit q̄ don-
 noit les royaulmes, & tollissoit selō ce q̄
 sentoit sō aduātage, tellemēt q̄ pour vne
 fois il extorqua & exigea de Ptolomee
 roy degypte, six mille talēs. Que Lucul
 le se peut faire riche, il appert par ce que
 dit a este du pillage des deus roys. Plus
 tarche recite que a la prise de Tigrano
 certa, oultre le pillage de la ville qui fut
 abandonnee, il trouua es tresors du roy
 huyt mille talēs d'argent. Il recite entre
 aultres choses, par lesquelles on peut
 entendre sa maniere de viure redun-
 dante & luxurieuse, que quelque foys
 il estoit seul a disner ou soupper en sa
 maison, parquoy son maistre d'hostel
 ne luy fist appareil que raisonnable, il se
 courroussa a luy pource quil ne veoit
 riens de superflus, ce quil nauoit acou-
 stume, car il tenoit maison ouuerte. Le
 maistre d'hestel respondit pour excuse
 quil pensoit auoir assez appreste, atten-
 du quil scauoit que nul ne viendroic
 pour ce iour. Comment dist Luculle ne
 scauois tu pas q̄ Luculle deuoit disner

Librairie
de Luculle

chez Luculle. et combien qu'il tint maison opulente en vaisselle et en tout acoustrement de salle, et copieuse et exquisite en viandes, en esbatemens et en toutes choses dont on peult faire vne maison plus honorable. Neantmoins comme dit Plutarche riens ne luy fist tant d'honneur que sa Librairie, laquelle estoit magnifiquement bastie. Et alentour auoit grandes galleries a promener, & escolles accommodees a disputations et colloquations de gens scauans. Et si auoit a toute diligence et sans riens espargner accumule liures de toutes sciences. tellemēt que sa maison estoit le lieu commun ou tous Philosophes et gens de lettres sarruoient, ausquelz il faisoit tous plaisirs et gracieusetez, et ayde de lauctorite quil auoit. et voluntiers sadonnoit a leur doctrine comme scauant. Cestuy fut le premier des rommains qui passa le mōt de Tau, & le fleuve de Tigre, ayant armee et par forme d'hostilite vne chose merueilleuse est a qveult cōsiderer lestat de Rōme estāt en sa grandeur, et en l'empire fleurissant. Macrobe, Plinius, et Iuuenal recitent que Asinius celsier du tēps de lēpereur Claude achepta

Asinius
celser.

vng poiffon qui sappelloit en latin mulus, soit mulet ou aultre poiffon, en paya sept mille sesterces. Combien que Pline dit huyt, il est escript en aucteurs Apitius. Apitius vng rōmain subgect a sa bouche et fort riche, qui fut enuirō le temps de Tybere lempereur, despendit en friandise et gulosite, neuf cens fois sesterces. et quāt vint par laps de temps quil entendit que sa grand richesse festoit ainsi passēe et coullee par son ventre, tellement quil ne luy restoit plus que cent fois sesterces. De crainte La fin Dā
pitius. quil eut que viande ne luy faillist plus tost que la vie, Luy mesmes sempoisonna, quasi cōme soy voulāt pugnir pour les frians & chers morceaulx quil auoit mengez, Cent fois sesterces nestoit pas moins que deux cens cinquante mille escus. et neantmoins Apitius homme de nulle estime et sans renommee, excepte quil estoit de tous congneur & nōme pour sa gourmandise et prodigalite, estimoit pauurete ceste somme de cēt fois sesterces, cōme celluy q ia auoit des pēdu neuf fois autāt. pline ou dixiesme liure lappelle le priçe de to⁹ les gourmās. Senecque ou liure de consolation dit q

Apitius apres ce quil eut despendu tāt
 de reuenu & les grosses liberalitez des
 princes, il se print a regarder son cas, &
 trouua quil ne luy restoit plus que cent
 fois sesterces. Et a lors ceste somme que
 tous aultres demandoient par soubhait,
 fist a Apitius si grant paour quil se des
 libera de mourir. Et autant en dit Mar
 cial en substance, qui dit que cent fois
 sesterces est vne somme de grant estanz
 due. Esope histrion tragicque fut en grā
 de reputation a Romme, au moyē quil
 estoit excellēt en son art, qui estoit pour
 lors de grant requeste, au moyen de spe
 ctacles & ieu x scenicques ou le peuple
 se delectoit fort. Et pource les gros per
 sonnaiges qui vouloient auoir la grace
 du peuple nespargnoient riens, pour
 luy faire passe temps, Car il appartenoit
 au peuple de dōner les consulatz & pre
 tures & aultres magistratz, et charges
 de prouinces, dont les senateurs se fais
 soient grans & opulens comme Sylla,
 Luculle, Marius, Pompee, Grassus, Ce
 sar, & aultres firent. Icelluy Esope estoit
 si riche des gaiges & bien faict quil au
 uoit, tāt de la chose publicque commes
 des particuliers, que par excessiue pros

digalite dont il vfa longuemēt encores
 ne peut il despendre son auoir. Pline re
 cite ou dixiesme de ses liures que entre
 les prodigalitez renōmees, Le plat Des
 fope estoit en grāde admiratiō. Ce plat
 estoit vne inuention quil fist pour ser
 uir en vng bancquet, et estoit de cent pe
 tis oyseaulx. Comme linotes, cocheuiz,
 estourneaulx, merles, calendres, & aul
 tres oyseaulx qui peuent imiter la voix
 humaine, & parler quant ilz sont apri.
 qui pour lors se vendoient a Rōme che
 rement ainsi quil peult apparoit par les
 parolles de Pline, qui dit qlz coustoient
 six mille sesterces la piece, qui estoient
 en somme six cens mille sesterces, que
 iestime quinze mille escus. A ceste cau
 se luy mesmes ou trentecinquesme, ie
 ne faiz nulle doubte (dit il) que ceulx q
 lyront ce que iay cy dessus escript que
 le plat Desope estoit estime six cens se
 sterces, ne soiēt indignez cōtre moy, cō
 me de chose par moy dicte non creable
 ne vray sēblable. Et ēcores laissa il a son
 filz tāt de biēs que le filz exceda le pere
 en prodigalite & despence dissollue. tel
 lement quil donnoit les parles de grant
 pris a menger a ceulx ql festoyoit en ses

Le plat
 de fope
 tragicq.

banquetz, Cleopatra du temps Quara
 thoine le triumuir estoit en egypte, fai-
 soit banquetz tous les iours pour fes-
 toyer ledict Anthoine son mary, & luy
 pareillement a elle. Et pour ce que ce se
 faisoit a l'euie, & a qui feroit le plus sum-
 ptueusement. Quelque fois que parol-
 les se meurent de ceste matiere, elle fist
 gaigeure quelle feroit vng festin q̄ cou-
 steroit cent fois sesterces, q̄ iestime deux
 cens cinquante mille escus. Anthoine ne
 pouoit cõcepuoir q̄ ce peust estre vray.
 Et neantmoins comme celluy qui estoit
 vray prodigue, il desiroit fort a en veoir
 l'experience. Et a ceste cause y eut gaigeu-
 re faicte & iuges esleuz pour en iuger.
 Vint le iour du soupper q̄ fut sumptueux
 en appareil, et force viande ainsi que la
 coustume estoit. Sur la fin du soupper
 Anthoine p̄seoit auoir gaigne, car il ne
 veoit appẽce de si grãt coust. Alors cleo-
 patra q̄ auoit deux ples deslites p̄dantes
 en ses deux oreilles, mist la mai a vne &
 la tyra, et puis la plõgea dedãsvne assiet-
 te ou escuelle de vinaigre qui auoit telle
 force, et estoit tellemẽt p̄pare et mixtion
 ne ql faisoit fondre les ples subitemẽt. ce
 fait elle heuma ledit vinaigre avec la ple

Gaigeure
 entre An-
 thoine &
 Cleopatra.

puis voulut mettre la main a l'autre pour
 en faire autāt, mais les iuges qui la esto-
 ient presens cōmencerēt a luy dire quel-
 le se gardast de ce faire, car elle en auoit
 allez fait, & dauantaige pour employer
 cent foys sesterces, seullemēt en ce quel-
 le auoit consume ladicte perle, sans le de-
 meurāt de l'appareil, la quelle pesoit ain-
 si que dit pline demy once qui sont qua-
 tre vingt quaratz, & aujourduy a peine
 en treuve lon qui en poissent vng quart
 ainsi que disent les lapidaires, & ioyau-
 liers, & au demeurant estoit excellente,
 & affin que ie vse des termes de Pline,
 cestoit le singulier & vnicque ouuraige
 et chef deuure de nature en son espece.
 Depuis quant auguste prist Cleopatra
 il eut la pareille perle, & pource que ne
 sen pouoit trouuer vne aultre a para-
 gonner a elle en toute lēpire de Rōme,
 il la fist fendre en deux moities pour
 mettre es deux oreilles de la deesse Ve-
 nus, ou il auoit grant affection pour lhō-
 neur Denee qui fut filz de Venus, ain-
 si que disent les poetes, duquel il se di-
 soit estre descendu, & estoit l'imaige des-
 sudicte au temple de Pantheon a Rom-
 me. Il est escript en macrobe que Ro-

Rosci⁹hy
 strion,
 scius aucteur scenique, cest a dire hy
 strio comme estoit esope, auoit par iour
 mille deniers de gaige de la chose pub
 licque pour l'excellence de son art, qui
 font cens escus par iour. Cicero parlant
 de luy en vne oraison qui fit pour luy,
 dit que a la fin quant il se veit riche, il
 fut si honneste quil voulut seruir pour
 neant, tellement, dit il, quen dix ans il
 refusa a gaigner soixante fois sesterc
 ces, qui vallēt cent cinquāte mille escus,
 & parauanture en macrobe ya faulte, &
 est escript deniers pour sesterces, & ain
 si seroient vingt & cinq escus par iour.
 On peut veoir par l'oraison de Cicero
 quil auoit des serfz sceniques dont il
 faisoit vng grant gaing. Cest bien plus
 grant chose & plus forte a croire ce que
 Pline dit de Pompee, ques ieux quil fit
 au peuple apres son second consulat, en
 tre aultres choses, il exhiba & mist des
 dans la place du circque qui estoit spe
 ctacle a romme six cens lions, dont il y
 en auoit trois cens & quinze a tout la iur
 be. Cicero parlant de ceste matiere ou se
 cond liure des offices, ne dit point le nō
 bre, mais il dit que ceulx furent les plus
 magnificques ieux qui eussent este des

spec
 tacles
 ven
 ticques.

uant luy. Or quant ilz mettoient ces bestes en monstre c'estoit pour les faire entretuer ou pour les occire par hommes qui s'appelloient venateurs, & auoient este priz pour ce faire, ainsi que lon veoit par Pline qui dit que Sylla le premier en monstra le combat au peuple de cent ensemble. Ledit Pompee monstra aussi oultre les lions, ou a celle fois, ou a vne aultre quatre cens & dix panthers pour vng coup. Auguste pour vng coup quatre cens & vingt. Cesar quatre cens lions. Depuis par les empereurs princes & augustes ceste maniere de faire fut fort vsitee, & s'appelloit venation, cest a dire chasses de bestes feroces pour le plaisir du peuple. Mais en core sur toutes choses est a merueiller le theatre de Scaurus qui est vne chose si

Le thea-
tre de
Scaurus,

excedant toutes aultres en despence & magnificence, que Pline ou trentesixieme liure. Nous auons veu, dit il, la ville de Romme estre circundee, & quasi cincte des maisons de deux empereurs Caligula & Nero, mais combien q̄ leurs maisons fussent choses pleines de fureur pour autant que la despence, & les bastimens estoient faiz sans auoir regard

à raison & sans comptene mesure, toutes fois encores à surmonter leur furieux prodigalite le theatre de scaurus qui n'estoit que citoyen rommain. Celluy Scaur⁹ fut filz de la femme de Sylla qui fit la proscription cruelle sur toutes autres, au moyen du quel Scaurus eut si grant puissance que luy estant edile fit vng theatre, qui n'estoit faict que pour vng mois comme il dit, ou peu de iours tant que les ieux debuoiens durer, et pour estre incontinent apres demoly. Et neantmoins ce dit Pline, cest ouurage efface la magnificēce et la memoire, nō seulement des maisons dessus dictes, mais se treuue auoir este plus sumptueulx, et de plus gros et magnificque ouuraige, et appareil, que edifice dont il soit memoire, non seulement pour estre demoly apres & abbatu, mais aussi bien de ceulx qui ont este faiz pour durer a perpetuite. La scene de ce theatre estoit de trois estaiges, & y auoit trois cens soixante columbes de marbre daphricque, dont celles dambas estoient toutes d'une piece de trēte & huit piedz de hault. la dicte scene estoit en partie de marbre. & l'estaige du meillieu de verre, q'estoit

Magnificēce merueilleuse.

chose dont on nauoit iamais ouy parler,
 En la place du theatre ou les gēs feoiēt
 y auoit lieu pour quatre vngt mille per
 sonnes. Il y auoit pour la decoration des
 ieux trois mille ymaiges de cuiure.
 Et au demourant tant y auoit de richesses
 en appareil, tant de tapissērie dor, de
 tableaux d'antiques peintures & renō
 mees, que cest chose increable de celle
 qu'on en lit en Pline, mais ce n'estoit pas
 la richesse d'ung homme, car la puissan
 ce de Sylla donna tant de pouoir a Scau
 rus quil assemble de toutes pars de lem
 pire de Romme les choses excellentes,
 et de grosse estime, et les prist par aucto
 rite pour l'ornemēt et decoration de ses
 ieux. De la maison doree de Nerō qu'on La maï
 son de Ne
 ron.
 appelloit maison dor, dont i'ay touche
 vng mot cy dessus, en recitant les pa
 rolles de pline, Suetone parle assez au
 long, de laquelle comme il dit on peut
 ymaginer la grāde spaciosite, parce quil
 y auoit dedans galleries a trois renees
 qui estoient de mille pas de long, et vng
 estāg si grāt qui sembloit estre vne mer
 circunde dediffices alentour, qui sem
 bloient et equipolloient a vne ville. An
 thoine le triũuir mena guerre en la com

Donatif
d'anthoine
le triuuir.

paignie Doctouian, qui depuis fut ap-
pelle Auguste contre Cassius & Brutus
en macedone, & demurerent victeurs.
Après ce Octouian sen retourna en Ita-
lie, & anthoine se retira en ephese, pour
recouurer argent de toutes pars de lasie
& contrees estans de son empire & par-
taige, car il veoit le temps venir que le
payement escheoit de la somme quil au-
uoit promise par largesse, qui sappelloit
donatif, a ses gens darmes qui estoit cō-
me dit Plutarche cinq mille drachmes
pour teste, qui sont vingt mille sesterces
estimez cinq cens escus, celluy mesmes
aucteur en parlant du siege de Modene
q̄ tenoit lediēt Anthoine cōtre les deux
consulz de rōme, dit qu'après q̄ Anthoi-
ne fut entre en lost de Lepidus, & q̄ les
gens darmes laisserent lepidus pour le
prendre a chef de guerre, il lessa six legi-
ons en gaule pour fournir les garnisōs,
& se retira plus auant en italie avec dix-
sept legions & dix mille hōmes de che-
ual. Appian ou. v. des guerres ciuilles
dit qu'après la victoire obtenue par luy
& Octouia de cassius & brutus Anthoi-
ne passa en ephese ou q̄l lieu il fist venir
gēs deputez p̄ les villes de grece & asie

ausquelz apres auoir par luy remōstre
 l'offence a luy & Octouian faicte pour
 la faueur & ayde quil auoyent porte a
 leurs ennemys, tant d'argent que de tou
 tes munitions. Maintenant, dit il, nous
 auons faict de terre et argent pour recō
 penser noz gēs lesquelz sont en nōbre
 xxviij. mille legiōs, sans les aultres sui
 tes, q̄ne sont legiōnaires, lesquelz font
 ensemble huit vingts dix mille hōmes
 sans les gens de cheual. Octouian luy
 distribua de la terre d'italie, mais quant
 est de vous asiaticques et grecs loyez
 assurez de voz terres et manoirs, car
 vous ny perdrez riens, tant ya q̄ vous
 cōuient trouuer argēt pour satisfaire a
 ce q̄ leur est deu, v'ela dit l'aucteur q̄ no
 trouuons auoir este dit par Anthoine,
 Touchāt la recōpense de xxviij. legiōs
 lesquelles restoient de quarāte & troys
 estans a modene alors q̄ Octouia & An
 thoine sallierent ensemble, & quilz fi
 rent promesse a leurs gens du donatif
 dessusdict, apres ces parolles dictes par
 Anthoine les deputez des pays luy fi
 rēt grādes remōstrāces, mais la cōclusiō
 fut telle, quilz seroient quictēz de lamē
 de en payant en deux ans par eulx autāt

Lost do
 ctouia &
 anthoine.

E P I T O M E

Esbat dan
thoine
estant en
Ephese.

Hybreas
orateur.

que le tribut montoit en neuf ans, par
quoy roys et aultres princes, et dinastes
d'asie, et de grece exemps, et nō exemps
furent imposez a ceste taille. Plutarche
dit que les roys et roynes d'orient vin-
drent de tous quartiers pour luy faire la
reuerence, et offrir seruice, et la tant fit
ledict Anthoine de despence desordon-
nee en festins et esbatemens esquelz il
se delectoit sans raison, et sans mesure,
que de rechef fut contrainct mettre sus
nouuelle taille, ou vne creue sur la pre-
cedēte. Et alors Hybreas orateur illustre
et renomē en asie a qui les deputez par
les pays auoyent donne charge par com-
mun accord de parler pour eulx, dist tel-
les parolles a Anthoine entre aultres re-
monstrances quil luy fit. Monsieur, dit
il, si est ainli que vous qui auez la force
et la cōtraincte a main, pour vostre vou-
loir et plaisir executer promptemēt pu-
issiez assieoir et exiger deux impostz
pour vne annee, il est aussi de raison q̄
vous faciez que nous ayōs deux estez,
et deux autunnes en vng an, et q̄ nous
puissions recueillit deux fois lan les
fruitz et reuenue de la terre. Lasie vous'a
ia paye deux cens mille talens pour lim-
post premier

post premier. Si ceste somme de deniers est venue en voz finâces, & a este toute employee en voz affaires. Nous entendons biē, quil ny a remede, & force no^r fera den trouuer daultre. Et pour ce faire nous conuiendra cler ce qui nous est demoure et tūber en extreme calamite, mais se vo^r trouuez q̄ tout ayt este biē paye par no^r. Et neātmoins ne soit venu iufq̄s a vo^r, il nous semble q̄ vo^r debuez prealablement demander le compte & reliqua. Et vous adresser premieremēt a ceulx qui en ont eu le maniment qua nous qui en auons ia paye vne fois. Alors Anthoine pesant les parolles de lo rateur Hybreas. Et comme aduertiy par luy des malles facōs desquelles on v^oist en ses finances, entendit plus soingneusement a ses affaires & y trouua de grosses & lourdes faultes dont il fist pugnition. En retenant depuis ce la principale congnoissance a luy, & ostant en partie faculte & matiere dy commettre si grans abus. Se nous voulons icy calculer en gros, il est aise a entendre que sil paya selon sa promesse cinq mille drachmes pour teste, cest a dire cinq cens escus, il falloit pour cent mille hommes

Estima •
tiō du do
natif Dā
thoine.

EPITOME

estimation de cinquante millions des-
 cus, qui vallent cent mille fois cinq cens
 ou cinq cens fois cent mille. Et pour se-
 ptente mille qui restent du nōbre dessus
 dict, falloit trente & cinq millions q̄ sont
 en sōme quatre vingts cinq milliōs sans
 cōpter le surplus pour les cēturiōs qui
 auoiēt double soulde, & les gens de che-
 ual qui lauoiēt triple, & les tribūs gran-
 des sommes, ainsi que lon voyt par les
 hystoires faissans mencion de telles lar-
 gissiōs, aussi deux cēs mille talēs vallent
 six vingts milliōs desc⁹. Anthoine avec
 ce auoit pris largēt de Cesar le dictateur
 apres sa mort montant a grosse somme
 de deniers. Cicero es philippiques q̄
 escripuit cōtre ledit Anthoine, fait men-
 cion de plusieurs manieres damasser ar-
 gent, dont Anthoine fayda au moyen
 q̄ auoit faisytout le fait de Cesar & ses
 registres, Et vng passaige faict mencion
 de sept mille fois sesterces, q̄ disoit auoir
 este enleue du tēple Dopsis ou Cesar la-
 uoit mis en seurete. Laquelle somme
 monte dixsept millions cinq cens mille
 escus. Et pour mōstrer que cestoit gros-
 se somme, Cicero dit que ceste somme
 eust este mise ou tresor publicque, &

employee es affaires du peuple, cestoit assez pour abbatre les tributz. Et neust plus este (dit il) mestier que nous en eussions paye. Par ce moyen, & aussi que Calpurnia veufue de Cesar luy bail la en garde quatre mille talens, Anthoine ne gaingna la faueur des gens d'armes veterans, & a la fin vsurpa la seigneurie, avec le ieune Cesar qui s'appelloit Octavian, Sur ce passaige nous pouons noter que les tributz de Lasic valloient vngt mille talens pour le mois, qui estoit la somme imposee par auant par Sylla comme iay dit. Et pour ceste cause ilz payerent pour neuf ans deux cens mille talens. Combien que par le recit de Plutarche dessusdict, il semble quilz payerent en vng an deux cens mille talens. Et neantmoins limpost de neuf ans estoit asses pour deux ans, Ce que Atheneus aucteur grec recite de la richesse de Cleopatra, & de la prodigue liberalite dont elle vsa en la reception Danthoine, quant elle alla premierement au deuant de luy, & tellement gaingna sa grace quil la prist a femme, n'obstāt q'il fut marie a Romme l'appareil & la despence des conuiz &

Les tributz de Lasic.

Prodigue magnificence de Cleopatra

E P I T O M E

festins quelle faisoit a luy et a sa fuyte et les dons quelle dōnoit ainsi quilz sont recitez passent les lymites et bornes de creance & verisimilitude, parquoy ie ne les ay voulu reciter, et aussi pour eüiter prolixite de locuure. il ay ma tant ladicte Cleopatra que pour elle il abandonna Octauia seur Doctauius, avec lequel il auoit party lempire de Rōme. Et neant moins ladicte dame fut si hōneste q̄ plusieurs fois mist concorde entre son frere et son mary, Nō obstāt quil se tint avec Cleopatra, et a la fin eut grāt douleur de la guerre qui se faisoit en partie pour la mour d'elle Plutarche nen dit pas tant q̄ Atheneus, mais il dit que Anthoine en allant cōtre les Parthes enuoya adiouner Cleopatra a comparoir en personne deuant luy quant il seroit en Cilicie, pour respondre aux crimes et charges dont elle estoit accusee. Cest assauoir dauoir dōne cōfort et ayde a ses ennemys cōtre luy. Et y vint acoustree non point en psonne accusee et en accoutremēt lamentable et prouocāt a misericorde, ainsi q̄ la coutume estoit moienement, mais vint a luy par le fleuve de Cyduns, estāt en yng gallion dōt la pouppe estoit dor

Venuede
cleopatra
vers an-
thoine.

et les aduironz d'argent, et le voile de poupre. Elle estât deffoubz tête doree ayāt chantres et chapelles de musicq̄ de toutes fortes et au demourāt si richemēt acoustree en son train q̄ cestoit chose incōparable. Tellement q̄ quāt Anthoine leut enuoyer i uiter pour venir vers luy a soupp, elle luy manda quelle linuioit de venir vers elle, tant se fioit elle en sa beaulte et maintien et facūde de parler, en laq̄lle tant elle abūdoit, et la p̄nuncia tion si douce et si artificieuse, cōme dit Plutarche, que sa lāgue estoit cōme vng iſtrumēt de plusieurs chordes. Car elle tournoit sa langue en tel languaige que bon luy sembloit et qui luy estoit vtile. Tellement quelle parloit a gēs de diuer ses lāgues sans truchement. Et combiē que communement les roys Degypte a peine eussent bōne et entiere cōgnois sance de leur propre langue, Cleopatra respondit aux Arabes, a ceulx de Syrie aux Hebrieux, aux medes, aux Parthes aux Ethioptes et Troglodytes sans inter prete. Et pour ce que Anthoine estoit hōme de plaisir en toutes choses et mes mement ee faceties et parolles de raille rics, elle ne mist guieres a entēdre ieu,

E P I T O M E

tellement Quanthoine fut tantost pris de lamour delle par la grace q̄lle auoit en deuis & en vrbanite, tant de parolles q̄ de gestes & maintien courtois, q̄ exce doient la beaulte. Et quant Anthoine eut apperceu la facon & magnificence de ses festins, & le elegance et aptitude q̄l le scauoit tresbien garder & accommoder en toutes choses, il fut si estonne & esmerueille, qui disoit et confessoit que tout lestat de sa maison et sa maniere de faire en festimens, n'estoit que rusticieste en comparaison de la mode de Cleopatra. Depuis ce temps ilz vesquirent ensemble en toutes delices & opulence qu'on ne pourroit exprimer. Aussi miserent ilz sus vne bende dont ilz estoient les chefs quilz appelloiēt ton amine tobion synodon, qui est a dire en grec la compaignie des gens qui menent vie inimitable et non vsitee. A ceste cause Pline en parlant de labundance dor & argēt qui estoit de ce temps la, dit en de testant la prodigalite dessusdicte, que Anthoine le triunuir auoit faict deshonneur a nature, car lor que nature a faict plus precieulx q̄ tout aultre chose, Anthoine lauoit destine en seruices deshonneur.

Bāde Dā
thoine &
de Cleo
patra.

nestes, pour ce que ses affaires secretz
 de chābre & de garde robe, il se seruoit
 de vesseaulx dor. On peult ymaginer
 la puissance et grande opulence de lem
 pire de Romme, par ce que Plutarche
 recite en parlant de la guerre actiatique
 ou le ieune cesar estoit dune part venāt
 du coste Dytalie, accompaigne de qua
 tre vingts mille hommes de pied, telz
 questoient les legions rommaines . et
 vingt et deux mille de cheual . et par
 mer ayant deux cens cinquante nauis
 res de guerre. Daultre part estoit An
 thoine son beau frere, avec la puissan
 ce Dasie & Degypte, en compaignie de
 cent mille hommes de pied, et vingt et
 deux mille aussi de cheual, et par mer
 de cinq cens nauires de guerre accom
 paine de six roys, et alors renoit il de
 lempire, de puis le fleuve Deuphrate
 & armenie, iusque a la mer ionie & lil
 lyricque. et de puis ces limites le ieune
 Cesar, cest a dire Octauia, iouyffoit du
 demourāt iusques aux coulūnes Dher
 cules. et pareillemēt des yfles adiacētes
 a litalie, gaule, & espaigne. et auoit au
 tāt de Lafricque q̄ la route de mer côte
 noit, costoyāt les yfles & regiōs dessus d.

De la
 guerre ac
 tiaticq̄s

Dont e
 stoit ve
 nue la ri
 chesse des
 Rōmais.

& Anthoine tenoit le demourāt de Laf
 fricque iusques en Ethiope. Car le triun
 uirat apres la deffaicte et destitution de
 Lepidus estoit reuenu en duuuirat. Et
 estoit ceste grosse puissance de l'empire
 venue et assemblee par plusieurs insi
 gnes victoires des predecesseurs. Et par
 les triumphes principalement des Scip
 ions affricquās premier & secōd & de
 Scipion. Lasiaticque & victoire Dan
 tiochus, De Luculle, de Pompee, & de
 Cesar, & victoires de France, de la suc
 cession Dattalus roy Dasie, de la victoi
 re Dachaie, et destruction de Corinthe,
 et de la prinse du roy Perse de Macedo
 ne, apres laquelle le peuple de Romme
 fut releue de payer tribut pour labun
 dance de richesse, qui en vint comme
 dit Pline ou trētetroisiesme liure. Lesq
 les victoires et grosses proyes et pillai
 ges furēt la corruptiō des bōnes meurs
 anciēs et discipline des rommains, et oc
 casion et naissance des guerres ciuil
 les, ainsi que disent les escriptuains,
 tellement que la puissance de Lem
 pire qui ne pouoit estre subūguee,
 ne domptee par force darmes, fut va
 incue par luxure, & superfluite, qui

vint a Romme ainsi comme dit Iuue-
 nal pour venger le monde, oppresse
 & spolie par les rommains, toutes fois il
 semble que le comble de la grant richesse
 se vint de gypte, car Suetone recite que
 ou triumphe alexandrin la gaze de gy-
 pte fut translate a romme par Auguste,
 cest a dire le gabinet & tresor de Cleo-
 patra, au moyen de quoy tant y eut dor
 & d'argent a romme que les heritaiges mō-
 terent soudainement a hault pris, car on
 ne faisoit grant cas d'argent cōptant, &
 alors il augmenta le sens des senateurs de
 la tierce partie, cōme dit a este cy dessus.
 Le ne treuve point temps ou l'empire ayt
 este si opulent ne si bien ordōne & esta-
 bly en paix & grande obeissance avec
 prosperite, comme il fut du temps Dau-
 guste, ainsi que iay assez amplemēt mō-
 stre ou liure de asse, & de ce temps estoit
 vne partie des prouinces regie soubz
 le nom dauguste, & l'autre soubz le nō
 du peuple, car ainsi l'auoit il ordonne
 pour tousiours conseruer la maieste de
 l'empire ayant forme de liberte. Orose
 dit ou sixiesme de son liure, q̄ du temps
 dont ie parle, il y auoit quarante & qua-
 tre legions ordonnees par Auguste,

Le stat de
 l'empire
 soubz Au-
 guste.

Les ordō-
 nances Dau-
 guste.

EPITOME I

pour entretenir l'empire en estat & seurete. Suetone dit quil distribua les legions rommaines, & compaignies auxiliares par les prouinces pour la tuition d'icelles, & ordonna prouffitiz stippēdiaires selon les degrez militaires, & en fin du temps bien faiz & loyers aux veterans, a ce q̄ ceulx qui estoient ia vieulx ou debilitiez eussent de quoy se retirer, & neussent occasion de mal verser ou faire sinistres entreprinſes par necessite & indigence. pour l'entretienement de cest estat, il ordonna aydes & subsides & finances apart pour le faict de la guerre, a ce que les soubdars fussent tousiours bien stipendiez. Fit aussi equipper sur mer gros nombre de nauires, & gallees pour la seurete de l'italie, & tenir la mer en paix. Et fut le nauigaige pry en deux haures, dont lung estoit a Rauāne pour la mer adriaticque quil appelloiet superiore, & l'autre a Misene, pour la mer inferiore, & tuscane. Strabo parlant de ce temps la, & du cōmencement de Tybere soubz lesquelz il vesquit, recite assez au long cōment les prouinces estoient gouvernees, & dit q̄ pour les garnisons Dangleterre y auoit vne legion & petit

nombre de gens de cheval, trois legiōs en Egypte, & trois en Hespaigne. Iosephe qui fut du temps de Vaspasian recite ou secōd liure de la guerre iudaicque, que Agrippa voulant tenir les iuifz en lobeyssance des Rommains, leur fist vne oraison pleine de remonstrance & les cuidant garder de faire la rebellion qui fut cause de leur destruction. En la quelle oraison entre aultres choses leur dist telles parolles, ou semblables. Considererez que la Gaule est situee en lieu opportun a toutes commoditez, & sont les Gaules riches & abundans en toute opulence & fertilite, tellement que des ruisseaulx de biens qui partent & emanent de la, le demeurant de l'empire de romme est en rose & participant en toute opulence, & plante de biens. Et neant moins les rommains nōt aujourduy au dit pays que. xij. cens hommes pour la garde dicelluy. Et pour cōseruer leur domination, qui n'est a peine qung homme pour chascune ville estant situee oudict pays, non pas pource q̄ les celtēs & gauloys soyēt gens de petit cueur & lasche couraige, car ilz ont soustenu la guerre contre les Rommains quatre vingt ans

Du pays
de france
soubz le
temps de
Neron &
vaspasian

pour deffendre leur liberte, mais pour ce quilz se sont cōstamment deliberez dobeyr & foy rendre subgectz & obtēperans aux Rōmains, desquelz ilz ont veu et congneu la force et vaillance par experience, et aussi esmerueille la fortune. Plus dit que les rommains auoient huit legiōs en Germanie ou les nations feroces et rebelles requeroiēt grās garnisons. Suetonne recite quen la defaictē de Varius auguste pdit pour vng coup de trois legions en germanie, dont fut si dolent et honteux quil en cuida mourir de tristesse. Nous lisons en Cornelius tacitus, que du temps dudit Auguste les gaiges dun pieton legionnaire estoient vng denier par iour, qui sont trois solz et six, et sur ce se vestoient armoiet et furnissoient de patillons, ainsi quil dit, et en thucydides nous trouuons qung souldart pour luy deuxiesme auoit deux drachmes par iour, qui sont huit sesterces Rommains, ou deux deniers, qui est tout vng vallans sept solz tournoys. Ainsi vng pieton auoit a Rōme de ce temps la, cent cinq solz tournoys, qui sont trois escus a trente et cinq solz tournoys pour escu. Et pource que

ayquel
convi ob
si aduol
ob equat

Soulde de
gens de
guerre.

vng centurion prenoit double paye, et
 vng cheualier, cest a dire homme seruāt
 a cheual prenoit triple, Ainsi que disent
 Polybe et Titeliue, cestoit p mois pour
 cheualier quinze liures. xv. solz tour-
 nois, qui sont neuf escus couronne, et
 pour centurion dix liures dix solz, qui
 sont six escus, et pour pietō trois escus.
 Par ce on peut faire compte, et estimer
 cōbien vne legion coustoit a entretenir,
 combien que ce ne peult estre du tout
 certain, pource que le nombre des hom-
 mes n'estoit pas tousiours tout vng. Ve ^{Legion}
 gece dit quen vne legion complete y a ^{romaine.}
 uoit du moins six mille hōmes de pied
 et sept cens trente deux hommes de che-
 ual. Mais pour faire le cōpte nous le prā-
 drons plus bas. Il y auoit dix cohortes
 en la legion, dont la premiere contenoit
 vnze cens cinq hōmes de pied, les plus
 gens de bien, et cent trente et deux de
 cheual. Les aultres auoient cinq cēs cin-
 quante et cinq hommes de pied, et soiz-
 xante six de cheual. Mais pource que
 tousiours n'estoiēt pas les legions four-
 niez, nous prandrons pour legion six
 mille hommes de pied, et cinq cens de
 cheual a trois escus pour hōme de pied,

E P I T O M E

ce fera par moys dixhuit mille escus, & pour cinq cens de cheual a neuf escus pour hōme, quatre mille cinq cēs escus, puis fault adiouster pour soixante centurions autāt de payes, car les centuriōs prenoient double payement, & ce montera neuf vingts escus, qui sont en somme toute, vīgt & deux mille six cēs quatre vingts escus, & par an deux cens soixante et douze mille cent soixāte escus.

Crassus.

Par ce on peut iuger q̄ Crassus auoit du mois autāt de reuenu, car luy qui auoit le surnom de riche disoit qung homme Rōmaī ne se debuoit dire riche sil ne pouoit entretenir a ses despens vne legion lequel comme dit Pline auoit en terre, et heritaige vaillant deux mille fois fester ces, et estoit le plus riche de son temps apres Sylla, laq̄lle somme iestime a cinq millions descus, parquoy a prandre son reuenu vng denier pour vīgt, il pouoit auoir de reuenu deux cēs cinquāte mille escus en terre. Mais il auoit autre grāt reuenu, ainsi que Plutarche dit, car il auoit grant nombre de serfz experts et scauans en tous mestiers, comme painctres, macons, architectes, escripuains, lecteurs, facteurs, et entremetteurs de tou

tes choses dont il faisoit grant prouffit, tellement qu'on nestimoit riens son re-
 uenu en heritaige en comparaison du ^{Reuenue}
 reuenue de louuraige de ses serfz, dont ^{de Crassus}
 le nombre estoit grāt, car deuure de mas-
 connerie, et charpenterie, et arthitectus-
 re il auoit bien cinq cens ouuriers les-
 quelz estoient fort requis, et mettoit touz
 te diligence a les instruire et rendre ex-
 pers en tous artiffices estans de reques-
 ste. Par ce moyen combiē que de son pe-
 re neust amande que de trois cens talēs,
 touteffoys a la fin il amassa iusqs a sept
 mille et cent talens, apres ce quil eust dō-
 ne la dixme de ses biens, ainsi que faiso-
 ient aucuns de ce temps en lhonneur
 de Hercules en festins qui se faisoient
 au peuple, et donne a tout homme du
 peuple fourmēt pour viure trois moys.
 Toutefuoyes les grans biens de Cras-
 sus, comme dit ledict aucteur estoient
 venuz de la proscription de Sylla, car il
 achaptoyt les confiscations des gros pu-
 issans et riches personnages proscrip-
 tiz par Sylla. Or puis que nous auons trou-
 ue combien vne legion auoit de stipen-
 de en vng an, nous pouons facilement
 et euidamment estimer cōbien il falloit

Stipēdes
deslegiōs

d'argent pour en stipendier quarante et quatre, qui furent entretenuz par Auguste, et trouuerons que le payemēt de quarante et quatre legiōs, au pris et nōbre deffusdict monte a vnze millions neuf cens soixante et quinze mille quarante escus courōne. Toutefuioies quāt est du payement, et stipendes des gens de guerre, il est difficile den parler au vray, et au iuste, car les gaiges furēt augmentez souuent, comme lon peut coniecturer par Suetōne, qui en la vie de Domitian dit que ledict empereur adiouta le quatriesme stipende militaire qui sont, dit il, trois pieces dor, et ne dit poīt par moys ou par an. Les pieces dont il parle pesoient cinq estelins, cest a dire vng quart doncce, ainsi que nous pouōs veoir a loeil et au pois, et vallent pour piece plus de quatre liures. x. solz tournoys. Polybe parlant de la police des Rommains et de lestat militaire qui estoit du temps de Scipion lafrican, dit quing pieton prenoit par iour pour sa pitance deux oboles, et vng centurion quatre oboles, vng homme de cheual vne drachme. Oultre ce vng pieton prenoit par moys les deux pars dune myne atti

ne attique de fourment. Et vng homme de cheual deux mines, & oultre sept mines dorge pour la mōture, & ce pour les gens darmes Rommains, au regard des auxiliaires & compaignies sociales, vng pieton prenoit tout vng comme vng legionnaire. Mais vng homme de cheual auoit de bled vne myne, & vng tiers de myne, & cinq mynes dorge. Or comme iay monstre ou cinquiesme liure de Assé, la ville de Paris a au iourdhuyls mesures telles & pareilles quauoit la ville Dathenes, & si retiennent le nom ancien de myne. Et les rommains aussi vsoient de ces mesmes mesures. Ce que nous appellons vne myne, les grecs appellent vng medimne, Lequel mot corrompu & sincoppe par l'age maternel est venu de medimne a myne comme il est euidant a congnoistre. La myne contient six boesseaux, et le medimne contient six muys. Et ce que les grecs & rommains disent muis, on lappelle a Paris boesseau. Cecy se peut prouuer en ceste maniere entre autres, On trouue par auteurs anciens qu'g pied cubicque deau ou de vin est la mesure dune amphore. Et il est tout

Mesures
anciēnes
de Rōme

Facon
pour re-
duyre les
mesures
anciēnes a
celle de p
sent.

E P I T O M E

certain que ne amphore contient quaran
 te & huyt festiers rommaius, qui est la
 moytie dung medimne attique, cest a
 dire trois muys rommains. Et sappelle
 vne amphore qui est nom grec en latin
 quadrantal, pour ce que cest vng pied
 carre en tout sens. iay fait faire vne me
 sure contenant par le dedans vng pied
 en quarre, & ay trouue quelle tient de
 bled autant qung mynot de Paris, qui
 sont trois boesseaulx, & les deux font le
 medimne attique. Et dit Cicero q̄ fault
 vng medimne a semer vng iugere de ter
 re en terres fortes & grasses. & contient
 vng iugere plus de demy arpent, Car il
 contient enuiron vingt & neuf mille
 piedz. Et larpent royal a Paris en cons
 tient quarante & huyt mille. Et par cela
 on veoit que la semēce dung iugere tels
 le que iay dit reuiet a celle dung ar
 pent de Paris. Et q̄ les proportions des
 mesures anciennes & du iourdhuy ser
 uent a prouuer mon faict. Et si est prou
 ue par Herodote parlant de lost de Xer
 ses, que ne chenicque estoit la mesure de
 fourment quon bailloit par iour pour
 teste. Et il ya huyt chenicques en vng
 muy ancien, et vng boesseau nourrist

vng homme huyt iours ainsi quil est de monstre par le menu ou liure dessus dict par le rapport du pain qui se faict dung boesseau de bled. Par ces raisons et plusieurs aultres, il est tenu pour certain qung homme de pied a Romme auoit par moys quatre boesseaulx de fourment pour se nourrir, qui est vng boesseau en vne sepmaine. et vng homme de cheual sept mynes dorge, ou cinq sil estoit des compagnies socialles, qui sont quarante & deux boesseaulx pour vng rommain, & trente pour laultre. et fault noter que Polybe dit en ce lieu, q quant vng gendarme legionnaire auoit faulte de bled, ou estoit mal vestu ou mal arme (le questeur) cest a dire le recepueur general ou tresorier de la guerre qui tousiours suyuoit le consul ou le p̄teur Rōmai, luy fournissoit de ce q luy failloit en deduyfant sur largēt q̄l p̄noit, par iour pour pitēce. Suetone parlāt du testament de lempereur Anguste, dit en ceste maniere, il laissa par lay testamentaire au peuple de Romme, quatre cens fois sesterces. et aux tributz trente et cinq fois. Aux gens darmes de pretoire a chascun mille sesterces. Aux

Testa
mēt Dau
guste.

EPITOME

gens darmes faisant residence a Rome, a chascū cinq cens sesterces. A ceulx qui estoient es legions par les prouinces pour teste trois cēs sesterces, lesquelles il voulut este payez content et promptement, car long temps par auāt auoit il mis l'argent en espargne, et enferme en son tresor. Au demourant il donna plusieurs lays par ledit testament, dont les aucuns monterent iusques a vingt fois sesterces, lesquels il voulut estre payez dedans lan reuolu. Puis protesta a la fin de son testament que ses heritiers namanderoient de luy oultre la somme de quinze cens fois sesterces, tombien quen vingt ans prouchains deuant sa mort, il eut amande par les testamens et dernieres voluntez de ses amys qui estoient mors durant ce tēps, quatorze mille fois sesterces, Toute laquelle fināce oultre son patrimoine priue et toutes successions legitimes, il auoit consume pour l'utile de la chose publique, oultre le reuenu de l'empire au reste des sommes contenues en sondict testament. Puis adiousta vng article faisant mencion de son faict, et comment on trouueroit en ses coffres et es

crains, registres et borderaulx contens
nans en brieſ les estatz de l'empire quel
nombre de gens a ſoulde il y auoit en
chaſcune prouince, et en quelles bens
des, quel reuenu et tribut il y auoit, et
Combiē a lors il eſtoit deu. Quel ſons
il y auoit es finances, et qui en debuoit
eſtre comptable. Et par ce moyen ſon te
ſtament et ordonnance de derniere vo
lunte, eſtoit de prompte execution. Se
nous voulōs faire le compte de ce nous
le ferons facillemēt en ceſte facon. il dō
na a diſtribuer au menu peuple quatre
cens fois ſeſterces, qui eſt vng million
dor. Et a chaſque tribu autant comme
deux mille cinq cens eſcus, et eſtoit en
nombre trente et cinq tribuz ayāt chaſ
cun ſon curio, ainſi qu'on pourroit di
re maintenant trente cinq parroiffes. et
ſaſſembloit le peuple par tribuz aux
comices ou ſe faiſoient les conſulz et
preteurs et aultres magiſtratz. plus don
na a chaſcun homme du pretoire qui e
ſtoient la garde du prince, autant que
vingt et cinq eſcus. Aux gens d'armes
ayant leurs garnyſons a Romme, la
moitie d'autant, ceſt a dire cinq cens ſe
ſterces. Et aux legionnaires pour teſte

EPITOME

autant que sept escus & demy de france
 qui font trois cēs petiz sesterces . Nous
 auons veu cy deuant quantes legions
 il y auoit, & combien de teste en chascū
 ne. parquoy le compte sen peut faire fa-
 cilement, car pour cent mille hommes
 ce montoit soixante & quinze mille li-
 ures d'argent , car chascun auoit trois
 quars de liure, qui font a argent sept cēs
 cinquante mille escus de France. Ce qui
 laissa a ses heritiers vault trois millions
 sept cens cinquante mille escus, il n'est a
 doubter que les lays testameniaires oul-
 tre les sommes dessusdictes ne montas-
 sent grant somme, attendu quil auoyt
 tant amende de ses amys ia trespassez,
 car quatorze mille fois sesterces dont
 iay parle cy dessus est estime trente cinq
 millions descus, laquelle somme, & da-
 uantaige Auguste employa en la deco-
 ration de la ville, & empire, & vtilite
 de la chose publique, en batissent tem-
 ples, theatres, basilieques, & tous edifi-
 ces de magnifiques constructions. et
 donna pour vng coup ou temple du
 capitol seize mille liures dor, & oultre
 ce lgrant nombre de pierres & perles
 achaptez cinq cens fois sesterces . Les

quelles sommes montent enuirō trois millions dor, si ledict or estoit fin. en son temps y eut vng bourgeois de Rōme nomme Lentulus augur lequel par fa^{Lētule au}ueur de fortune entra tellement en sa^{gur.} grace quil se fist riche oultre mesure soubz lauctorite & puissance quil luy donnoit, combien quil ne leust merite, car il se trouua en la fin ingrat. De luy parle Senecque ou liure des biens faitz en ceste maniere. Lentule, dit il, le grant et souuerain exemple de richesse se veit pour vne fois quatre mille fois fester ces en lestimation de son bien, & combien quil eust tout ee bien & auoit accumule par le moyen & bienfaitz de lempereur Auguste, au seruice du quel il estoit venu plus noble que riche. Toutefuoyes apres quil se sentit estre quasi le premier de Romme en auctorite et grant cheuance, il disoit souuent au dict empereur, quasi par reproche que pour venir a son seruice il auoit laisse la douceur & volupte de lestude des bonnes lettres, laquelle chose plus il prisoit & estimoit, ce disoit il, que tout son amour ; De ceste richesse desordonnee & redundante avec son

E P I T O M E

ingratitude, il fut depuis biē puny, ain-
 si qu'on peut entendre par les parolles
 de Suetone parlant de lauarice tyrānic-
 que de Tybere, il est certain, dit il, au-
 moins en est renommee constante, quil
 fit tant de paour et mist en si grāt sus-
 picion et doubte de sa vie Lentulé laugur
 qui estoit lūg de ceulx de Romme qui
 auoit la plus grant cheuance, quil le fist
 mourir de paour et dēnuy, et ce faisoit
 il a ce quil fist son heritier ledict empe-
 reur pour rachapter sa vie. par les parol-
 les de Suetone & de Senecque on peut
 entendre que quatre mille fois sesterces
 est vne somme excessiue pour vng hō-
 me non estant empereur. Spartian en la
 vie de Elius verus, qui parauant ql fust
 Cesar estoit nomme commodus. dit que
 Adrian l'empereur apres quil eut pera-
 gre & visite l'empire de Romme, & quil
 se vit viel et sans enfans, il adopta pour
 estre son successeur a l'empire ce ieune
 homme consul de Romme nomme
 Commodus, quil appella Elius ver-
 rus, fut le premier appelle cesar sans
 estre empereur. Depuis il deuint ma-
 ladif & ce voyant Adrian disoit aulcu-
 nesses fois, ie me suis appuye sur vng pas-

Premiere
 appella
 rō de Ce
 sar.

roy ruyneux, & ay perdu trois mille
 fois sesterces que iay donne aux legi-
 ons en lhonneur de ladoption de luy.
 Et estoit ce dit laucteur vne somme dar-
 gens innumerable quil auoit dōne par
 largesse a distribuer aux gens darmes.
 Toutesuoyes en la vie Dadrian il y a
 quatre mille fois sesterces, laquelle som-
 me monte dix milliōs dor. Nous lisons
 ou treziēme liure de Cornelius Tacit-
 us q̄ Senecque maistre de Neron dont
 iay parle cy dessus fut en grande aucto-
 rite, & eut le gouuernement en partie
 pour aucun temps soubz ledict Nerō,
 durant lequel temps il accumula grant
 auoir, au moyen de quoy se sourdit en-
 uie sur luy, tellemēt que Suyllius lung
 de ses enuieux qui estoit en grace du
 prince luy obicea deuant ledict prince
 les grans biens quil auoit acquis en luy
 disant telz motz ou semblables. Par
 quelle sapience, par quelz enseigne-
 mens & doctrine de philosophie de la-
 quelle tu te faisz studieux as tu peu des-
 dans lespace de quatre ans que le prin-
 ce ta porte faueur & monstre signe das-
 mour, acquerir trois mille fois sesterces,
 & fault entēdre que de ce temps dont ie

Richesse
 de Senec-
 que.

E P I T O M E

parle, les richesses ne se pouoient gues
 res occulter, comme ilz font de present,
 car quant on venoit ou cens lustral, qui
 se faisoit anciennement de cinq ans en
 cinq ans, chascun faisoit profession, &
 bailloit par declaration son vaillant a
 ceulx qui faisoient lofficice de censeurs.
 Touteluyes Senecque pour lors eua
 da lacusation & conspiration de ses en
 nemys, mais quatre ans apres se voyāt
 reculle de lauctorite & port quil auoit
 eu, & aduertiy des charges & crimes quō
 luy mettoit sus, & que le prince prestoit
 fort loreille a ses ennemys & a la bande
 cōtraire a la sienne, vint de luy mesmes
 a Neron & luy dist par maniere de ha
 rangue en ceste maniere, ou a peu pres,
 pour cuider fauluer sa vie, & soy reti
 rer de la cruaulte de Nerō. Prince dit il,
 il y a quatorze ans ou enuiron que ie
 vins a vous, & huit ans a q̄ vous estes
 lempereur, depuis lequel temps vous
 mauez tant accumule de biens, & dhon
 neurs quil ne me reste riens pour estre
 bien eureux, & comble en felicite, sinō
 que moderation & prudence pour sca
 uoir euitter le trop. Et apres quil eut enu
 mere, & recense les parties esquelles cōs

Cens lus
 stral ou lu
 stre cens
 seur.

Harāgue
 de Senec
 que a Ne
 ron.

fistoit sa richesse & affluence de biens, se
 prist a soy accuser de ce quil nauoit gar
 de les statuz de sapience escripte, & ves
 nu en philosophie, entât quil ne festoit
 contente de peu ou assez. Nonobstant,
 dit il, que ie pourroye icy facillemēt trou
 uer coulleur, & pretendre excusation le
 gitime, pour autant q̄ ie ne pouoye bon
 nement ne honnestement resister a vos
 stre liberalite & contreuenir a ce hault
 voulloir procedât de noblesse de cueur.
 Or est venue la chose iusques a ce de
 gre que tous deux auons comble la mes
 sure, car autant qung prince pouoit
 donner a vng homme estant bien auant
 en sa grace, vous mauez donne, & vous
 estes eslargy iusques au dernier point,
 et iay prins & eu autant dauancement
 de vous que homme pouoit auoir, &
 prandre de son prince, pour estre de luy
 fort estime, mais il reste vne chose, car
 ie ne puis plus tirer oultre sans vostre
 ayde, & confort, & ne pourroye plus
 soustenir le sex de regir & gouverner
 tant de reuenue que iay, ne auoir la cure
 & sollicitude de si grāt & si opulēt auoir
 parquoy en ceste viellesse ia debilee

E P I T O M E

& qui plus ne peut porter le faiz de soucy & mesnagement, iay besoing de vostre secours, & vostre plaisir sera den prendre pour moy la charge, & mander a voz officiers, qui se saisissent de tout & le mettent en vostre main, comme a vous appartenant, ou autrement ie succumbere soubz la charge, & aussi ie voy le temps venu que ie doibs reuocquer mes sens, & les parties de mon entendement, chez moy & en ma pēsee. Ces paroles ou semblables dist Senecque cui dāt euader la mort, mais neantmoins Nero le fit mourir, ainsi que de long temps il auoit quis loccasiō. A bōne cause dōcques Iuuenal appelle Senecque le preciput entre les riches, & peut on estimer sa grant richesse par ce que quatre ans il demoura en son estat, apres que Suylle luy eut obice quil auoit acquis trois mille fois sesterces, pareillemēt y eust vng hōme Tarius Ruffus du temps Dauguste, homme de basse condition, qui par bonne fortune, & grande industrie acquist au seruice Dauguste mille fois sesterces, & le tout ou a peu pres employa en heritaige. Ainsi que dit Pline, ledict Auguste pour acroistre le bien & honz

Tarius
 ruffus.

neur de ceulx qui scauoit estre gens de bien, les enuoyoit gouuerneurs des provinces en leur donnāt hōnestes moyēs de foy faire grans. Et quant le peuple a qui il auoit laissē la puissance selon la coustume ancienne, le faisoit consul par honneur, tousiours vouloit il auoir deux compaignons en lestat a ce que le proffit allast a eux, & tous aultres moyens auoit il exquis pour plus de gens eriger et mettre en auant, mais quant il les veoit plains et enrichiz, il leur disoit et remonstroit que pour soy acquitter enuers la chose publicque, ilz deuoient faire quelque gros bastiment publicque ou reparation, ou monstrier leur magnificence, a la decoration de la ville, et par ce moyen fut par luy, et les siens la ville de Romme mise en estat et beaulte merueilleux a veoir, ainsi cōme Strabo et Suetonne ont escript. Pour retourner a ce que iay couche dessus, il n'est pas facile, non seulement de dire au vray, mais de coniecturer par certains argumens et indices le reuenue de l'empire de Romme, car ie treuve que le reuenue publicque consistoit en plusieurs choses, comme fait celluy du royaulme

Grāde &
ciuille hu
manite
Dauguste

Reuenue
de l'empī
re de Rō
me.

E P I T O M E

de france, & en ce auoit deux membres principaulx, cestassauoir les vectigal^s les que nous appellons le demaine & aydes, et si y auoit les tribuz que nous appellons les tailles. Et oultre ce aucunes villes furnissoient nauires et autres choses necessaires a la guerre. Le premier membre se leuoit sur les terres cultiuees, sur lesquelles ilz prenoient la dixme ou aultre droit, ainsi que lon voit par les oraisons de Cicero, lesquelles il fit pour ceulx de Sicille, non pas tout par tout, mais en aucun lieu, comme en toute Sicille la dixme, & en aultres lieux aultre droit, car les terres auoient este confiscuees et forfaites par rebellions, estoient baillees a charge. Ilz leuoient aussi droit de vectigal sur les pasturaiges publiques des boys et terres estant en friche et es montaignes, et puis y auoit portz et barraiges ou trauers. Et tout se bailloit a ferme par les censeurs de Rome a ceulx qui sappelloient publicquairiens, et estoient de lordre des cheualiers, ainsi que dit Cicero. Et oultre ce les salines et marchandises foraines, et doultre mer, ainsi que lon veoit par les pandectes et digestes, les tribuz se leuoient

fur vng chascun selon la quãtite de son
 cens, cest a dire ses facultez redigez en
 taxes, mais cõbien on poyt il n'est point
 certain parce que iay veu. Oultre ce il y
 auoit vingtiemes, et cinquantiemes,
 et aultres subsides, selon la diuersite des
 temps. Et oultre ce prenoient les cõsulz
 et preteurs es prouinces ou ilz estoient
 certains droiz qui n'estoient pas de petis
 te estimation, mais les vngs les faisoient
 mieulx valloir que les aultres. Il y auoit
 aussi plusieurs villes qui auoient droit
 dimmunite, et les aultres n'estoient pas
 tout dune condition, ainsi que lon veoit
 par la cosmographie de Pline, ou il nos
 te souuent les villes stipendiaires, et tribu
 taires, et aussi les villes franches ou
 ayans droit latin, lequel droit Vespasian
 dõna a tout le pays despaigne, ainsi que
 dit Pline, et ce que Plutarque a dit en la
 vie de Pompee du reuenue de Romme,
 et que iay note cy dessus, se doit enten
 dre du droit vestigal et non du tribut, et
 ainsi ql appert p le texte grec, mais pour
 auoir aucune congnoissance du fait de
 lempire ie mettray icy en auant aul
 cunes choses par lesquelles on peut fai

re coniecture en gros et entendre que
cestoit chose infinie et dont on ne pour
roit faire estat certain et arreste, ainsi que
des aultres empires, iay parle cy dessus
Dagrippa qui fit remonstrance aux iuifz
auant leur rebellion, ainsi que Iosephe
tesmoingne. En ceste oraison pour en
tendre, dit il, la puissance des Rommains
nallez point chercher exemples au loing
prenez garde seulement aux Egyptiens
qui sont voz voisins, et vous trouuez
rez que egypte s'estend iusques en Ethio
pe et Arabie la riche et eureuse, et si se
confine a Linde. Et combien qu'au iours
duy y ait en icelle cinq milliōs sept cens
mille habitans, sans en ce comprendre
ceulx de la ville Dalexandrie. Neant

Tou chāt
Egy pte et
Alexan
drie.

moins elle paye pour grande obeyssan
ce aux Rommains le tribut, du quel tri
but on peut estimer la grandeur par le
vaillāt de chascune teste redigee es pap
piers et registres censuelz. Oultre ce est
la ville Dalexandrie laquelle leur pour
roit donner le cueur et audace de soy re
beller, car elle est riche abundamment et
populeuse et grande de circuit alaue
nant, car elle a trēte stades de lōgueur et
dix de largeur, et paye de tribut aux
Rommains

Romains plus toute seule par chascū
 moys, que vous iuifz ne faictes par cha
 scun an. Et si fournit la ville de romme
 de fourment tous les ans pour quatre
 mois. Et comme ainsi soit toutefuoyes
 nya il que deux legions en la ville & as
 lētour pour garder toute legipte soubz
 la main des Rommains, & la tenir en
 obeyffance. De la grandeur de la ville
 Dalexandrie Strabo en dit autāt que io
 sephe, mais il diminue quelque peu de
 la largeur, icelluy mesme iosephe par
 lant du triumphe de Vespasian pour la
 victoyre par luy obtenue en hierusalē
 dit que vespasian ordōna que tout hom
 me iuif quelque part quil habitast des
 dās les limites de lempire payeroit deux
 drachmes par an, ainsi que par auant ilz
 auoyēt coustume de paier ou temple de
 hierusalem, & ce neantmoins auoit este
 par auant ordonne en iudee, mais Ves
 spasiā mit ce tribut sur les iuifz par tout
 lempire. Et aussi nous voyons par leuā
 gille ou second chappitre de sainct Luc.
 que le cens fut faict par Cyrinus gous
 uerneur de Cyrie du temps de nostre
 sauueur, or que ces deux drachmes se pa
 yassent des ce temps la, il appert par le

E P I T O M E

treziesme chappitre de sainct mathieu
ou il est recite que les iuifz disoient quel
que fois aux apostres pourquoy ne paye
vostre maistre le didrachme, au mo-
yen de quoy Iesucrist dit a sainct pierre,
Vatan en la mer & la gette ta ligne et tō
amecon et tire dehors le premier pois-
son qui se prendra, car en sa gueulle tu
trouueras vng stater lequel tu bailleras
a ces gens qui nous molestent, & ce sera
pour toy et pour moy. Stater en langai-
ge grec estoit ce que les hebreux appel-
loient sicle, ainsi que dit sainct iherosme
& valloit quatre drachmes attiques, &
pource valloit il deux drachmes, car di-
drachme estoit vne piece vallant deux
drachmes, parquoy il appert que tout
homme iuifz payoit autent que mon-
tent deux iournees dhomme manou-
urier et mercenaire, cest a dire sept solz
tournoys. quelque chose que disent les
commentateurs qui ont expose ce ter-
me. Es aultres pays le tribut se payoit au
fur & selon les facultez des hommes.
Et pour ceste cause ce faisoit la profes-
sion censuelle en laquelle chascun de-
claroit ses biens par le menu, Strabo au-
teur grec ou dixseptiesme liure de sa

Didrach-
me paye
par Iesu-
crist.

Stater.

Tribut
mis sur
les iuifz.

cosmographie & description du monde recite que le reueni du royaume de gypte qui depuis fut redige en province par Auguste, valloit du temps de Ptolomee surnomme le fleuteur douze mille cinq cens talens. Or estoit il prince dissollu & de meschant gouuernemēt, parquoy comme dit Strabo, que doit on estimer du temps de p̄sent que le pays est gouuerne en paix, & en iceluy se mene grosse marchandise venant Dinde, & Dethiope qui parauant ne venoit pas en telle abundance. Les marchandises dont parle Strabo sont nommees especes envne loy qui est es digestes ou titre des vectigalles, & ces especes foraines ne venoient que par egypte es mains des Rommains, ainsi come dit Strabo. Ce Ptolomee dont ie parle surnomme aulettes, cest adire fleuteur en langue grecque ou ioueur de haultboys fut pere de la royne Cleopatra, & pour sa vie dissolue fut dechasse de son pays, car les subgectz luy soustrahiret lobeyssance, & pour se mettre en son pays, il vint a rōme a refuge, & fut remis par le moyē de Pompee qui depuis fut tue par son

Reueni
du roy
aume De
gypte.

Ptolo
mee Au
lettes.

filz. Celluy qui le remena soubz laucto-
 rite & puissance du peuple de Romme
 fut Gabinius, qui pour lors estoit chef
 de l'armee estant en Syrie, et pour ce fais-
 re eut de luy dix mille talens, ainsi que
 cy dessus a este dit et monstre par l'orai-
 son de Cicero quil fit pour la deffence
 de Rabire, q fut la cause de lexil de Ga-
 binus douze mille cinq cens talens val-
 lent sept millions cinq cens mille escus,
 & toutesuoyes du tēps de Strabo Eryp-
 te valloit beaucoup plus, parce quil dit
 Et ce peut on coniecturer & croire par
 ce que iay recite du dit de iosephe ioinct
 ce que Plutarche dit que Cleopatra ay-
 da a Anthoine, & confera de par elle &
 son pays pour mener la guerre actiaque
 contre Auguste deux cens nauires de
 guerre, et en argent vingt mille talens,
 et oultre ce fournit largement viures
 pour son ost. Ces choses semblent estre
 hyperbolicques et increables a ceulx
 qui font iugement des choses du temps
 passe, parce que lon voit aujourdhuy.
 Mais a la verite il se treuve ny auoir pas
 comparaison touchant les richesses &
 puissance darmes entre les deux tēps,
 aussi leurs faiz et conquestes ont este

Richesse
 de Cleo-
 patra.

telles qui correspondent aux richesses
 dessusdictes, et celles que ie diray cy
 apres. Et venoit ceste grãde richesse des
 Rommains du pillage quilz auoyent La richesse de Rõme estoit la despoille du monde.
 faict par toutes les parties du mōde ain
 si que celles des perses, qui auoyēt spo
 lie Lasie, et depuis furent spolliez par
 Alexandre et les macedoniēs. Pour vne
 exemple insigne de rapine, on peult al
 leguer le roy Ptolomee de Cypre qui ptolomee roy de cy pre.
 pour le grant bruyt quil auoit destre
 moult riche fut cōdemne pour la factiō
 et conspiration de Clodius vng tribut
 Rommain dauoir offense la maieste du
 peuple de Romme, et ses biens declar
 es confisque, laquelle chose venue a
 sa cōgnoissance il se getta en la mer par
 desespoir, et pour querir son tresor et ap
 porter a Romme, fut enuoye Caton cō
 tre son vouloit pour donner coulleur a
 ce decret du peuple, pour ce que sa preu
 dhommie estoit cogneue par tout et res
 nommee, au moyen de quoy Caton se
 venta depuis quelque fois ou senat par
 challeur en debatant quelque oppinion
 quil auoit plus apporte de finance ou
 tresor de Romme sans auoir leue gens
 darmes, que Pōpee nauoit faict en tous

EPITOME

ses triumphes. Toutefuoyes ce dit de ca
 ton se doibt entēdre par maniere de par
 ler plus qua la rigueur de verite, car il
 ny auoit que sept mille talens, ainsi que
 dit Plutarche. il me semble quant a moy
 que les histoires dont iay parle bien en
 tendues et considerees sont vray sem
 blables, et les vnes font foy des aultres,
 ainsi quil peut apparoir par le recit, mais
 ce ne se peut concepuoir si non en enten
 dant preallablement le compte & esti
 mation de sesterces, drachmes, liures &
 manieres de parler par sesterces, & aus
 si mines & talens et maniere de nom
 brer vsitee entre les ancians, car se le
 fondement n'est bien assiz il ny peut
 auoir stabilitē de creance, et iugement
 en ce quil sensuit apres, mais quant la
 demonstration se fait en maniere que
 par les principes posez les choses en
 suiuentes se prouuent, et les prochai
 nes positiōs se demonstrent par les pre
 cedentes & par icelles les subsequentes
 et ya telle colligance et connexion en
 leuure que les membres et parties qua
 drent et ont coherence ensemble, & le
 commencement, le milieu et la con
 clusion correspondent par verification

Lamanie
 re de la
 montra
 tion gar
 dee en
 cest eu
 ure,

mutuelle. Alors il ya matiere et cause dy
asseoir iugement ferme, pour autant q
ya necessite de raison, q nous cōtrainct
dainsy le faire, et par ceste voye & ma-
niere ie pense auoir amplement prouue
et verifie mon intention ou liure de as-
se, et mesmement pource que iay prouue
les mesures par les poix, et les poix
par les mesures, et les fait de la memoire
grecque par la latine, et au rebours, de la
latine par la grecque, en alleguant au-
torites autentiques, ensemble ay colligé
les lieux et passaiges des historiens,
tant grecqs, que latins, qui font expres-
se mention de ceste matiere ou desquelz
peult resulter et souldre argument, et ve-
risimilitude, pour plus amplement vali-
der et conforter ma preuue, qui sans ce-
neantmoins estoit suffisante. Pour re-
tourner aux propoz encōmancez. Sue-
tone recite oultre les choses dessusdictes
Dauguste premier empereur prince de
Romme, quil auoit de coustume de don-
ner grans sōmes de deniers a distribuer
au peuple, laquelle maniere de libera-
lité se nomme en latin congiaire, & quāt
elle se faisoit aux gens darmes, elle

EPITOME

Cōgiaire
et donatif
Dauguste

se nommoit donatif, il fut en l'èpire plus de cinquante ans, durant lequel temps il donna souuent congiaires au peuple ainsi que dit Suetone, aulcunes fois trente petiz sesterces pour homme, aulcunes fois quarante, laultre fois deux cens cinquante, & ne se passoit aucun par tribut tât fut il petit enfant, quil nen eust, combien que regulieremēt auant luy en telles distributions les enfans deffoubz douze ans ne prissent riēs, & en la charrete de ble il four nissoit le menu peuple a petit priz, & aulcunes fois pour neāt, la q̄lle facon de faire fut depuis gardee par les princes, qui voullotent auoit la grace du peuple rommain. Se nous voulons entēdre par vng auis faict en gros combien se pouoit mōter vng congiaire a deux cens sesterces, ou deux cens cinquante pour homme, il nous fault sca uoir ou coniecturer le nombre des cytoiens rommains. Eusebe dit en ses croniques quapres le triumphe actiaque Auguste fit faire le lustre cēsuel, & fut trouue quatre milliōs cent soixante mille cytoiens de Rōme depuis dit il apres la natiuite de Iesuchrist auguste adopta Thibere, et eulx deux furent censeurs,

Lustre cēs
suel.

& fut faict le lustre par eux, auq̄l se trou-
 uerent neuf millions trois cens & septē
 te mille cytoiens, il n'ya nul doubte que
 soubz Auguste au moyen de la paix, &
 tranquillite qui estoit a Romme, la ville
 ne fut fort peulee, & les lieux circōui-
 sins qui estoient du nombre quasi com-
 me la banlieue, & la se tēnoient les cytois-
 ens rustiques viuant de labour qui es-
 toient conuocquez, quant il falloit fai-
 re grāde assemblee. Icy se peuuent mou-
 uoir deux doubtes, lung est a scauoir si
 les cytoiens estans hors de la ville estois-
 ent compris en ceste distribution. L'aul-
 tre se en ce nōbre de cytoiens les enfans
 y estoient escriptz, car ainsi que dit Ca-
 pitolin en la vie de Marce philosophe
 empereur de Romme & Iuuenal la tou-
 che en la neuuiēme satyre, l'ordonnan-
 ce estoit telle gardee a Rōme, que quant
 les enfans des cytoiens estoient nez &
 nommez dedans trois iours apres ilz al-
 loient au temple de Saturne ou estoit le
 tresor & lieu des finances, & la au greffe
 des maistres & prefectz du tresor ilz fai-
 soient enregistrer le nom de l'enfant, &
 par ce moyen se scauoit la age d'ung cha-
 scun, & le nombre des enfans & cytois̄s

EPITOME

se scauoit & sappelloit cela profession
 des enfans, & vng enfant n'estoit point
 reputé & cense estre homme iusques en
 laage de dixsept ans, quil laissoit la to-
 ge puerille pour prādre la virile, & pour
 ces raisons & causes peut on faire doub-
 te si ou nombre du cens dessusdict les en-
 fans estoient cōprins, car il y peut auoir
 argument d'ung coste & daultre: Tous
 tesuoyes si ne se peut il faire q̄ ceste lar-
 gesse ne fust de grant argēt, car en pres-
 nant seulement deux millions dhoms
 mes cytoyens, & deux cens cinquante
 sesterces pour homme, qui vallent des-
 mye liure & demy quart d'argēt. La som-
 me se montera a douze cens cinquante
 mille liures d'argent, qui est a dix escus
 la liure douze millions cinq cens mille
 escus couronne. Parquoy nous pouons
 entendre que telles largesses ne se fai-
 soient pas souuent, mais les petites dont
 parle Suetone se pouoyent faire plus ai-
 sement. Et par ce moyen ledict Augu-
 ste espandoit son argent par le peuple,
 quant il en auoit beaucoup amasse, ainsi
 que faisoient anciennement les roys de
 gypte, qui edifierent les pyramides, cō-
 me dit Pline au trentesixiesme liure.

Qu'il y eust grant peuple a Romme, on
 peut le cōiecturer, par ce que dit q̄ Spar
 tian en la vie de Seuerus, quant il mou
 rut, dit il, il laissa a la chose publique
 vng canon frumentaire pour sept ans,
 en maniere, que par icelluy on pouoit
 fournir pour iour soixante & quinze
 mille muys de bled. lay dit deuant qung
 muy Rommain & attique estoit autant
 qung boisseau de paris, & ay monstre
 comment dung muy vng homme pou
 uoit grandement viure huit iours, ou
 huit hommes vng iour. Parquoy nous
 pouons iuger que soixante & quinze
 mille muys pouoient suffire tous les
 iours a nourrir six cens mille hommes.
 Et estoit ce canon frumentaire, qui pre
 mierement fut institue par Traian & re
 mis sus par Seuerus, ainsi que dit Lam
 pridius en la vie Dheliogabalus, vng
 estat par lequel il se fournilloit telle qua
 nte de ble tous les iours pour subuenir
 a la faulte du marche, & se distribuoit au
 peuple oultre le reuenu dūg chascun, &
 oultre le marche publicq̄. Et se prenoit
 en Alexādie, en Affricque, & en Sicil
 le, & aultres lieux abūdās en bled. Et ce
 fut institue pour la faulte du ble, qui sou

Canō fru
 mentai r e

ient estoit a Rōme, car les terres estoiet
 en friche au moyen des guerres & trou-
 bles qui estoient en Italie, pour la muta-
 tion des princes, qui aduenoit souuent,
 & tout se faisoit par la force, & non par
 droit. Suetonne dit que Vespasian v enū
 a l'empire, et considerant que les prede-
 cesseurs Caligula, Nero, & Vitelli^r prin-
 ces dissolluz viuās sans mesure, & sans
 reigle auoient dissippe les finances de
 l'empire, et mis en arriere lestat dicelluy,
 mit sus les aydes et subsides que Galba
 son prochain predecesseur auoit abba-
 tuz a sa bien venue, augmenta les tail-
 les, et en aulcunes prouinces les haulsa
 de la moytie et trouua moult de manie-
 res pour retirer argent du peuple, pour
 lesquelles institutions il fut fort blasme
 comme auers et exacteur. Toutesuoyes
 comme dit Suetonne aucuns escripuās
 lont excuse, disant que des choses mal
 acquises il v fa bien, et auanca les gēs de
 scauoir et de vertu, et aussi neceffite la-
 uoit contrainct a mettre sus les impostz
 illegitimes, et non v sitez, au moyen que
 le fisque et tresor publique estoit vuidē
 et les finances euacuees et en arriere.
 Et ce auoit il ia proteste si tost ql fut vē

nu a l'empire, disant quil estoit besoing pour remettre lestat de l'empire en ordre, et establir le gouuernement en bonne forme et durable, et pour releuer la chose publicq̄ assembler iusques a quarante mille fois sesterces, q̄ sont cent millions de france, cōbien que es liures du dit aucteur qui se lisent communement il ait escript quatre cēs fois sesterces par erreur comme ie croy, car en latin entre lung et laultre il nya grande difference, parquoy ceste erreur est peu facillemēt aduenir et a este approuue par ceulx q̄ nentendoient combien ceste somme mōtoit, cest a dire mille milliōs, qui est plus grant somme que iaye iamais leue en hystoire des gentilz, car apres nous parlerons des hebreuz. On se pourroit esmerueiller dont pouoit venir tant dargēt, et pour ceste cause il est a noter quil estoit en ce temps la trop plus dor et dargent quil nest maintenant, et par ce que Strabo et Plinerecitēt Lespaigne estoit

Quarāte
mille fois
sesterces.

Le mōde
nest si abō
dāt en or
& argent
quil estoit
iadiz.

lybe recite que de son temps au pres de

E P I T O M E

Mine en
Espaigne

cartaige la neufue, qui estoit en Hespaigne citeriore, cest a dire vers le mont pyrene, & deca le fleuue Hyberus y auoit vne mine d'argent qui valloit aux romains par iour. xxv. mille drachmes, q font cēt mille sesterces estimez deux mille cinq cens escus. Pline ou t̄retroixief meliure de l'histoire naturelle parlant des mines d'argent, dit ces parolles, cest chose merueilleuse, car aujourduy encores durent les puis q̄ Annibal commença & porte chascun le nom de leurs inuēteurs entre lesquelz y en a vng qui se nōme Bebelo q̄ furnissoit a Annibal trois cēs liures d'argēt par iour. Ce peut cōfermer le dict de Strabo & de Polibe, qui fut du temps de strabo, car trois cens liures d'argēt vallet trois mille escus. Plus dit Strabo q̄ Possidonius a escript q̄ Marcellus consul rōmain gouernant lespaignti roit tous les ans de celtiberie, q̄ est partie de lespaigne vltiore, six cēs talēs q̄ est trois cens. lx. mille escus. Pline ou liure dessusdict parlāt des mines dor, aulcū dit il, ont escript que Dasturie, Galice, & Portugal il se tire par an. xx. mille liures dor dont la plus part vient & se tire Dasturie, Ceste somme monte trente mille

marcs dor & dauātaige. Strabo plāt des mines de cartage neufue aujourduy ce dit il encores ya il veine dargēt, mais les mines appartiennēt aut particuliers & la chose publiq̄ nen a nulles ne la ne autre part, mais les mines dor appartiennent quasi toutes ala chose publique, telz fōt les tesmoignages des aucteurs grecs & latins touchāt la richesse anciēne de le spaigne, & a ce assez saccorde le dit de troge pōpee au dernier epitome de iustin. au regard du pays de france celluy mesmes aucteur Strabo en fait grāde mēciō premieremēt au troixiesme liure en parlant des mines de grenade, les gaulx dit il veulent maintenir q̄ leurs mines sont a preferer a ceulx de turdetaine cest assa uoir celles q̄ sont au mont de cemmene, & qui sont vers le pied du mont pyrene ce que Strabo appelle cemmene. Cesar appelle le mōt de gebēna q̄ separe les celtes des acquitains, & de guiēne. En vng autre passaige ou quatre liure en parlant de la riue de mer qui sappelloit narbonnense. En ce gouffre dit il sont les tabellins qui ont les mines dor les plus riches & milleures que nulles dont il soit memoire, car la en fosses peu parfondes

Des mines du pays.

se treuvent croustes dor, qui peuuent
 emplire la main d'ung homme, et le plus
 souuent se treuvent telles qui fault peu
 douuraige a les puriffier, pour mettre
 en euure. Le reste est raclure et grauelle
 dor quasi preste a mettre en euure sans
 grande preparation. En vng aultre pas-
 saige les tectofaiges dit Strabo sont pro-
 chains des mons pyrenes, qui tiennent
 et occupent terres fort abundantes en or.
 Et quainsi soit on peut iuger par ce que
 en icelle est situe la ville de Tholoze, en
 laquelle le bruyt est quil fut trouue qui-
 ze mille talens ou enuiron en or et en ar-
 gent massif, sans aucune vesselle ou aul-
 tre ouuraige, et ainsi le recite Possido-
 nius. Et fut trouue cest or et argēt partie
 en lacz consacrez, esquelz a ceste cau-
 se on ne peschoit point, puis dit que cō-
 me tesmoigne Possidonius et aultres
 ce pays la est fort abundant en or, et
 les gens du pays superstitieux et adon-
 nez a folles, et indiscrettes religions,
 mais grans mesnagiers, et gens despar-
 gne, et a ceste cause quant ilz auoient
 fort amasse or et argent ilz le mettoient
 en tresors, et en ce faisant ne trouuoient
 riens plus seur que de le getter dedans
 les lacz

Le tresor
 de Tholo-
 ze.

les lacs du pays ou les pillars ne le cherchoient point, mais les rommains quant ilz eurent subiugue le pays, ilz venderent entre aultres choses la pesche de ses lacz, nō obstāt quilz fussent dediez aux dieux du pays, & les marchans par ceste occasion trouuerent lor & l'argent qui estoit gette en fons en grosses masses: Cicero ou troixiesme liure de la nature des dieux, dit quil fut decrete par le senat que punition seroit faicte de ceulx q'auoient pris ce tresor des Tholosains. Iustin ou trentedeuxiesme liure dit que ce fut Cepio consul de Romme qui fit faire ce sacrilege, et que a ceste cause luy et son ost qui se estoient enrichiz de cest argent, vindrent a la fin a desconfiture et perdition, et de la est emane et venu le prouerbe ancian, ainsi que dit Auslegelle ou troyxiesme des nuytz attiques, qui est tel que quant aulcun cheoit en fortune detestable & a fin calamiteuse, et miserable. on disoit de luy. il a eu le cheual de Seianus, ou il a eu part au butin de lor de Tholoze, pource que tous ceulx de la compaignie de Cepio qui eurent aulcune portion de cest or ou argent dessusdict, moururēt miserables.

Lor de

tholoze.

E P I T O M E

Le che-
ual de se-
ianus.

blement, et le cheual de seian vint de la
 rasse des cheuaulx d' diomedes de thra-
 ce, et fut ne en Arges et nourry par Se-
 ian et estoit cheual fort beau, bien rele-
 ue, et bien corse, et de poil bayart fort
 rouge. Dolobella consul Rommain la-
 chapta au dict lieu cent mille sesterces,
 qui font deux mille cinq cens escus. De
 puis il vint par plusieurs maïs, iusques
 a Anthoine le triuuir, qui a la fin se tua
 par desespoir en Alexandrie, et ainsi fi-
 nerent leurs iours detestablemēt Dolo-
 bella Cassius et aultres, qui auāt luy pos-
 siderent le dict cheual, car il portoit a ses
 maistres fortune aduerse et malencon-
 treuse. Pour retourner a mon propos le
 tresor de Tholoze, q' estoit quinze mil-
 le talens, valloit autant que neuf milliōs
 descus. Iustin dit quil y auoit cent dix
 mille liures dor, que nous pouons bien
 dire besans selon le latin, et quinze cens
 mille liures d'argēt, qui est somme qua-
 si triple de la sōme deffusdicte, car pos-
 se que lor ne fust que a vingt deux qua-
 ratz, sil valloit il bien autant et plus q'
 cent escus au soleil. Strabo aussi recite q'
 Luerius au pays dauuergne estoit si ri-
 che & si opulent, que pour faire ostens

Luerius
auuergne
gnat.

tation et monstre de son attoir, il mon-
 toit aulcunesfois en vng cheriot, & se
 faisoit raouller par les champs espendât
 monnoye dor et dargent, au moyen de
 quoy il auoit grant suite de peuple. Le
 pere de luy nomme Bitius auoit en son
 temps cōbatu deux cōsulz Rommains
 ayant avec luy deux cēs mille hommes
 de guerre. Iulques cy nous auons parle
 des richesses des Rommains, des Mace-
 doniens, Egyptiās, & aultres dōt l'histoi-
 re profane fait mention, tant latine com-
 me grecque, reste maintenant a toucher
 en brief du fait des Hebrieulx, dont la
 saincte histoire porte tesmoingnaige.
 par le discours de laquelle il pourroit
 sembler ce que iay dit cy dessus ne se
 puisse soubstenir, ou a ceulx qui veul-
 lent adherer a l'histoire profane, pourroit
 sembler que l'escripture saincte soit fa-
 buleuse, ou au moins hyperbolique.
 Premièrement ou vingt deuxiesme
 chappitre du premier liure de Paral-
 pomenon. Nous lifons que Dauid dis-
 soit a Salomon. Mon filz conforte toy
 & prens couraige d'homme & n'ayez
 paour, car en ma paourete iay amas-
 se, collige, & prepare, la despence qui

L'histoire
saincte.

EPITOME

Tresor
de dauid,

est necessaire pour faire la maisõ de dieu, cest assauoir cõt mille talens dor vng million de talens d'argent. Ceste somme prisee a lestimation que iay fuiurie iusques cy est infinie, et innumerable. nous auons veu cy dessus que toute la richesse trouuee es tresors de perse ne monte point a deux cens mille talens, et toutes uoyes les roys d'asirie et de perses pillerent iherusalem et eurent les iuifz en leur possession, et Nabuchodonosor emporta les vesseaulx du temple, et depuis Syrus roy de perse les renuoya & donna cõgie de rediffier le tẽple. il est escript aussi ou dixiesme chappitre du troixiesme liure des roys, que du temps de Salomon il y auoit tant d'argẽt en iudee quõnen faisoit nulle estime, car le nauire de Salomon et du roy Hyran alloit vne fois en trois ans en Tharce, & en amenoit grant force or & argent, tellement dit le texte quil y eust tant dor et d'argent en iherusalem, comme de pierres, et quant la maison de plaisir que Salomon auoit en la forest de Liban toute la vesselle et vstensilles estoient dor fin. En ce mesme chappitre il dit que les tribuz ou octroiz qu'on offroit tous les

ans a Salomon estoit fix cens soixante
 fix talens dor, oultre & par dessus lordi
 daire des aydes et de ce qui venoit Da
 rabie. Ceste somme icy ne correspond
 point a la quantite de cent mille talens q̄
 David laissa, & neantmoins il sappel
 loit paoure en comparaison de Salomō
 qui debuoit estre si riche, & pour accor
 der ces passaiges ne les gloses, ne autres
 commentateurs ne dient aucune chose
 pource, quilz ne scauoient que penser.
 il ny a nul doubte que David & Salo
 mon ne fussent roys trespuissans, car
 David auoit subiugue et rendu tribu
 taires les roys alentour de Iudee et en a
 uoit acquis grant richesse, ainsi quon
 peult veoir par lhistoire. Et dit iosephe
 ou septiesme liure des antiquitez, que
 David laissa quant il decedda plus grāt
 tresor que nul aultre roy, fust Hebreu
 ou Gentil, & estoit le tout mussé ou ses
 pulcre de David, et dedans les capses &
 vesseaulx monumentaires, esquelz les
 ossemens des roys estoient mis, en ma
 niere que le tresor estoit fort difficile
 a trouuer, & toutesuoyes se nous pre
 nons lestimation de talens selon ce que
 iay dit. ceste histoire nauroit foy que p

auctorité de saincte escripture, & non pas par verisimilitude, mais se nous regardōs biē toutes les histoires, no⁹ trouuerons que tout s'accordera et que l'histoire saincte sera verifiee par l'histoire profane si besoing est. Eusebe ou neuuesieme liure de la preparatiō euangelique dit auoir leu en Poleme ancian historien, que le roy de Tyr et de Phenice avec aultres plusieurs estoient tributaires au roy Dauid, et a ce les auoit dauid redigez par force darmes, et que par denunciation diuine luy fut monstre le lieu ou le temple debuoit estre ediffie, mais pource ql'auoit macule ses mains de sang espendu en guerre, luy fut dit quil ne pouoit bastir ledict temple, par quoy il fist le plus grant amas quil peut dor d'argent et de cuiure, de pierre, de merriē, de cypres, & de cedre. Et a ceste cause enuoya en vne yfle quil appelle vrphe situee en la mer rouge abundante en mines dor de laquelle en fut amene innumerable quantite. Apres son decez Salomon son filz sur lequel retumboit la charge de la construction du temple, avec le tresor de Dauid enuoya au roy Degypte nomme Vafres, & luy enuoya lettres contenentes ce quil

sensuit. Salomon roy de iudee a vafres
 roy degypte son amy paternel salut. Sa- Ediffica
tion du té
ple de Sa
lomon.
 ches que par la grace du dieu de Dauid
 mon pere ce royaulme mest escheu, leq̄l
 Dauid me commenda durant sa vie que
 ie bastisse vng temple au createur du
 ciel et de la terre, & voulut que te escrips
 se a ce que me vouldisses donner cons
 fort et ayde en cest affaire. Et pource ie
 te prie & requiers que ton plaisir soit
 menuoier maistres macons tailleurs, ou
 uriers, pour construire ledict temple, les
 quelles receues per le roy degypte, il
 luy rescripuit en ceste maniere. ie tenuo
 ye. viiij. xx. mille hōmes ouuriers, et cō
 structeurs dediffices telz q̄ tu as demā
 dez, et pource faiz dōner puissiō a leur
 cas en maniere quilz puissent viure, &
 quilz nayēt aucune indigence ne faul
 te de ce quil leur sera necessaire, tellemēt
 que quant le temple sera parfaict il puis
 sent retourner a nous en bonne prospe
 rite. Pareilles lettres escripuit Salomon
 au roy Suron de Tyr, et eut aussi sem
 blable respōce et nombre pareil de mai
 stres deuures et ouuriers, et dauantaige
 vng Architecte, cest a dire maistre &
 souuerain deuiseur de bastimēs, qui de

EPITOME

per sa mere estoit de iudee et renommé
מאכא הו עמפולמי
עמפולמי היסטוריוס
הו עמפולמי היסטוריוס
 architec̄te sur tous les aultres. Ceste his-
 toire escripte par Empolemus historiā
 gentil accorde du tout avec le texte de la
 Bible ou cinquieme chappitre du trois-
 iemesme liure des roys, & nya aultre diffe-
 rence, quant est de ceulx de Tyr, synō q̄
 le roy de Tyr quil appelle suron est nō-
 me Hiram ou dict chappitre, de ce par-
 lant Iosephe ou huitiesme liure des an-
 tiquitez dit que les deux epistres Dhi-
 ram & de Salomon estoient de son tēps
 saines et entieres en iudee & en Tyr, &
 ou premier liure du traicte escript par
 luy contre Appion, Les tyriās dit il ont
 encores les registres du temps passe, es-
 quelz est enregistre l'appareil et matie-
 res aprestees pour le temple de iudee, et
 estoit Hironius grant amy de nostre roy
 en appellant par luy Hyronius, ce que
 le scripture sainte appelle hiram Empo-
 lemus historien gentil dessusdict passe
 oultre, et dit que tout lor qui fut ēploye
 ou temple es colūbes et vaisseaulx dor
 monte quatre millions six cens mille, et
 l'argent pour les cloux et aultres choses
 mōte douze cēs trēte deux talēs, puis fu

rent cōtentez les ouuriers & renuoiez
 ceulx Degypte en leur pays, & les tyri-
 ens en Tyr, & fut donne a chascun dix
 talens dor, mais iappelle, dit il, vng ta-
 lent ce quilz appelloient vng sicle. Plus
 enuoya Salomon au roy Degypte grāt
 quantite dhuile, & au roy de Thir vne
 colonne dor, qui se veoit encores en
 thir ou temple de iuppiter. Ceste expo-
 sition de talent faicte par Empolemus
 fait lhistoire creable, & si nous donne a
 entendre ce qui est escript cy dessus du
 tresor de Dauid montant si grant nom-
 bre de talens, Sainct iherosme en lexpo-
 sition du quatriesme chappitre de Eze-
 chiel dit qung sicle est vng stater, qui
 vault quatre drachmes attiques, ce qui
 conuient avec le dit de Iosephe ou troi-
 xiesme des antiquitez, ou quel lieu il
 dit qung sicle vault quatre drachmes
 attiques, & ce dit il en exposant le tren-
 tiesme chappitre dexode ou il est escript
 vng sicle vault vingt obolles; dont la
 moytie se donnera en offrande: A ceste
 raison en prenāt seulement huitvingts
 mille ouuriers, pource que le texte faict
 dit huitvingts mille tailleurs de pierre
 & septante mille qui portoient la pierre

Vng ta-
 lent dor
 & vng si-
 cle tout
 vng.

stater
 sicle
 drachme
 obolle

Vng sta-
 ter &
 vng sicle
 tout vng.

E P I T O M E

& troys mille troys cens maistres, si a
 chascun fut donne dix sicles dor, qui
 sont quarante drachmes, ainsi que dit
 Empoleme, le nombre môte a seize cēs
 mille sicles, qui sont six millions quatre
 cens mille drachmes dor, qui valent soi
 xāte & quatre mille liures dor, car chasc
 que cēt vault vne liure. Or valloit chasc
 que liure Rommaine dor fin, comme
 estoit cestuy la, ainsi que dit le texte cēt
 dix escus soleil, & plus, mais pour faire
 le compte plus aise en prenant cent
 escus pour liure & vng escu soleil pour
 drachme ce seront six millions quatre
 cens mille escus, puis pour laultre som
 me qui fut consumee ou employee es
 colummes, ornemens, vesseaulx & dor
 rures du temple fault adiouter a la som
 me precedente quatre millions six cens
 mille sicles dor, qui valent dix huit
 millions quatre cens mille drachmes, &
 autant descuz soleil, en prenant huit es
 cus pour once, qui vault huit drachmes
 ou huit gros a la facon de parler de fran
 ce, car nous appellōs vne gros ce quilz
 appelloient vne drachme & demye on
 ce, ce que les hebreux appelloient vng
 sicles, & les grec vng states. Ces deux

Compte
 de la des
 pence du
 temple.

assemblees montent vingt & quatre millions huit cens mille escus, mais pour ce que lor estoit fin, nous prādrōs deux escus pour once, qui sont dix huit liures tournoys, & adiouterons pout chasque liure Rommaine ou atticque douze escus & demy, & pour chasque sicle desmy escu, qui sont vingt & cinq en la liure. Et ceste addition montera troys millions cent mille escus, car il y a en la somme six millions deux cens mille sicles, qui vallent troys millions cent onces, & si chasque once nous adioustons vng escu au soleil. Et par ainsi la despence du temple monta es parties dessusdictes vingt & sept millions neuf cens mille escus soleil, puis fault adiouster pour douze cens trente deux talens d'argent sept cēs trente sept mille deux cēs escus couronne. Et ce sans compter ce qui fut donne a soixante et dix mille manouueriers dont parle le texte ou cinquiesme chappitre du tiers liure des roys, et a troys mille troys cens maistres, qui auoyent la superintendence de l'ouuraige, et sans la chaulx et les voictures et despense de rin et de fer, et encore croistra mōt la sōme ce no^o y adioustōs

aultres huit. xx. mille ouuriers q̄ furent
 enuoyez par le roy Degypte, ainsi que
 dit Empoleme, et aussi le texte sainct ne
 parle que des tailleurs de pierre, et char
 pentiers, et par ce que dit est on peult
 ymaginer que le temple estoit vng ou
 uraige de merueilleux artiffice, et de de
 spence inestimable. et tout ce estoit oul
 tre le bastimēt de la forest de libane dōt
 parle la saincte escripture, ou quel lieu
 il fit faire deux cens escus de fin or, cest
 a dire couuers dore extenue en facon de
 lames, et pesoit dit le texte chascune la
 me six cens sicles, qui sont deux mille
 quatre cens escus au soleil, et oultre ce
 trois cens peltes, q̄ sont escuz petiz et
 legiers le tout dor trespurifie et affine.
 empolemus dit quil fit faire mille pa
 uoyz dor. lescripture ou troixesme des
 roys dit que Salomon assembla quator
 ze cens charriotz de guerre et douze
 mille hommes de cheual, lesquels il or
 dōna estre assis pour les garnisons des
 villes, et venoient ces cheuaulx degy
 pte et desyrie, et coustoyent les quatre
 cheuaulx venans degypte accouplez
 pour vng tharriot six cens sicles d'argent
 qui sont deux mille quatre cens drach

mes, a la quelle raison chafque cheual
 couftoit foixante efcus couronne. Stra
 bodit que en fyrie y auoit vng tres excel
 lant hyppotrophe, que nous appellons <sup>Hyppo
 trophe d
 Syrie.</sup> haraz ou il y auoit trente mille iumens,
 et trois cens eftallōs deffite, et la estoient
 gens dompteurs de cheuaulx a gaiges
 commis par les roys. Pour confermer
 loppinion deffuidict touchant les talēs
 et ficles, laioufteray cy vng passaige
 dhistoire efcrite par Ctesias aucteur
 grec du roy dassyrie. Sardanapalus qui
 fut enuiron deux cens ans apres Salo
 mon, et par fon deces mist la fin audict
 royaulme, & est ceste histoire cōtenue
 en Atheneus. Lhistoire est assez notois
 re comment Sardanapalus fut affiege
 en fon chasteau et maison royalle, par
 Arbaces fon lieutenant de Mede, et con
 De la fin
 de Sarda
 na palus.
 ment a la fin il se brusla luy et fes concu
 bines avec luy. Ctesias parlant de luy
 recite que quant ledict roy veit que nul
 le esperance ny auoit a soustenir siege,
 et que viures luy failloient, il fit leuer
 en vne place remote et fermee estant de
 dās la closture de son chasteau, charpen
 terie de grosses pieces de boys iusques
 a la haulteur de quatre cens piedz en fa

E P I T O M E

con de pyramide, et dedans ceste char-
 penterie ainsi dressée laissa grant espace
 vuyde et de grant circuit, tellement que
 ou milieu de ceste closture y auoit aul-
 tre lieu dressé de charpenterie labrissée
 de grosses et longues tables ou dais de
 largeur, ledict lieu interiore estoit si spaci-
 eux qu'il auoit cent piedz en quarre, q̄ s̄ont
 quatre cens piedz de tour. Leans dedans
 fist dresser cent cinquante couches dor
 qui seruoient a faire cōuys et banquetz
 magnifiques selon la facon ancienne,
 et alendroict dicelles ou dessus autant de
 tables dor. Et estoit le tour de ce lieu in-
 teriore tellemēt cinct et assemble de mar-
 riē ou grosse menuiserie, que nulle fallie
 ny auoit, ne ouuerture, sinō pour auoir
 iour par le hault. Ce fait fit entrer sa fem-
 me et ses concubines, et dames de sa
 court, que plus il aymoît, non saichans,
 ne soy doubtans de ce quil vouloit fai-
 re, puis y entra luy, et ce fit enclorc sans
 nul espoir de retour, mais auant ce il a-
 uoit fait porter comme dit l'histoire mil-
 le myriades dor, et vne myriade de my-
 riades d'argent, et vng grant nombre
 d'habillemens d'hommes et femmes de
 pourpre et de toutes especes d'acoustre

mens precieux et enrichiz, selon la mode du temps et du pays, quant il se fut enclos avec ce que dit est les eunuches et varletz de chambre du roy, esquelz il auoyt toute fiance et desquelz il auoit pris le serment pource faire, bouterent le feu oudict amas de boys & charpenterie ainsi erigee, en soy acquittant de la promesse quilz auoyent faicte a leur maistre, qui sen estoit a eulx seulement descouuert, et dura le feu par l'espace de quinze iours, dont ceulx de la place et de dehors se merueilloient voyans la fumee qui montoit au ciel, excepte les eunuches qui entendoient le faict. Car les aultres qui auoyent eu acces ou lieu ou la charpenterie estoit dressée cuidoyent que le roy fist vng grant sacrifice aux dieux. Mille myriades dor valent dix millions, qui sont mille fois dix mille, et vne myriade de myriades d'argent vault cent millions, qui sont dix mille fois dix mille. Car tout ainsi que le nombre de mille augmente & multiplie par luy mesmes faict vng million, aussi le nombre de dix mille augmente & multiplie par luy mesmes faict cent millions. Puis que l'auteur

ne meēt que le nōbre sans adiouster ta-
 lens au oultre espece. Nous deuons en-
 tendre sicles qui estoient congneuz ou
 pays ou pieces dor & dargent courant
 ou pays qui estoient du poix de sicle
 comme il est a presumer. Et parce moyē
 Sardanapalus quant il partit du mon-
 de emporta quant & luy, & quasi spo-
 lia la terre ou il voulut spolier, de si grā
 de quantite dor & dargent que dit est,
 car sans les couches & tables dor & pier-
 res precieuses, & acoustremēs royaulx
 dix milliōs de sicles dor valloient autāt
 que quarente millions descus au soleil,
 & cent millions de sicles dargent val-
 loient quatre cens milliōs de drachmes,
 & cent milliōs de drachmes valent qua-
 tre cens millions sesterces qui sont esti-
 mez dix millions descus couronne, car
 les quarante valent vng, laquelle som-
 me il fault quadrupler & serōt quaren-
 te millions descus couronne, par quoy
 l'une somme vult quasi laultre, et nya
 difference que descus soleil a escus cou-
 ronne. Auant ce dit lhistoire, Sardanap-
 alus auoit enuoye ses enfans en garde
 au roy de la ville de ninus, que le scriptu-
 re saincte appelle Ninie, & pour eulx
 auoit

Treſor de
 Sardana-
 palus.

ym illi
 .nobis

auoit enuoye troys mille talẽs dor, mais
 ie prens talent en ce lieu pour soixante ^{talẽt dor.}
 & dix liures dor ou mines Dathenes. car
 talent dor se prenoit comme iay dit en
 deux manieres, lune fois pour talent ba
 byllonicque, qui valloit vng sixiesme
 plus que latticque, ainsi que dit herodo
 te. Laultre fois pour vng sicle, qui estoit
 monnoye forgee du poys de demye on
 ce. Et pource quant on lit ce mot, talent,
 es escriptures sainctes, ou es escriptures
 faisans mẽtiõ des assyriens, ou de ceulx
 de Caldee il y fault accommoder iuges
 ment, ou autrement on tumberoit en
 grant erreur. Exemple, Nous auons ia
 veu de Dauid qui laissa cent mille ta
 lens dor & vng million dargent, comme
 il est escript ou premier liure de Paral
 po. & ou dixiesme chappitre du tiers li
 ure des roys. Nous lisons que la royne
 Saba donna a Dauid six vingts talens
 dor, & force pierres precieuses. En vng
 aultre lieu on lit q̃ le roy Hiram enuoya
 ses nautonniers & pilotz avec les gens
 de Salomon, & rapporterent dophir
 quatre cens vingt talens dor. En ces der
 niers exemples il fault entendre talens
 de septante liures dor, qui sont sept mils

EPITOME

le drachmes, & autant descus ou soleil, selon l'opinion Dherodote, ou selon l'opinion de Pline huit mille escus, car le talent egyptiaque valloit quatre vingts liures, autrement ce que nous auons veu de lisle ophir ou vrphe, ainsi que Empo seme la nomme ne se pourroit soubstenir. Pareillement ou vingt neuuiemes chappitre du premier de Paralipo, ou Dauid en assemblee de peuple dit, outre ce que iay prepare & mis a part pour le temple de dieu, encores donneray ie troys mille talens dor de lor dophir pour dorer le temple de dieu. le croy quil se doibt entendre de talens de poys et non de talens monnoyez, attendu ce qui est escript ou lieu dessus allegue de cēt mille talens dor. Et Iosephe en vng passaige. Dauid, dit il, faisant les primices de ses oblations promist de donner troys mille talens dor, pour faire le sainctuaire et le charriot de dieu, & les princes & prebstres de la loy donneront par grā de gayete, & quasi par emulation cinq mille talens dor & dix stateres, & neant moins sur ce passaige ie ne vueil riēs asfermer, car il est doubteux. Tant ya qu'un talent ne peut moins valloir quing sta

ter g est de quatre drachmes, p quoy le
 cōpte q̄ no^uuōs fait ne peult estre faulx
 Iosephe ou. viij. des antiq̄tez en escrip
 uant ce que Dauid prepara pour le tem
 ple dit en ceste maniere en parlant en la
 personne de Dauid. Mes freres iay as
 semble vne grant finance dor et dargēt
 iusques a cent mille talens, ce qui ne cō
 corde pas a la grande somme contenue
 ou lieu dessus allegue. De talent dor il ^{talēt dor}
 nya nulle ou bien petite mention es hi
 stoires grecques et latines, sinon ce que
 ien ay dit parauant. Pollux escriuant
 a Commodus empereur de Romme dit
 qung talent dor valloit trois piēces dor
 atticques, qui sont autant que trois mes
 dailles dor de Romme, pesant troys
 quars donc ensemble, ainsi que lon
 veoit aujourduy. Mais le talent dargent
 dit il vault six mille drachmes. On peult
 veoir par ce que dit a este cy deuant,
 que lor & l'argent estoit trop plus abū
 dant anciennement qui nest de pre
 sent, & sont ces deux mestaux tousiours
 diminuez par succession de temps,
 car il sen deperit tousiours par vsaige,
 par dorures, per naufraiges, par trefors

Lor et lar
 gēt est de
 pery et
 tousiours
 diminue.

Mydas et
Cresus

Iauoir de
Cyr⁹ roy
de perse.

enfourys, et aultrement, et les mines se
font aneanties et perdues, ainsi quil est
euident, parce que lon dit et que iay re-
cite cy dessus. Pline ou trente troixies-
me liure parlant des grans richesses, dit
que Midas roy de phrige, & Cresus roy
de lydie, qui est aujourduy lanatolie &
la turquie, estoient riches dor sans nom-
bre. Cyrus aussi roy de p^se qui prit cre-
sus et ses tresors eut infinie opulence,
car il spolia toute Lasie, tellement quez
victoires quil eust, il gaingna cinq cens
mille talens dargent, voire talens Degy-
pte, qui valloient comme il dit octante
liures dargent, & avec la somme dessus-
dicte rapporta le grant hanap de Semir-
ramis, qui pesoit qnze talens. Ceste som-
me ou quantite dargent est la plus gran-
de que iaye memoire dauoir leue dargēt
assemble pour vne fois, Car elle mon-
te troys cens millions descus, & a prans-
dre talens degypte, cōme dit Pline vng-
sixiesme dauantaige, qui sont cinquante
millions. Et nest de esmerueiller sil
en accumula tant, car il auoit eu en sa
puissance les richesses anciennes dassy-
rie, qui estoient translatees en mede, &
de plusieurs aultres pays. Par ce moy

en auoit eu les anciennes richesses de dauid, & de Salomon. il dit aussi quil y eut vng anciā roy de Colchis nomme Esurbopes, qui auoit ouuert premierement les mines, et trouue la terre vierge, & di
 celle enleue or & argent innumerable, Le roy de Colchis.
 puis auoit eu victoire de Sosestres roy degypte tresabundant en richesse, tellement que ce roy de Colchis auoit en sa maison columbes, poultes, et huisseries dargent, et voutes dor, et dit que pour la grande opulence de ceste contree fut inuentee la fable de la toison dor. il me semble q̄ cest ce quon peult dire en brieft et par maniere de sommaire du liure de asse, ou quel est traicte amplement du fait de comptes, de poix, et de mōnoyes antiques & histoyres plus insignes concernans ceste matiere, et afferentes a ce propos par lesquelles lestat du monde, et des royaulmes et empires renommez se peut entendre plus clerement. Au regard de lautre membre du liure, qui est des mesures seruant a entendre pareillement les choses āciēnes, et mesmement la capacite des nauires, le nen ay vous icy escripre, car cest vng aultre deuis & qui requerroit discours particulier,

Cōlusion
de ce li-
ure.

qui ne feroit pas petit, & le liure est ia
venu a grandeur competēte pour vng
epitome & abbrege, & en tout ce que
iay dit de ceste matiere ie ne treuve dif-
ficulte touchant laduis que ien ay faict
et explication de leuure, sinō ou fait des
hebrieux, comme iay dit, car iosephe ne
saccorde point a lescripture saincte tou-
chant le nombre des talens. Et se nous
entendons cent mille talens dor atticqs
ou babyllonicques auoir este laissez en
tresor par Dauid avec l'argent qui est de
signe, la somme seroit immense, & faul-
droit entendre que lescripture plast par
figure, & hyperbolicquement, aussi se
nous entendons talens pour sicles ce se-
ra petite somme quant a la despence du
temple, & attendu que Iosephe dit que
Dauid laissa plus grant tresor que nul
aultre Roy, soit hebrieu, ou aultre. ley
pour conclusion et fin de ce liure iadiou-
steray vng dit de Pline soy esmerueil-
lant et vituperant la cupidite des hom-
mes, et insaciabile auidite d'accumuler
opulence sur opulence, laquelle iamais
ne treuve fin, et par ce moyen l'homme
ne peut iouyr de beatitude et felicite, la
quelle gist en desir accōply ou rasafye.

Vng no-
table dit
de plinc.

Or bien dît Pline prenōs vng hōme qui tant ayt accumule dor et dargent quon puisse dire ql soit riche sans nombre, en corres ne sera ce riens en comparaisō dung hōme que ie diray, qui ne fut roy ne ayant principaulte egpollāt a royaulme, ce fut ce Ptolomee, qui tant fit de frais pour ayder a pompee quāt il subiuga la iudee, quil entretenoit a ses despēs et a se gaiges huit milles hōmes de cheual, et alors fit vng festin ou quel il y auoit mille hommes seans a table, qui auoint chascun leur tasse dor, et leur changeoit on a chascun mes quon seruoit tasse dor de nouvelle facon, mais encores, dit il, sa richesse ne feroit que ne petite portiō de la richesse de Pythius de bithimye qui donna au roy Daire de perse vne plane dor avec la vigne dor dont il estoit si grant bruit, & est encores si grant memoire, et de puis receut icelluy Pythius par hospitale liberalite le roy Xerxes filz dudict daire quant il passa pour aller contre la grece par hostillite, et avec luy receut tout son ost mōtant en nombre sept cens octante et huit mille hommes, et les festoya pour vng iour en vng bāquet. Et pour ce q̄le dict

Richesse
de Ptolomee.

Richesse
de pythius

EPITOME

Pythius auoit cinq filz, et que le roy faisoit commandement que tout homme puissant et ydoine a porter armes passast avec luy en grece, il offrit audict roy de soldoyer son ost pour cinq moys, & de le fournir de bled durant ce temps, ou nom de ces cinq enfans, et pource de mandoit seulement respit daller en ceste guerre pour son filz ainsne a ce que en l'absence de quatre autres il peust conduire le fait du pere, et supporter sa vieillesse. Herodote recitant l'histoire met plus grant nombre de gens deux fois, que Pline, parquoy il semble quil y ait faulx ou nombre de Pline. Et dit Herodote ou septiesme, que quant Xerxes approcha de la ville de Celene en phrygie, Pythius alla au deuant de luy, & l'invita luy et tout son ost a loger en ses terres et maisons, et apres quil les eust festoyez leur donna dons magnifiques, et offrit au roy luy stipendier tous ses gens durant ceste guerre. Alors Xerxes esbay demanda a ceulx qui estoient de costé luy, qui estoit cest homme qui se vanta de si grant chose, et faisoit telle offre de luy mesme, on luy respondit que cestoyt Pythius le riche, qui auoit donne

a son pere la vigne dor, & la plane, quāt
 il estoit passe par la, & qui neaumoins
 estoit encores le plus riche homme que
 lon sceust en Asie apres le roy. Ce fait
 Xerxes se retourne vers Pythius, & luy
 demanda quelle somme de deniers il
 pouoit auoir si grāde quil pensast estre
 suffisante pour stipendier son ost qui
 estoit si grant & si populeux. Sire res-
 pond Pythius, quant iay entendu que
 vous descēdiez vers la grece pour mes-
 ner la guerre, ie me suis pris a regarder
 quelle somme iauoye content, car ia par-
 auant ie mestois delibere de vous don-
 ner le tout, pour defraier vostre exerci-
 te. en fin de compte, iay trouue que ia-
 uoye deux mille talēs en argēt, & en or
 quatre cens myriades de stateres daric
 ques moins sept mille pieces seullement.
 Tout ce sire vous dōne ie, ainsi que iay
 delibere des long temps. Et pour moy
 & mon estat entretenir, ie retiēdray lin-
 dustrie de mes serfz, & le reuenu de mō
 agriculture, qui me suffira. Quant Dai-
 re eut cōsidere le cueur liberal de Pythi-
 us, il luy respōdit par grāt lieffe & gaye-
 te de cueur, ce qui sensuit: Mō amy dit
 il, ie vous faiz mon hoste & amy pour

la recōpense de la grant offre que vous me faictes, & pour vostre grāt largesse & benigne, & si vous redonne tout & vous fourniray dauantaige les sept mil le daricques qui deffailent du nombre dessusdict, affin que le cōpte soit rōd, & pour ce ilz font a vous cōme ilz estoient parāt, & ie ny ay plus riens, mais vous ioubuiegne destre tousiours tel subiect comme vous estes mōstre a ce coup, & vous vous en trouueres bien. Quatre cens myriades vallent quatre millions, cest adire quatre cens fois dix mille. les Rommains disoient quarante fois cent mille, parquoy pour estimer ceste somme il ne reste que de scauoir cōbien valloit vng stater daricque. Les historiens font mention de stateres daricques, philippicques, & alexādrins, lesquelz sont denōmez par le nom des roys desquelz ilz portoiēt lymaige. Pollux dit qu'g stater dor valloit vne liure ou mine d'argent, & est la raison qu'ng stater en poix vault vne mine, aīsy cōme il dit. toutesuoyes nous auōs veu cy dessus q' selon l'opinion de Iosephe vng stater ne valloit qu'g sicle, q' sont quatre drachmes, & quatre drachmes dor fin vallēt. ix. liures

Quatre
cens My
riades.

Stater
dor.

tourn. & plus faïly est q̄ dit Pollux vng
 ftater daricq̄ valloit. i. escu courō. q̄ est
 quasi la moitie plus qung siele dor, &
 pesoit autāt q̄ quatre medailles de rōme
 lesquelles poisent deux gros la piece, ou
 deux drachmes, q̄ est tout vng. A ceste
 raison les quatre millions de Pythius re
 uiennent a trente six milliōs descus cour
 rōne a trēte cinq solz pour piece, qui est
 forte mōnoye, & aujourduy vouldroit
 plus. lay souuenance dauoir veu entre
 les mains dung changeur de paris vne
 medaille anciēne en la q̄lle estoit escript
 en lettres grecques q̄ cestoit la face du
 roy Lyfimachus qui fut lung des succes
 seurs Dalexandre, & pouoit estre de de
 mye once d'argent q̄ nest q̄ la moitie du
 poix dessusdict, mais les pieces dor se
 forgeoient a rōme & a athenes doubles
 de celles d'argent, car vne medaille dor
 poise deux d'argent, & ainsi peut ou iur
 ger & veoir aujourduy. Quoy q̄ ce soit
 il est necessite q̄ ces quatre milliōs de da
 ricqs fust grosse somme, car du moins y
 auoit il huit cens mille hommes par ter
 re enlost de Xerxes. Et quant ilz neus
 sent eu que trois escus au soleil p̄ moys
 tant gens de pied, que gens de cheual

si feroit ce par moys deux millions qua-
tre cens mille escus au soleil, sans le bled
que pythius debuoit fournir, & il falloit
que les cappitaines & gens de cheual
eussent triples gaiges. Et combien que
ce pythi⁹ fut si riche, toutesuoyes Pline
dit quil nestoit pas a comparager a Cres-
sus Roy de lydie, lequel auoit nombre
dor infini. A ceste cause cest faulte de
tendement a lhomme que de mettre son
cueur si auāt en auarice, dont la fin nest
aultre chose, que de posseder grant finā-
ce, & se sont trouuez aulcuns serfsz qui
ont este plus puiffans en richesse que
ne sont les roys renommez. Et des roys
qui en ont tant abundamment possē-
de, il ne sen trouua iamais vng qui en
pēlast auoir assez accumulle, ainsi que
dit Pline. Pallas fut serf de Nero, & tāt
acquist soubz luy apres quil fut mis en
liberte, quil fut possesseur de trois mil-
le foys sesterces, ainsi que dit Cornelius
tacitus, qui vallent sept millions cinq
cens mille escus. Pline dit quil fut plus
riche que Crassus, combien que Cras-
sus eut en terre, & heritaiges lestimatiō
de cinq millions dor, & cōbien quil fut
appelle le riche de son temps, & le plus


riche des Romains apres Sylla, neant
moins du temps de Claude l'empereur
y eut trois serfs, cestassauoir Pallas, Ca
listus, & Narcissus, qui furent plus ri
ches que luy chascun. il fault doncques
conclurre par la parabolle de Salomon
qui a este le plus riche de tous hommes
& le plus sage, que la beatitude et felici
te de ce siecle, et de ceste vie, consiste en
acquisition & possession de sapience.
pource comme il dit que sapience tient
en sa dextre, longueur de vie, & les ans
que lon doibt viure, et en sa senextre el
le porte opulence et gloire, et qui peut
les aultres surmonter en acquisition de
ce bien et estre eminent en gloire et re
nommee acquise par honneur & ver
tuz & par les biens de lentendement, il
est possesseur & riche des biens de ce
monde qui sont propres aluy, & ne de
meurent aux heritiers.

Fin de ce present Epitome.

Fin de ce présent Epitome du liure de
Asse, fait par maistre Guillaume Bur
de conseiller du Roy nostre sire &
maistre des requestes ordinai
res de son hostel. Impris
me a Paris par maistre
Pierre Vidoue, pour
honeste personne
Galliot du preli
braire iure. ce
iij. iour de
lanuier
Mil ciq
cens vingt &
neuf.








OCN 10755224





6438.

12-12-59.

